

~~167~~
1a

Baton

სახელმწიფო ძალის ხელში ჩაგდება

§

სტალიური რევოლუცია.

ფანი მრთი აბაზი.

თ ფ ი ლ ი ს ი

ელექტრომბეჭდავი აზს. „ურდმა“, მიხეილის პრ., № 65.

1906

კ. 60

335.8

Baton

198

შ.ვ. 2015-3833

სახელმწიფო ძალის სელში ჩაგდება

15.

უტსიალური ჰავთლიუსია.

67
1a

თ ფ ი ლ ი ს
ელექტრომბეჭდავი აზ. „პრომა“, მიხეილის

1906



სახელმწიფო ძალის ხელში ჩაგდება და სოციალური რევოლუცია.

I

მას შემდეგ, რაც ინტერნაციონალი დაარსდა და მუშათა კლასი ყოველ-დღიური გამოცდილებითა და ბრძოლით თან და თან იკვლევს თავის განთავისუფლების საშუალებას, არც ერთ კითხვას არ გამოუწვევია იმდენი მსჯელობა მუშათა შორის და სოციალისტთა კონგრესებზედ, იმდენი დავა და წინააღმდეგობა სხვა და სხვა სოციალისტურ პარტიათა შორის, როგორც კითხვას სახელმწიფო ძალის ხელში ჩაგდებას შესახებ. (*La Conquête des pouvoirs publics*).

ეს სახელმწიფო ძალის ხელში ჩაგდება ერთად ერთ საშუალებად შეიქმნა საციალური ტრანსფორმაციისა სოციალისტურ-პოლიტიკურ პარტიათათვის და მალე თავისი ნაყოფიც გამოიღო, — იგი გადიქცა სოციალ-დემოკრატიების და სხვა „პოლიტიკურ პარტიათა“ კანონიერი მოქმედების წყაროდ, მათი ლეგალიზმის დასაძტვიცებელ და გასამართლებელ პრინციპად.

და ეხლა როდესაც მთელი სოციალ-დემოკრატია და სხვა სოციალისტურ-პოლიტიკური პარტიები, რომელთაც სრულიად დაჰკარგეს ყოველივე რევოლუციონური სული, რომელნიც სრულიად ჩაიფლენ კანონიერების და მშვიდობიანობის მორეჟში, — ეხლა მეტადრე, როდესაც ეს პარტიები მთელი დედამიწის ზურგზედ არწმუნებენ მუშებს, რომ მხოლოდ ისინი არიან

„ერთად-ერთი პარტიები პროლეტარიატის დამცველი“, როდესაც საჯაროდ გაიძახიან რომ თოფითა და იარაღით ბრძოლა ბურჟუაზიული წესებია რევოლიუციისა და მხოლოდ საარჩევნო ბიულეტენით, მხოლოდ საყოველთაო არჩევნებით არის შესაძლებელი ამ პარტიათა მიერ მთავრობის ხელში ჩაგდება და შემდეგ საპარლამენტო უმეტესობითა და კანონმდებლობით საზოგადოების გარდაქმნა, — ეხლა მიგვაჩნია ჩვენ საჭიროდ, განსაკუთრებით ჩვენში, სადაც პირველად შედის ხალხში სოციალიზმისა და რევოლიუციის ცნებანი, მიეუთითოთ ხალხს ნამდვილ საშუალებებზედ და დავგმოთ ღირსეულად ევროპიდან რუსეთში და იქიდან ჩვენში შემოტანილი ნაყოფი ევროპის გადაღწეული დემოკრატიის აზროვნებისა, ევროპის აზრის სილაჩრისა, რომელმაც შეიპყრო მთელი ევროედ წოდებულნი პოლიტიკური პარტიანი.

მაგრამ. მიუხედავად ამისა, დღეს, საბედნიეროდ, დიდი პროტესტია ევროპის მუშათა კლასთა შორის ამ ლეგალური კრეტინიზმის წინააღმდეგ, დიადი ტენდენცია არსებობს ნამდვილი სოციალური რევოლიუციისაკენ. მის საშუალებათა მუშავებაზედ ბევრი გონებრივი ენერგია დაუხარჯავს, ბევრი სისხლი დაუღვრია ევროპის მუშათა კლასებსა— და ჩვენც ვეცდებით, — გავარკვიოთ ეს ორი მიმდინარეობა სოციალიზმის განხორციელების საშუალებათა შემუშავებაში, — ლეგალიზმი, კანონიერი მოქმედება, სახელმწიფო უფლებათა ხელში ჩაგდება, — და სოციალური რევოლიუცია. ეს ორი ცნება არა თუ ერთი და იგივე არ არის, როგორც ამას ამბობენ პოლიტიკური პარტიები, არამედ პირდაპირ პრიკხავენ ერთმანეთს, პირდაპირი მოწინააღმდეგენი და მტერნი არიან ერთმანეთისა.

ამ პოლიტიკურ პარტიებს რომ ჰკითხოთ, — რათ ეძახიან ისინი თავს „პოლიტიკურ პარტიებად“ — მაშინვე გიპასუხებენ: — მიტომ რომ ჩვენ პოლიტიკური ბრძოლა გვწამს; მიტომ რომ ყოველივე ბრძოლა ეკონომიური, ყოველივე ბრძოლა

კლასსთა შორის იმავე დროს პოლიტიკური ბრძოლა! — კარგი და პატიოსანი, — ეტყვი თქვენ, — მაგრამ აქ კანონიერი მოქმედება, პარლამენტარიზმი რაღა შუაშია? — აქ კი ჩვენი პოლიტიკური პარტიის წევრი ვაკვირვებით შემოგხედავს და მართლაც ეგონება, — გიყი ხომ არ არის ჩემი მოსაუბრეო. — როგორ? სწორედ იმიტომ ვართ პოლიტიკური პარტია, რომ სახელმწიფოს საზღვრებში ვიბრძვი, ვსარგებლობთ იმ უფლებებით, რომელიც გვაქვს დღევანდელ ბურჟუაზიულ პირობებში, და მივდივართ თან და თან სახელმწიფო უფლების მთლად ხელში ჩაგდებისაკენ, პროლეტარიატის დიქტატურისკენ, „სოციალური რევოლუციის სახელით“. — ამგვარი იქმნება მათი პასუხი.

თანამედროვე მარქსისტი, მაგალითად, და განსაკუთრებით ბერშტეინის მიმდევარი, სრულიად ჩაიფლა კანონიერების უფსკრულში და საარჩევნო კენჭი ერთად ერთ იარაღად აღიარა პრაქტიულად, და ასე გასინჯეთ — თეორეტიულადაც, მრავალმა მათგანმა სოციალური რევოლუციის მოხდენისთვის ერთი მათგანი. ავსტრიელი ს.-დ-ი ჰილფერდინგი, ფრანგული რევოლუციონერობასაც უკიყინებს, და საფრანგეთის მუშათა კლასის თეორიას რევოლუციისას (რევოლუციონურ საყოველთაო გაფიცვას, მაგალითად) ვალლების ფრაზეოლოგიას ეძახის, და საფრანგეთის წესებს რევოლუციისას — ბურჟუაზიულ წესებად სახავს. საზოგადოდ ამ ბოლო დროს სქელ-კანა გერმანელი ძლიერ თავხედობით ექცევა ფრანგებს და რევოლუციისასაც კი ასწავლის, მაგრამ მათ ამ შემთხვევაში სხვა არა ეთქმისთ რა, გარდა კრილოვის „ვირისა და ბულბულის არაკისა“... თვით ოპორტიუნისტმა ეორესმა ძლიერი წკიპურტი ჰკრა ცხვირში გერმანელ ს.-დემოკრატის ამსტერდამის კონგერესსზედ; თუ კი ამისი გრძნობა შეეძლო მოუხეშავ გერმანელს, ძლიერ საგრძნობელი იყო ეს წკიპურტი...

აგრეთვე ბლანკისტი მუდამ გაიძახოდა, და ეხლაც გაიძა-

ხიან ნაშთები ბლანკიზმისა, რომ სახელმწიფოს ხელში ჩაგდება ერთად ერთის საშუალებაა სოციალური ტრანსფორმაციისაო, მაგრამ ესენი უფრო რევოლიუციონური გზით აღწევენ ამ მიზანს, ვიდრე კანონიერითა, და ამით ინახავენ თავიანთ დიდებული მებრძოლი მოძღვრის ტრადიციას. დიქტატურა პროლეტარიატისა! — გაიძახიან ისინიც, როგორც ს.-დ—ები, იმ განსხვავებით, რომ ს.-დ—ების უმეტესი ნაწილი კანონიერი მოქმედებით მიისწრაფის ამ დიქტატურისაკენ, ბლანკისტები კი როგორც კანონიერით, მით უმეტეს რევოლიუციონური მოქმედებით.

არის აგრეთვე სხვა სკოლები სოციალიზმისა, რომლებიც კანონიერი და არა კანონიერი გზით მიიღებენ დიქტატურისაკენ, რომელნიც არ სცილდებიან სახელმწიფო დაწესებულებათა საზღვრებს და მათ ფარგალაში, მათი საშუალებით ჰგონიათ შესაძლებელი სოციალური ტრანსფორმაციის მოხდენა.

არის მათსადამე ერთი განსაზღვრული საშუალება ბრძოლისა — სახელმწიფოს საშუალებით ბრძოლა, — ან არსებულ სახელმწიფო დაწესებულებათა გაუმჯობესება, ან მათი ხელში ჩაგდება, ან და მათი დანგრევა რევოლიუციონური გზით და შემდეგ ისევ მსგავს დაწესებულებათა შექმნა თვით დიქტატორთა მიერ, რაითაც შეიძლება შემდეგ აგრეთვე მშიდობიანად გარდაქმნა საზოგადოებისა. კაუცკის აზრი: „სახელმწიფო უნდა იყოს ბერკეტი სოციალური რევოლიუციისაო“ (Agrarfrage) — ნათლად გვიხატავს ამ სოციალისტურ გრუპის რევოლიუციონურ საშუალებათა ფორმულას.

ცხადია, ყველა ზემოხსენებულ პარტიათა შეხედულება ბრძოლის საშუალებაზედ განისაზღვრება მათ მიერ სახელმწიფოს აღიარებით. ისინი სახელმწიფოს არ უარყოფენ პრინციპიალურად, მათი იდეალია — სახელმწიფო ორგანიზაცია მომავალი სოციალისტური საზოგადოებისაც: ყველა უნდა გახდეს სახელმწიფო მოხელედო, — ხშირად გვსმენია ხოლმე ამ სკო-

ლათა წარმომადგენელთაგან, და ამიტომაც ესლაც ეს სახელმწიფო ფარგალი დაუსახავთ მათ ერთადერთ სამოქმედო ასპარეზად. აქედამ ლოლიკურად გამომდინარეობს მათი კანონიერება, მათი უარ-ყოფა ძალ-დატანებითი რევოლიუციისა, კაუციის, გედისა და ფერის იკლიკანტური სოფიზმები რევოლიუციის განსაზღვრის დროს, მათი „პარლამენტარული კრეტინიზმი“ და სხვა. ამ ბოლოს დროს ბოან ქისტებმაც კი დაჰკარგეს თავიანთი რევოლიუციონური ტრადიცია, თუმცა ეს უფრო მათი სრული გადაშენებით აიხსნება.

და ყველა ამ ცნებათ კი არავითარი საერთო არა აქვსთ არც სოციალიზმთან, არც რევოლიუციასთან. ინტერნაციონალსაც არ ესმოდა პოლიტიკური ბრძოლა, როგორც საარჩევნო კენჭის ხმარება და კანონიერება. როდესაც ინტერნაციონალი ამბობდა, რომ ყოველივე ეკონომიური ბრძოლა არის იმავე დროს პოლიტიკური ბრძოლა, — ამითი იგი პირდაპირ უჩვენებდა კაპიტალიზმისა და სახელმწიფოს განუყოფლობაზედ და ერთარსებობაზედ, ამითი იგი პირდაპირ ამბობდა, რომ ეკონომიური ბრძოლა (ბრძოლა კაპიტალიზმის წინააღმდეგ) რომ გამარჯვებით დაგვირგვინდეს, — ამისათვის საჭიროა ბრძოლა პოლიტიკური, ე. ი. სახელმწიფოს წინააღმდეგ, რომელიც ყველა თავისი დაწესებულებებით მფარველობას უწევს კაპიტალიზმს, ბურჟუაზიასაო. ამიტომაც დააწერა მან თავის დროშაზედ: „მუშათა განთავისუფლება უნდა მოხდეს თვით მუშათა მიერ“. ეს დევიზი ჯერალო ფრაზა არ არის, მასში შთაბეჭდილია მთელი დიადი აზრი სოციალური რევოლიუციისა, მთელი ფილოსოფია რევოლიუციისა და რევოლიუციონური ბრძოლისა.

„მუშათა განთავისუფლება უნდა მოხდეს თვით მუშათა მიერ“ ნიშნავს სრულიად გამოყოფას მუშათა კლასისას ბურჟუაზიის და სახელმწიფო დაწესებულებათაგან, სრულ უარყოფას კლასთა თანამშრომლობისას, სრულ უარყოფას კანონ-

ნიერებისასა და სახელმწიფო დაწესებულებებში მონაწილეობის მიღებისას. მუშათა კლასი, შეკავშირებული როგორც ცალკე კლასი წინააღმდეგ ბურჟუაზიისა და სახელმწიფოსი, — კლასი, რომელსაც აქვს თვით-შეგნება, მომზადება, დასახული იდეალი და სამყოფი ენერჯია ამ იდეალის განსახორციელებლად, — აი ის ელემენტი, რომელმაც უნდა განათავისუფლოს შრომა და მთელი კაცობრიობაც, დაამკვიდროს ახალი საზოგადოება თავისუფლებისა, თანასწორობისა და ძმობა სოლიდარობისა. — და ყველა ეს კლასების მოსპობითა, და არა მითი სოლიდარობით, პირდაპირი მოქმედებით, და არა რამდენიმე არჩეულთა მიერ ბურჟუაზიულ დაწესებულებებში მონაწილეობის მიღებით, სახელმწიფოსთან ბრძოლით, და არა მისი ხელში ჩაგდებათ, და ბურჟუაზიისა და სახელმწიფოს სრული მოსპობით, და არა ერთთან შერიგებითა და მეორეს გაუძეობისგან.

აი რას ნიშნავს ზემოხსენებული დევიზი ინტერნაციონალისა. ამას ინტერნაციონალი პრაქტიკულადაც და თეორეტიულადაც ამტკიცებდა, სანამ არ დაინგრა და ერთმა მისმა ნაწილმა, — მარქსისტებმა ძველ იაკობინურ დემოკრატიზმად არ გადააქციეს მთელი სოციალიზმი, — მეორემ კი, ანარქიზმმა, კიდევ უფრო არ განაფითარა ეს პრინციპი სიტყვითაც და საქმითაც.

ეს დევიზი ინტერნაციონალისა სრულიად წინააღმდეგი იყო, ვიდრე დიქტატურა და კანონიერება; ეხლა მისი მიმდევარნი და დამცველნი მხოლოდ ანარქისტები-ღა არიან.

დღეს ჩვენთვის პოლიტიკური ბრძოლა ნიშნავს ბრძოლას სახელმწიფოს წინააღმდეგ, და არა ლეგალიზმს; დღეს ჩვენთვის სიტყვა „პოლიტიკური ბრძოლა“ და ინტერნაციონალის დევიზი: „მუშათა განთავისუფლება უნდა მოხდეს თვით მუშათა მიერ“ — ერთსა და იგივეს ნიშნავს, და როდესაც ჩვენ ვამბობთ — ჩვენ წინააღმდეგნი ვართ პოლიტიკური ბრძოლისა, ამისი მიზეზი თვით ბ. ბ. „პარლამენტარული კრეტივები“ ბრძა-

ნდებიან, რომელთაც მთელი ქვეყნის მუშათ მოჰფინეს აზრი, რომ პოლიტიკური ბრძოლა მხოლოდ საარჩევნო კენჭების რა-ხუნს ნიშნავსო. და როდესაც ისინი გვეუბნებიან, — თქვენ პოლიტიკის წინააღმდეგნი ხართო, მაშასადამე რეაქციონერებიო, — ან განგებ ამბობენ, რომ ბინძური ცილის წამებით მოგვისპონ მოქმედების სახსარი მუშათა შორის, ან და თვით არიან ტვინ-გამოლაყებულნი კანონიერებით, რომ გარეშე კენჭის ყრისა მათ არც პოლიტიკა და არც ბრძოლა არა ჰგონიათ.

მაშასადამე, — ჩვენი სახსარი სოციალური რევოლიუციისა სულ სხვაა, სრულიად წინააღმდეგნი იმ ბრძოლის პრინციპისა, რომელსაც აღიარებენ ლეგალისტები: მათთვის სახელმწიფო ძალის ხელში ჩაგდება, დიქტატურა, და შემდეგ კანონმდებლობით გარდაქმნა საზოგადოებისა, მათთვის „სახელმწიფოა ბერკეტი სოციალური რევოლიუციისა“, — ჩვენთვის კი მოსპობა ყოველივე სახელმწიფოსა, ყოველივე მის დაწესებულებათა, ყოველივე დიქტატურისა, და მათ გარეშე ორგანიზაცია მუშათა კლასისა, დღესვე, სახელმწიფოსა და ბურჟუაზიის წინააღმდეგ საბრძოლველად.

მათთვის სახელმწიფო, კანონიერი, პარლამენტარული კრეტინიზმია **პოლიტიკა**, — ჩვენთვის კი კანონისა, პარლამენტისა და სახელმწიფო დაწესებულებათა წინააღმდეგ ბრძოლაა **პოლიტიკა**.

ენახოთ ვისი „პოლიტიკა“ სჯობია და ვინ უარ-ყოფს პოლიტიკურ ბრძოლას.

მათთვის სოციალური რევოლიუცია სახელმწიფოს შექმნით, სახელმწიფოს საზღვრებში და სახელმწიფოს დახმარებით უნდა მოხდეს, — ჩვენთვის კი სახელმწიფოს გარეშე, სახელმწიფოს წინააღმდეგ, — სრულიად ახალ საზოგადოებრივ ძალთა და პრინციპთა დახმარებით. ენახოთ რომელი პრინციპი უფრო ქეშმარიტია და ცხოველი.

II

სანამ არ განვმარტავთ იმ სოციალურ ტრანსფორმაციის ხასიათს, რომელიც ჩვენ იდეალად დავგისახავს, ყოვლად შეუძლებელია გავითვალისწინოთ ან დავამტკიცოთ ამა თუ იმ ტაქტიკის რაციონალური გამოყენება. ბევრისთვის სოციალური ტრანსფორმაცია ნიშნავს ნელ და მშვიდობიან განვითარებას არსებულ საზოგადოებრივ დაწესებულებათა; ეს განვითარება ერთ განსაზღვრულ წერტილზედ უკვე მოასწავებს აღსრულებულ ფაქტს, — რომ უკვე მოხდა სოციალური ტრანსფორმაცია, და შემდეგი ევოლიუცია კიდევ უფრო გააუმჯობესებს უკვე განვითარებულ დაწესებულებათა და ეს უკანასკნელები დაედებიან საფუძვლად მთელი საზოგადოების ცხოვრებას. მათთვის მაშასადამე სოციალური ტრანსფორმაცია მოასწავებს არსებულ დაწესებულებათა, საზოგადოებრივი ცხოვრების არსებულ ფორმათა მშვიდობიან განვითარებას, თანდათან გაუმჯობესებას, და ამიტომაც მთელი მათი მოქმედება, მთელი მათი ენერჯია ტრიალებს არსებულ, თანამედროვე ცხოვრების ფორმათა წრეში. არსებობს სახელმწიფო, — სულ ერთია როგორც უნდა იყოს მისი წარმოშობა, მისი განვითარება, მისი როლი ისტორიაში, — მაშასადამე ამ სახელმწიფოს წრეში მოქმედება, სახელმწიფო მანქანის გაუმჯობესება, საკანონმდებლო მოქმედება, „კარგ კანონთა“ გამოცემა და „ცუდ კანონთა“ მოსპობა, — აი რა არის მავალითად რადიკალების, ლიბერალების და სხვა კანონიერ პარტიათა მოქმედების შინაარსი და ასპარეზი. არსებობს კერძო საკუთრება, კაპიტალიზმი, კაპიტალისტური ფორმა კერძო საკუთრებისა, — მაშასადამე აგრეთვე მოქმედება ასებულ წარმოებით განწყობილებათა ფარგალში, — შერიგება შრომისა და კაპიტალისა, სამედიატორო სამართალი მუშათა და კაპიტალისტს შორის, მუშათა მფარველი კანონმდებლობა, შემოკლება სამუშაო დღისა კანონით, მომატება ქირისა და კანონით დადგენილი

ქირა, თან და თანი გადასვლა ყველა უმთავრეს საწარმოვო საშუალებათა სახელმწიფოს ხელში, მშვიდობიანად, კანონმდებლობის ძალით, — აი რა შინაარსი და ასპარეზი აქვს აგრეთვე რადიკალურ და ეგრედ წოდებულ სოციალისტურ პარტიას.

ეს მშვიდობიანი ტრანსტფორმისტები არა ჰყოფენ უარს არც კაპიტალიზმს, არამედ მისი ევოლიუციის ნიადაგზედ სდგანან, მათი მშვიდობიანი განვითარების იმედი აქვსთ; ამ განვითარების აუცილებელი შედეგი იქმნება, მათი აზრით სოციალური ტრანსფორმაცია, და მათ ამგვარ შეხედულებას სრულიად ეთანხმება მათი მოქმედების ხასიათიც, მათი ბრძოლის ტაქტიკაც *). თუ სახელმწიფო და კანონი გრწამს, — აუცილებელია სახელმწიფო ფარგლებში კანონიერი მოქმედება — თუ კაპიტალიზმის ფატალური განვითარება აუცილებლად მოახდენს ბუნებრივად და მშვიდობიანად სოციალური მშვიდობიანობის დამყარებას, — საჭიროა ხელი შეუწყოს მშვიდობიანი გზით ამ სასურველ ევოლიუციას და იხსნა კაცობრიობა უსარგებლო რევოლიუციათაგან, სისხლის ღვრისაგან.

და ამ შეერთებამ ორი უმთავრესი პრინციპისა, — კაპიტალიზმისა და სახელმწიფოს გაუმჯობესებისა, — და მათი შესაფერი ტაქტიკის შემუშავებამ დაჰბადა ინგლისის ლიბერალიზმი და რადიკალიზმი და საფრანგეთის რადიკალიზმი. მაგრამ ამანვე დაჰბადა აგრეთვე ორი მოვლენა არა სასურველი სოციალისტური შეგნების მხრივ, — სოციალისტური ოპპორტიუნნიზმი და პარლიამენტარული კრეტინიზმი ეგრედ წოდებულ რევოლიუციონურ სოციალ-დემოკრატიისა, რომელიც მუდამ რევოლიუციაზედა ჰყვირის, თეორეტიულად უფრო რევო-

*) თუმცა ძლიერ ხშირად რევოლიუციონერობის შიშით ბევრს მიუღია ჯერ მშვიდობიანი ტაქტიკა და მხოლოდ შემდგომ შემუშავებია მშვიდობიანი ტრანსფორმისმის თეორია, რომ ბაემართლებია თავი, რომლისც რევოლიუციის მოღალატეს.

ლიუციონერია თავისი მამათმთავარის მარქსის მოძღვრების ძალით, — პრაქტიკულად კი მხოლოდ უფრო მდბაღლი სინიდისით განირჩევა უბრალო რადიკალთაგან.

ამგვარ სოციალურ ტრანსფორმაციას უწოდებენ ისინი **რევოლიუციას**. და ს. დ.-ებმა, როდესაც მათაც მიიღეს სავსებით მშვიდობიან მოქმედების ტაქტიკა *), სულ სხვანაირად განსაზღვრეს რევოლიუციის ცნებაც. მაგალითად ენრიკო ფერარი, იტალიელი ს. დ.-ის პარტიის პაპა, პირდაპირ ამბობს თავის წიგნში (*Modern science and socialism*), რომ რევოლიუცია ეხლა აღარ უნდა გვესმოდეს იმ ძველი აზრით, რომ ვითომც იგი უსათუოდ აჯანყებაში, სისხლის ღვრაში და ძალდატანებაში უნდა გამოიხატოსო. პირიქით, ევოლიუცია, რომლის მსვლელობას ვერაფერი დაუდგება წინ (*the resistless evolution*) პირდაპირ მიგვაქროლებს სახელმწიფოსა და სხვა დაწესებულებათა — საქალაქო და სასოფლო დაწესებულებათა — უფლებრივ ძალის ხელში ჩაგდებისაკენ და შემდეგ კი, როდესაც სოციალისტები უმეტესობას შევადგენთ პარლამენტში და ამ სხვა დაწესებულებებში — სოციალური რევოლიუციაც მომხდარი ფაქტი იქნება; როგორც მშვიდობიანად მოხდა ბრაზილიის რევოლიუცია (!) — დონ-პედროს ტახტიდან გადაყენებით, ან *Bill of Rights*-ის გაყვანა ინგლისში — სწორედ ისე მშვიდობიანად მოხდება მთელი სოციალური ტრანსფორმაცია და კაცობრიობა შემდეგ მშვიდობიანი განვითარების გზას დაადგებაო. მეორე სოც. დ.—ი კაუცკი, თავის წიგნში „*Le Lendemain de la Révolution sociale*“ კიდევ უარსებს ამბობს, —

*) ჩვენ რუსეთის ს. დ.-იაზედ აქ არას ვამბობთ, რადგანაც ისინი დღეს იძულებულნი არიან ორი ბარემოებით რევოლიუციონერები იყონ: პირველად იმიტომ, რომ რუსეთში არავითარი თავისუფალი პოლიტიკური რეჟიმი არ იყო, მაშასადამე არც ნიადაგი კანონიერი მოქმედებისათვის. მეორედ იმიტომ რომ ეხლა რუსეთში რევოლიუცია, და ს. დ.—ებზედ უფრო მდბაღლი პარტიებიც გარევოლიუციონერდენ.

იგი სულ მთლად მოცილებულია არა თუ რევოლუციონერ თვალთა ხედვას, არამედ თვით სოციალისტურ იდეალსაც, და ამითი აიხსნება ისეთი უცნაური განსაზღვრა რევოლიუციისა, რომელიც საზოგადოდ მას ახასიათებს: პარლამენტარული უმეტესობის მოპოვება, შემდეგ სახელმწიფოს მიერ გამოყიდვა საწარმოვო საშუალებათა და არა ექსპროპრიაცია ან კონფისკაცია, შემდეგ მშვიდობიანი განვითარება კოლექტივისტური სახელმწიფოსი, — აი მომენტი კაუცკის „სოციალური რევოლიუციისა“. ჟორესმა, ბრიანმა, პოლ ბრუსმა და თითქმის ნახევარმა საფრანგეთის ს. დ.—ისამ, რომელსაც ღირსეულად შეგვიძლია რომ ვუწოდოთ სოციალისტური ოპორტიუნისტები, ხომ უფრო ნათლად, უფრო გულწრფელად აღიარეს თავიანთი ოპორტიუნისმი და ჟორესი პირდაპირ ამბობდა ლაგარდელის მიერ შეკრებილ ანკეტაში საერთო გაფიცვის შესახებ: არის ერთად ერთი საშუალება სოციალისტების ხელში სოციალური ტრანსფორმაციისათვის და აგრეთვე კერძო გაუმჯობესებათათვის, — მოპოვება პარლამენტში უმეტესობისა (Conquerir la majorité au parlement).

ამავე აზრის არის თითქმის მთელი ს. დ.—ია გერმანიაში, ბელგიაში, იტალიაში და ყველგან, სადაც კი პარლამენტარული რეჟიმი მჭიდროდ დამყარებული და პარტიას საკანონმდებლო ასპარეზი აქვს გახსნილი საყოველთაო არჩევნების საშუალებით.

ამითი აიხსნება მათ მიერ ზემოხსენებული უცნაური განსაზღვრა რევოლიუციისა, სოციალური რევოლიუციისა.

და ყველა ესენი, — ლიბერალები, რადიკალები, სოციალისტ-ოპორტიუნისტები, — მართალნი არიან. ეგრედ წოდებულ რევოლიუციონერ ს. დ.-ებს კი რაც შეეხება, მათ ერთი რამე უშლისთ ხელს, რომ ისინიც მართალი იყვნენ. საქმე მათი უგულ-წრფელობაა. ზემოხსენებული პარტიებივით რომ ისინიც პირდაპირ ამბობენ, — ჩვენ ასე გვესმის რევოლი-

უცია, სოციალური ტრანსფორმაცია და სხვ. და, გამოვდივართ
რა ამ განსაზღვრიდან, განსაზღვრულ მშიდობიან ტაქტიკას
ვადგივართო, — კარგი და პატიოსანი. მაგრამ ისინი კიდევ რა-
ღაცას უმატებენ: თუ დაგვჭირდა, ჩვენც ძალ-დატანებითი
რევოლიუციის მომხრენი ვართო. თუ დაჭირდათ! თითქოს ყო-
ველ დღეს, ყოველ წელიწადს, ყოველ ცოტად თუ ბევრად მოკლე
პერიოდში არ იყოს საჭირო ამ ძალ-დატანებითი რევოლიუ-
ციისათვის მზადება და საზოგადოდ თვით ეს ძალდატანებითი
რევოლიუცია! — ამითი ისინი ლალატობენ თავიანთ საკუთარ გან-
საზღვრას რევოლიუციის ცნებისას. რევოლიუცია ან ძალ-და-
ტანებითია, ან იმ ხასიათის, როგორც მათ წარმოუდგენიათ-
პირველ შემთხვევაში, — კანონიერებისა და რევოლიუციო-
ნერობის შეერთება საშინელი ულოლიკობაა, წინააღმდეგობა,
და დიდხანს ვერ გასტანს ამ წინააღმდეგობის მიმდევარი პარ-
ტიის მთლიანობა და მოქმედების პირდაპირი მიმდინარეობა.
ასეც მოხდა ს. დ-ის პარტიაში; მისი დიდი ნაწილი ოპორ-
ტიუნისტად გადაქცა, კანონიერებამ ჩაყლაპა; მცირე ნაწილ-
მა კი სრულიად უპარ-ჰყო კანონიერება და რევოლიუციო-
ნურ სინდიკალიზმს მიემხრო: ლაგარდელი საფრანგეთში, ლა-
ბრიოლა იტალიაში, ფრიდბერგი გერმანიაში, პოსსე რუსეთ-
ში... საშუალო მართლმადიდებელი ნაწილი კი უმოქმედოდ
რჩება, და მიუხედავად მისი მძლავრი ორგანიზაციისა გერმა-
ნიაში, მაგალითად, ლამის არის სულ დაჰკარგოს ყოველივე
სიცოცხლის ელფერი ამ შეუერთებელ წინააღმდეგობათა შე-
რიგების სურვილში. მეორე შემთხვევაში კი გულწრფელი
ოპორტიუნისმი იბადება, და ბერშტეინი და ჟორესი ნამდვი-
ლი შეილებია ამგვარი მოვლენისა. ერთი სიტყვით, რევოლიუ-
ციონურ ს. დ-ებს გულწრფელობა აკლიათ, თორემ ისინიც
მართალი იქმნებიან თავისი თვალთა ხედვით. ს. დ-ის სა-
მი გზა ჰქონდა: ან ოპორტიუნისმი, ან ნამდვილი რევოლიუ-
ციონერობა, ან ორტოდოქსალური ჯიუტობა შეუირიგებელის

შერიგებისა; პირველმა ორმა გზამ რამოდენიმე მანძილი განვლო და ამ გზაზედ მიმავალს ს. დ-ებს სიმართლე მოუხვეჭა, შესამეშ კი მგზავრებს სულ აუბნია გზაკვალი. და აქაც ერთი შესაფერი მოვლენა მოხდა: ოპორტიუნისტები, როგორც არა ვსტკვით, — თაყვანისმცემლები არიან სახელმწიფოსი და მან განსაზღვრა მათი გულწრფელი ტაქტიკა. სინდიკალისტ სოც. დ-ებმა უარ-ჰყვეს სახელმწიფო და მათი რევოლიუციონერობაც ამან გამოიწვია. ორტოდოქსებს კი ჯერ სავსებით არ გამოუთქვამთ თავიანთი აზრი სახელმწიფოზედ, — ხან აღიარებენ მასა ხან უარ-ყოფენ, რასაკვირველია ათასჯერ უფრო აღიარებენ, ვიდრე უარ-ჰყოფენ, და ამიტომაც ხან რევოლიუციონერები არიან, ხან ოპორტიუნისტები, — რასაკვირველია უფრო ოპორტიუნისტები, და ამიტომაც ისინი თითქმის არ განიჩივიან საქმით ბერშტეინისაგან და ჟორესისაგან.

რაც შეეხება ბლანკისტებს, — ანუ მათ მსგავსს ს. დ-ებს, რომელთაც ძალდატანებით, რევოლიუციონურად უნდათ ჩაიგდონ ხელში სახელმწიფო უფლება და შემდეგ მშვიდობიანად გარდაქმნან საზოგადოება, — ესენიც დაბნელებულნი არიან სახელმწიფოებრივი ფილოსოფიით, სახელმწიფოს თაყვანისცემითა და რწმენით, — და ამიტომაც მათი მოქმედება, მათი ტაქტიკა ნახევარ-რევოლიუციონურია თავისი შინაარსით, თუმცა საქმით ბევრი საგმირო საქმეები ჩაუდენიათ მათ და საფრანგეთის მუშა ხალხის ბრძოლაში მათ დიადი როლი უთამაშნიათ, — ნახევარ-რევოლიუციონური იმიტომ, რომ სწორედ სახელმწიფო დაწესებულებებით უნდათ მოსპონ კაცთა შორის უთანასწორობა, — თუმცა არსებული სახელმწიფოს დანგრევისა და ხელში ჩაგდების შემდეგ; — ისინი იმავე რევოლიუციის შემჩერებლად გამოდიან ბრძოლის პირველი აქტის გათავების შემდეგ, რომელიც თვითონ მოახდინეს. ამასთანავე იგინი სტოვებენ იმავე ხასიათისა და შინაარსის დაწესებულებათ, რომელნიც მათ რევოლიუციის დასაწყისში უარ-ჰყვეს, თითქოს

საქმე ის იყოს, — თუ ვინ იქნება ბიუროკრატი და პოლიციელი, — ბლანკისტი, დიქტატურის თაყვანისმცემელი, თუ თანამედროვე დერჟიმორდა ან „ჩინუშა“, — და არა თვით ხასიათი, თვით შინაარსი დაწესებულებათა, რომელთა სრული მოსპობაც დაახასიათებს ნამდვილ რევოლუციას: — ყოველ შემთხვევაში, ესენიც სახელმწიფო თაყვანისმცემელნი არიან და ამითი განისაზღვრება მათი დიქტატურის საშუალებად აღირება სოციალური ტრანსფორმაციის მოხდენისათვის; — და აგრეთვე მართალნი თავიანთი ფაქტთა ხედვით. — მართალია მე მრწამს სახელმწიფო, ამბობს ბლანკისტი, სოციალური ტრანსფორმაცია არ არის სახელმწიფოს მოსპობა, მაგრამ თანამედროვე პერსონალი უნდა შეიცვალოს სახელმწიფოსი და სხვა დაწესებულებათა; მე რევოლუციის საშუალებით ჩავიგდებ ხელში ამ სახელმწიფო ძალას და შემდეგ მისი საშუალებით გარდაქმნი საზოგადოებას, მოვახდენ სოციალურ ტრანსფორმაციას, როგორც ესა სწადია იმ ხალხს; იმ კლასს, რომელმაც მე სადიქტატურო პირობები მომიზადაო. — ეს არის რწმენა ბლანკისტთა და ბევრი მარქსისტისაც, და თავისი შედეგებით და დასკვნებით იგი დიდათ არაფრით განირჩევა ზემოხსენებულ შეხედულებათა და რწმენათაგან სოციალურ რევოლუციასზე და მის საშუალებებზედ.

აი განსაზღვრანი სოციალური რევოლუციისა, სოციალური ტრანსფორმაციისა, და ამ განსაზღვრიდან ლოლიკურად გამომდინარებული საშუალებანი ბრძოლისა ყველა იმ პარტიათა, რომელნიც აღიარებენ სახელმწიფოს, კაპიტალიზმს; ან ორივეს ერთად, ან მარტო სახელმწიფოს უკაპიტალიზმოდ (რაიცა ჩვენის აზრით და მათ საკუთარ პრინციპთა ლოლიკურ განვითარებით შეუძლებელია).

და განვიმეორებთ, ყველა ესენი თავიანთი თვალთა ხედვით მართალნი არიან, გარდა მართლმადიდებელ ს. დ-თა,

რომელიც მხოლოდ ნახევრად არიან მართლნი, რადგანაც გულწრფელობა აკლიათ სიმართლე აღიარონ.

მაგრამ განა სოციალიზმის იდეალი სახელმწიფო დაწესებულებათა მხოლოდ გაუმჯობესებაა, განა მუშათა იდეალი კოლექტივიზმია, სახელმწიფოს ხელში გარდასვლა საწარმოვო საშუალებათა, გამოსყიდვა ამ საწარმოვო საშუალებათა ანუ მათი სახელმწიფოს მიერ კონფისკაცია, განა რევოლიუცია სახელმწიფო ფარგალში მომხდარი რეფორმებია, განა სოციალური ტრანსფორმაცია არსებულ დაწესებულებათა განვითარება-გაუმჯობესების ერთ განსაზღვრულ წერტილს იქით ჩაითვლება მომხდარ ფაქტად? განა თუნდ პროლეტარიატის დიქტატურაც მოასწავებს იმ დიად საზოგადოებრივ ცვლილების დასაწყისს, რომელიც უნდა დამთავრდეს სოციალური ტრანსფორმაციით? განა თვით განსაზღვრა რევოლიუციისა ისე უნდა მივიღოთ, როგორც ამას ახვევენ თავზედ დღეს მთელი ქვეყნის პროლეტარიატს ფერრი, კაუტკი, ყორესი ან ამერიკელი ველი? განა თვით ევოლიუციონიზმის თეორიამ მიიყვანა იგინი იმ დასკვნამდე, რომ ცნება „რევოლიუციას“ აზრი დაეკარგა მას შემდეგ, რაც დამტკიცდა ფორმათა თანდათან განვითარება, წელი ევოლიუცია, უჩინარი ტრანსფორმაცია? განა მათი განსაზღვრა მუშათა იდეალისა თვით რევოლიუციის ცნებისა, და რევოლიუციის ხასიათისა, რომელიც უნდა გამომდინარეობდეს ლოღიკურად ამ ზემოხსენებულ ცნებათა განსაზღვრიდამ, უფრო რაციონალურია, ვიდრე ჩვენნი, ანარქისტული? განა თვით ცნება სოციალური რევოლიუციისა, რომელიც ჩვენა გვაქვს, ისეთი ვიწრო და საცრდოა, როგორც დონ-პედროს გამოგდება ბრაზილიდან? ბრაზილი — განა თვით მათი საშუალებანი ბრძოლისა, რომელიც მათი ლია, ლოღიკურად გამომდინარეობენ მათი იდეალისაგან, მათ მიერ სოციალური ტრანსფორმაციისა და რევოლიუციის განსაზღვრიდამ, ნამდვილ საშუალებად ჩაითვლებად თვით მათი

67
10
N

იდეალის განსახორციელებლად? არა! ყველა კითხვაზედ უარყოფითი პასუხი უნდა გავსცეთ და ჩვენ ჩვენის ძხრით უნდა დავსვათ შემდეგი კითხვები

- 1) რა არის სოციალური ტრანსფორმაცია?
- 2) რა არის რევოლიუცია და როგორი განწყობილება აქვს მას ევოლიუციის ცნებასთან?
- 3) როგორი იდეალისაკენ მიისწრაფვის კაცობრიობა?
- 4) როგორი იდეალისაკენ მიისწრაფვის მუშათა კლასი?
- 5) ამ მისწრაფების დაგვარად როგორ საშუალებათ იმუშავენ იგი აუცრლებლად თავის ბრძოლაში?
- 6) ეთანხმებიან თუ არა ყოველივე ამას ზემოხსენებულ პარტიათა განსაზღვრანი და საშუალებანი ბრძოლისა?

7) როგორი ურთიერთობა აქვს თვით მათი ბრძოლის საშუალებათ მათ საკუთარ იდეალთან? და როდესაც ამ კითხვებზედ მიუგებთ, როდესაც ჩვენი თვალთა ხედვით განვსაზღვრავთ ჩვენს იდეალს, რომელიც ჩვენი ფანტაზიის ნაყოფი კი არ არის, არამედ თვით ხალხის მისწრაფება, როდესაც ვაგვიცნობთ თვით შინაარსს სოციალური ტრანსფორმაციისას, — მაშინ ნამდვილად წარმოგვიდგება თვალწინ თვით ხასიათი სოციალური რევოლიუციისაც, მისი ძალდატანებითი ხასიათიც, ჩვენ საშუალებათა ლოლიკური კავშირიც ჩვენ იდეალთან და ცნებათა განსაზღვრასთან, და აგრეთვე მათი ძირითადი შეცდომანი, ამ შეცდომებიდან ლოლიკურად გამომდინარებულნი შეცდომანიც მათი ბრძოლის საშუალებათა ამორჩევაში, — და აგრეთვე ხშირად ულოლიკობაც მათი იდეალისა და ბრძოლის საშუალებათა კავშირში.

III

სოციალური ტრანსფორმაცია ჩვენთვის უფრო ღრმა ცნებაა, უფრო ფართო მოვლენა, ვიდრე მშვიდობიან სოციალისტებისათვის. იგი ნიშნავს მთელ საზოგადოებრივ განწყობილებათა ძირითად შეცვლას, იგი მოასწავებს ყველა იმ დაწე-

სებულებათა უარყოფას, რომელნიც ეხლა არიან საფუძველნი მთელი თანამედროვე საზოგადოებრივი ცხოვრებისა. იგი ნიშნავს სრულიად ახალ საფუძველთა აშენებას საზოგადოებრივი ცხოვრებისათვის, სრულიად ახალ საზოგადოებრივ განწყობილებათა შემოღებას განვითარების ახალ ხანაში შესულ ადამიანთა მიერ. ძველ საზოგადოებრივ ფორმათა დატოვება, — სახელმწიფოსი და კაპიტალიზმის, თუ გინდ შეცვლილი ფორმითაც, — სრული წინააღმდეგია სოციალური ტრანსფორმაციისა. ახალ საზოგადოებრივ განწყობილებათა და ფორმათა შემუშავება ადამიანთა მიერ კი მოასწავებს სოციალურ ტრანსფორმაციას, ამ სიტყვის ნამდვილი აზრით.

ჩვენი იდეალიც ამგვარი სოციალური ტრანსფორმაციაა. — ძალ-დამტანებელი თანამედროვე საზოგადოებრივი ორგანიზაციის მაგივრად შექმნა იმგვარი ორგანიზაციისა, რომელიც დამყარებული იქმნება თავისუფალ საზოგადოებრივობაზედ, ნებაყოფლობით შეთანხმებაზედ, თავისუფალ საზოგადოებრივ განწყობილებათაგან გამომდინარებულ სოციალურ ზნეზედა და ჩვეულებაზედ.

ჩვენთვის სოციალური ტრანსფორმაციის პირველი მომენტი მაშინ დაიწყება, როდესაც სახელმწიფო და კაპიტალიზმი მოისპობიან და ხალხი, მწარმოებელი, ახალ, თავისუფალ საზოგადოების შექმნას შეუდგება. და რადგანაც თანამედროვე საზოგადოება სახელმწიფოთი და კაპიტალიზმით დახასიათდება, ჩვენი სოციალური ტრანსფორმაციაც გამოიხატება არა მარტო ამ ორსა და განუყოფელ სოციალურ მოვლენათაგან განთავისუფლებაში, არამედ მათი პირდაპირ მოწინააღმდეგე საზოგადოებრივ და პოლიტიკო-ეკონომიურ ცხოვრების ფორმათა შექმნაში, — **კომმუნისმისა და ანარხიის** დამყარებაში.

ეს არის ჩვენი განსაზღვრა სოციალური ტრანსფორმაციისა, და არც შეიძლება მისი სხვანაირად განსაზღვრა, თუ სიტყვა „სოციალურ ტრანსფორმაციას“ ნამდვილი მისი ში-

ნაარსის მიხედვით გავიგებთ,—და აქედამ ცხადად, ლოლიკურად გამომდინარეობს ჩვენი ტაქტიკის ნიშანდობლივი ხასიათი, —ძალ-დატანებითი რევოლიუცია და უარ-ყოფა კანონიერებისა, პარლამენტარული კრეტონიზმისა,—თუ კარგათ დავუკვირდებით ყველა იმ ლოლიკურ დასკვნათა, რომელნიც პირდაპირ გამომდინარეობენ სოციალურ ტრანსფორმაციის ჩვენ მიერ განსაზღვრისაგან.

როდესაც ძალ-დატანებითი რევოლიუციის მოწინააღმდეგენი გვეუბნებიან, რომ ჩვენ მიერ მიღებული ტაქტიკა ძალ-დატანებისა საჭირო არ არის და მავნებელიცაა, რადგანაც ევოლიუციის ძალით მოხდება სოციალური ტრანსფორმაციაო, ისინი არა მარტო სოციალური ტრანსფორმაციის შათ მიერ შემცდარი განსაზღვრიდან გამოდიან,—ისინი მეორე შეცდომაში შედიან,—აგრეთვე შემცდარად საზღვრავენ ევოლიუციას. მათთვის ეს უკანასკნელი უსათუოდ მშვიდობიანი, უსათუოდ ნელი, უსათუოდ უჩინარი უნდა იყოს ბუნების მოვლენათა ყოველ დარგში. ევოლიუცია მათ*) რაღაც მეტაფიზიკურ ცნებათ აქვს წარმოდგენილი,—resistless evolution, როგორც ამბობს ენრიკო ფერრი,—და პირდაპირ მის მოწინააღმდეგე ცნებად მიაჩნიათ რევოლიუცია, როგორც ძალ-დატანება, როგორც უარ-ყოფა მოვლენის ბუნებრივი განვითარებისა, თითქმის დარღვევა ბუნების კანონის ჰარმონიული მოქმედებისა, და არა ბუნებრივი მოვლენა. მათ ევოლიუცია წარმოუდგენიათ, როგორც „კანონი ბუნებისა“, რომელიც ყოველივეს მართავს ერთისა და იგივე ხასიათით.

მაგრამ მას შემდეგ, რაც აღმოაჩინეს ენერჯის შენახვის კანონი, მას შემდეგ, რაც ყველა ბუნების მოვლენათა განხილვა დაიწყეს ენერგეტიული თვალთა ხედვით,—ევოლიუციის ცნებაც შეიცვალა, იგი აღარ არის რაღაც მეტაფიზიკური

*) არა მარტო მშვიდობიან სოციალისტებს, ძლიერ ბევრ მექნიერსაც.

ცნება, საყოველთაო ბუნების კანონი, რომელიც ყველა მოვლენათა ერთსა და იგივე ხასიათის განვითარებას გამოჰხატავს, არამედ იგია უბრალო ფაქტი, შემჩნეული ბუნებაში, — იგი უბრალო პირობაა ფორმათა ცვალებადობისა, — იგი მხოლოდ წინამორბედი პროცესისა ტრანსფორმაციის ერთი განსაზღვრული აქტისა. ტრანსფორმაცია კი შეიძლება ათასნაირი ხასიათის იყოს, ათასნაირ პირობათაგან გამოწვეული, ათასნაირ ძალთაგან შექმნილი.

და თანამედროვე ენერგეტიული მეცნიერებაც ასე აყენებს კითხვას: რა და რა ძალები, როგორი ოდნობის ენერგია მოქმედებდა და ვითარდებოდა, და როგორი მიმართულებით, როგორი ხასიათით, რომ ესა თუ ის ტრანსფორმაცია მოუხდინა განსაზღვრულ მოვლენათა დარგში? რა და რა ენერგიის მოქმედებაა და ამ მოქმედებათა რომელმა კომბინაციამ გამოიწვია ესა თუ ის მოვლენა და როგორი პირობებია საჭირო, რომ ეს მოვლენა განავითარო და განაცდევინო მას შემდეგი ტრანსფორმაციები, ან სრულიად მოიშორა იგი თავიდან?

და პასუხი ამ გამოკვლევათა მოსალოდნელი აღმოჩნდა. აღმოჩნდა, რომ არიან იმგვარი მოვლენანი, და ნაწილნი ამ მოვლენათა, რომელნიც ნაყოფნი არიან ენერგიის წელი მოქმედებისა, არიან იმგვარი მოვლენანიც, რომელნიც უფრო სწრაფ მოქმედებათა ნაყოფნი არიან, არიან მოვლენანი აგრეთვე ბევრ ძალთა სხვა და სხვა ხარისხის მოქმედებათა კომბინაციის ნაყოფნი და სხვ. ერთი სიტყვით, ტრანსფორმაცია იმაზედ არის დამოკიდებული, თუ რა პირობებში მთავრდება იგი, თუ როგორი იყო პროცესის ფორმის ცვალებადობისა, როგორი ხასიათის იყო მისი ევოლიუცია.

არის ევოლიუცია მთელი კოსმოსისა, არის ევოლიუცია არაორგანიულ არსთა, ორგანიულ არსთა, ამ უკანასკნელთა ევოლიუცია აგრეთვე ორ დიდ საერთო ევოლიუციათაგან შესდგება, — ევოლიუცია ფილოგენეტიური, ევოლიუცია ონტო-

გენეტიური, — არის ევოლიუცია აგრეთვე ორგანიზმის მრავალგვარ ნაწილთა მრავალგვარ მოქმედების დროს, — არის სხვათა შორის ევოლიუცია საზოგადოებრივ ფორმათა. ყველა ეს სხვა და სხვა ევოლიუციები სხვა და სხვა პროცესებია, სხვა და სხვა ძალთა და ენერჯიათა სხვა და სხვა პირობებში მოქმედება, — მათი აუცილებელი ფუნქცია მოვლენათა შესაფერი ტრანსფორმაციაა, — და ევოლიუციის ზემოხსენებული მეტაფიზიკური აზრით ხმარება ამ სხვა და სხვა პროცესთა მსგავსების აღიარება იქმნებოდა, რაიცა აბსურდია, რადგანაც ამ პროცესთა ხასიათი სულ სხვა და სხვანაირია და სხვა და სხვა ძალებზედ, ძალთა სხვა და სხვა კომბინაციებზედ არის დამოკიდებული. ევოლიუცია — საერთო ცნებაა, რომელიც გამოჰხატავს საზოგადოდ ტრანსფორმაციის წინამორბედ პროცესს, და თვითოეული პროცესი, თვითოეული ევოლიუცია დახასიათდება იმ ძალთა ხასიათით, ძალთა იმ კომბინაციითა და მოქმედებით, რომლის შედეგიც არის განსაზღვრული მოვლენის ტრანსფორმაცია, თვით შემდეგი განსაზღვრული მოვლენა, — და ერთი პროცესის ხასიათს, — **მშვიდობიანს თუ არა მშვიდობიანს**, — შეიძლება არავითარი საერთო არა ჰქონდეს რამეორე პროცესის ხასიათთან, ევოლიუციასთან.

აი ამიტომაც არ შეგვიძლია ვსთქვათ, რომ ევოლიუცია მშვიდობიანი ცვალებადობაა, ან არა მშვიდობიანი, რევოლიუციონური. რისი ევოლიუციაა, რა ევოლიუცია? — ღი რა არის საკითხავი.

მაგალითად, ვ. კ. ფოხტის ეგრედ-წოდებული პიკნოტიური თეორია, ანუ ნივთიერების გასქელების თეორია და ამ გასქელებული ნივთიერების ბრძოლა გარემოცულ ეთერთან იმგვარ და იმდენ პროცესს შეიცავს კოსმოსის სრულ ევოლიუციაში, რომ ყოველად წარმოუდგენელია იანგარიშოს კაცმა, რამდენი პროცესი მოხდა მშვიდობიანად და რამდენი გაჩქარებული ტემპით, უცბათ, „ძალ-დატანებით“, რევოლიუციო-

ნურად. ადამიანის ფილოგენეტიური განვითარებაც მრავალ ამგვარ პროცესსთაგან შესდგება; — მშვიდობიანთაგან და რევოლიუციონურთაგან. მისი ონტოგენეტიური განვითარება კი რევოლიუციონურად მთავრდება, — ბავში იბადება რამოდენიმე წუთის განმავლობაში „ძალ-დატანებით“, თუმცა შთანაჩენის განვითარება მშვიდობიანი იყო. — პროფესორი მეჩნიკოვი ამტკიცებს, რომ სიკვდილი ყოველთვის „ძალ-დატანებითა“, — რევოლიუციონური, ვიტყვით ჩვენ, თუმცა ადამიანის სიბერის პროცესსი ნელა, შეუმჩნევლად ხდება. სამაგიეროდ გუსტავ ლებონის თეორია მატერიის დისსოციაციისა, მატერიის ევოლიუციისა, რომელიც იმაში გამოიხატება, რომ მატერია ერთი ფორმა ენერჯიისა და ესლა მულამ დისსოციაციის პროცესში იმყოფება, — (ამითი ხსნის ის რადის მოვლენას, რომელსაც ყველა ნივთიერებას აწერს, მაგრამ მისი აზრით ნაკლები ხარისხით ხდება ეს დისსოციაცია სხვა ნივთიერებაში) ისეთი ნელი პროცესის თეორიაა, რომ ყოვლად შეუძლებელია ამ თეორიიდან გამომდინარებულ ქიმიკურ სახეთა ცვალებადობის ჰიპოტეზაში რაიმე მსწრაფლი, „ძალ-დატანებითი“, რევოლიუციონური პროცესსი იღებდეს მონაწილეობას. ასე რომ, რევოლიუცია ნაწილია ევოლიუციისა. მათი დაპირდაპირება არ შეიძლება, როგორც ერთი მძლისა და მისი ნაწილისა. ევოლიუცია შეიძლება, როგორც ნელი პროცესსი, ევოლიუცია შეიძლება დამთავრდეს რევოლიუციით, — და თვით ევოლიუციის ნაწილს, — რევოლიუციას, — რატომ არ შეგვიძლია ვუწოდოთ აგრეთვე ევოლიუცია; — ესეც ხომ დანათანი პროცესსია მოვლენის განვითარებისა, აქაც ხომ იცვლება მოვლენა, მხოლოდ დროის შემოკლება უფრო თვალსაჩინოდ ხდება ამ მოკლე პროცესსში?

ადამიანთა ცხოვრების მოვლენანი იგივე ბუნების მოვლენანანი არიან; ისინი ვერ ასცილდებიან ევოლიუციას, რადგანაც როგორც სხვა ბუნების მოვლენანი, ისინიც

ნაყოფნი არიან სხვა და სხვა ძალთა მოქმედებისა. ამ მხრით, ამ საზოგადო აზრით ადამიანთა საზოგადოების განვითარება ევოლიუციონურად ხდება. მაგრამ როგორც ბუნების სხვა მოვლენათა, ადამიანთა საზოგადოების ევოლიუციაც აგრეთვე არ შეიძლება იყოს უსათუოდ მშვიდობიანი, უსათუოდ ძალადაუტანებელი, უსათუოდ არა-რევოლიუციონური. პროცესი მისი განვითარებისა, მისი ტრანსფორმაციისა, იმისაგან-რის დამოკიდებული, თუ როგორმა ძალებმა, ენერგიის როგორი ხასიათის მოქმედებამ შექმნა ესა თუ ის საზოგადოებრივი ფორმა. საკითხავი ის არას, შესდგა თუ არა ესე თუ ის ფორმა საზოგადოებისა, რომელსაც დანგრევა უნდა, რომლის ტრანსფორმაციაც აუცილებელი გამხდარა, — იმგვარ პირობათა ზედგავლენით, რომ ეს ტრანსფორმაცია მოხდეს მშვიდობიანად, ან ძალდატანებით, რევოლიუციონურად? კითხვა ასე უნდა იქმნას დაყენებული; უნდა გამოკვლეულ იქმნან ამ საზოგადოებრივი ფორმის შემადგენელი წარსული პირობები, აგრეთვე ხასიათი და შინაარსი თვით ამ განსაზღვრულ მომენტში არსებული საზოგადოებისა, და მაშინ ადვილი იქმნება გამოანგარიშება, თუ როგორი იქმნება პროცესი მისი ტრანსფორმაციისა. საქმე ის კი არ არის, — დანგრევის რომელი წესია სასურველი, არამედ ის, — როგორი წესია აუცილებელი, რადგანაც დეტერმინისტული ფილოსოფია ყველა ბუნების მოვლენებში გვასწავლის, რომ ყოველივე მოვლენა, ყოველივე ბუნების კანონიც პირობითია: — თუ ეს და ეს, განსაზღვრული ხასიათის მოვლენანი წინ უძღოდენ და შეჭქმნეს ესა თუ ის მოვლენა — მისი თავიდან ასაცილებლად აგრეთვე განსაზღვრული მოვლენანი, განსაზღვრული პირობანი არიან აუცილებელი საჭირონი.

გადავავლოთ თვალი, — როგორი იყო კაცობრიობის ევოლიუცია, როგორია დღეს მისი მდგომარეობა და როგორი იდეალი აქვს მას, როგორი იდეალი აქვს დასა-

ზული მისს უდიდესს, უენერგიულესსა და უუსაჭიროესს ნაწილს, — მუშათა კლასს, — და ეს გათვალისწინება ნათლად დაგვანახვებს რევოლიუციის ლოლიკურ კავშირსაც კაცობრიობისა და მუშათა კლასის იდეალთან, მთელი კაცობრიობის მისწრაფებასთან და აგრეთვე იმ აუცილებლობას, რომელმაც აიძულა მუშათა კლასის სწორედ რევოლიუციონური საშუალებანი შეემუშავებინა ბრძოლისა. თუ ევოლიუციანზედ წავიდა საქმე, ადვილი დასამტკიცებელია, რომ სწორედ თვით კაცობრიობის ევოლიუციამ, მუშათა კლასის ბრძოლისა და იდეათა ევოლიუციამ შეჰქმნა მისი ბრძოლის რევოლიუციონური მეთოდიც, რადგანაც ეს ევოლიუცია იმგვარი იყო, იმგვარ პირობებში ხდებოდა საზოგადოებრივ ფორმათა განვითარება, რომ სხვანაირ საშუალებათა შემუშავება შეუძლებელი იყო.

ეხლა დამტკიცებულ ფაქტად მიაჩნიათ ადამიანის ფილოგენიეტიური განვითარების პირობათა შემსწავლელებს, რომ სწორედ სახის შენახვის აუცილებლობის მოქმედებამ, განსახლვრულმა „ევოლიუციამ“ მიიყვანა ადამიანიც სხვა ცხოველთა შორის საზოგადოებრივი ცხოვრების წესის შემოღებამდე. და ამ საზოგადოებრივ ცხოვრებას დიდი მნიშვნელობა და დიდი აზრი აქვს, დიდი განწყობილება საზოგადოდ ბუნების კანონებთან, — იგი ენერგიის მსოფლიო მოქმედების ნაწილია, მისი გამოძახატველი საზოგადოდ მრავლის უმრავლეს არსთა შორის *), ორგანიულ არსთა შორის, ცხოველთა შორის და განსაკუთრებით ადამიანთა შორის. ცხოველთა და ადამიანის ჰახეთა შენახვის კანონი უმეტეს ნაწილად გამოიხატება სწორედ საზოგადოებრივ ცხოვრების წესის არსებობაში, რადგანაც ეს უკანასკნელი პარდაპირი ეკონომია ინდივიდუალურ ენერგიათა, რადგანაც, — კიდევ მრავალჯერ განვიმეორებთ ჩვენ ფორმულას, — მინიმუმი ინდივიდუალური ენერგიის ხარჯვისა და მაქსიმუმი მოთხოვნილებათა დაკმაყოფილებისა, —

*) იხ. ჩენი „კანონი“ „ნობათის“ ნომრებში.

აი რა უნდა იყოს პირობა სახის შენახვისა, და ეს პრინციპით ხორციელდება მხოლოდ საზოგადოებაში, ინდივიდუალურ ენერჯიათა კოორდინაციათა*).

თავისუფალი კომუნიზმი ყველაზედ უკეთესი ფორმაა საზოგადოებრივი ორგანიზაციისა, რომელიც ახორციელებს საზოგადოებრივობის პრინციპს. ამიტომაც პირველი, ბუნებრივი ფორმა საზოგადოებისა იყო კომუნისტური, სადაც საურთიერთო დახმარება, ველურ პირობებში შესაძლებელი თავსუფლება და თანასწორობა იყო უმთავრესი დამახასიათებელი მხარე პირველ-ყოფილი საზოგადოებისა, და განხორციელებული პრინციპი ინდივიდუალურ ძალთა ეკონომიისა.

შემდეგ, როცა საზოგადოება დაიყო კლასებად, როცა გაჩნდა ერთის მხრივ მშრომელი და მეორეს მხრით ნაწარმოების უშრომლად მიმთვისებელი, ერთის მხრით ბატონი და მეორეს მხრით მონა, — და ხანგრძლივი იყო ამგვარ საზოგადოებათა წარმოშობა, აგრეთვე მრავალი იყო მიზეზი მათი შექმნისა და აღდგომისა, **) — როდესაც აღდგომიდან კლასებრივი საზოგადოებანი, რომელნიც ძალ-დატანებაზედ იყენებდნენ დამყარებულნი, როგორც განსაზღვრული ფორმანი კლასებრივი საზოგადოებისა, — მაშინ საზოგადოებრივი ორგანიზაცია ვეღარ აკმაყოფილებდა ინდივიდს, რომლისთვისაც შეიქმნათავდაპირველად საზოგადოებრივი წესი ცხოვრებისა, — მაშინ პრინციპი ინდივიდუალურ ძალთა ეკონომიისა არ ხორციელდებოდა საზოგადოებაში, და მშრომელი ნაწილიც საზოგადოებათა სცილილობდა ყოველთვის დაენგრია აუტანელი ფორმა საზოგადოებისა, შეიქმნა ძველი, ან ახალი, უმჯობესი

*) იხ. ჩვენი წერილი მოამბეში: „ბრძოლა არსებობისათვის და საზოგადოებრივი პრინციპი“.

**) აქ ბ. „მეცნიერი“ ლეო საყვედურს გვეტყვის, რატომ მთელი კაცობრიობის ისტორია არ მოვეყვით, მაგრამ იმისთანა „მეცნიერს,“ რომელიც წყრილის საგანს ვერ იგებს ხოლმე, რა უნდა ელაპარაკო.

ფორმა საზოგადოებისა, იმავე საზოგადოებრივ პრინციპზედ დამყარებული, — პიროვნულ ძალთა ეკონომიის პრინციპზედ ეს მოვლენა ახასიათებდა და ახასიათებს მონობისა, ფეოდალიზმისა, და აგრეთვე თანამედროვე კაპიტალიზმის ისტორიას.

და რადგანაც ძალ-დატანებას, — ერთი კომმუნის მეორეზედ ომით გალაშქრებას, სარწმუნოებრივ ბატონობას და მასზედ აშენებულ ძალ-დატანებას, კერძო საკუთრების წარმოშობას და მასზედ აშენებულ ეკონომიურ ჯგუფთა შორის ბრძოლას და ერთის მიერ მეორის ძალით დამონებას, — ძლიერი როლი უთამაშნია ამგვარ კლასიურ საზოგადოების შექმნაში, ამიტომაც ბატონობა ეკონომიურად და პოლიტიკურად მმართველ კლასსთა პირდაპირ გამოიხატა საშინელ ძალ-დამტანებელ ორგანიზაციაში, — განსაკუთრებით სახელაწიფოში, რომლის შინაარსი და ესსენცია პირდაპირ ძალ-მომრეობა და იარაღით ძალ-დატანება აუარებელ მწარმოებელთა — არჩინონ თავისი შრომით არა-მწარმოებელნი და დაემორჩილონ მათ.

ამგვარად სდგებოდენ და არსებობენ ეხლაც ძალ-დამტანებელი ორგანიზაციანი საზოგადოებისა, რომელთა ევოლიუცია სწორედ იმგვარ ძალების მიერ იყო გამოწვეული, იმგვარ პირობებში მსვლელობდა, რომ მისი ფორმაც არ შეიძლებოდა რომ არ ყოფილიყო შინაარსით ძალ-დატანებითი და უხეშ, შეიარაღებულ ძალაზედ დამყარებული.

და მთელი კაცობრიობის ისტორია უძველეს დროიდან თანამედროვე კაპიტალიზმამდის გამოიხატება უმთავრესად ამ ძალ-დამტანებელ დაწესებულებათა და ამხედრებულ მწარმოებელთა შორის ბრძოლაში. ერთი ნაწილი ამხედრებულთა ძველ საურთიერეთო დახმარებელ, კომმუნისტურ ან მსგავს დაწესებულებათა დაბრუნებას სცდილობდა, ზოგი, — და საუკეთესო ნაწილი, — ახალ, საუკეთესო დაწესებულებათა შექმნას, ზოგიც აჯანყებით სარგებლობდა ხელმე და სცდილობდა კიდევ უფრო გაეძლიერებია თავისი სიმდიდრე და ბატონობა აუარებელ მშრომელთა დაჩაგვრ-

ით (ეს აზრი გამოხატევა კოოპერაციზმა თავის შესანიშნავრობაში: the Mutual Aid, as a factor of Evolution). და ბრძოლა ყოველთვის ძალ-დატანებითი იყო ხოლმე, რადგანაც, როგორც არა ვსთქვით, დასანგრევი დაწესებულებანი ძალ-დატანებაზედ იყვნენ დამყარებულნი, და ამ ბრძოლის შინაარსი და მიზანი ამ ძალდამტანებელ დაწესებულებათა დანგრევაში, და ახალ, საურთიერთო დამხმარებელ, კომმუნისტურ დაწესებულებათა შექმნაში გამოიხატებოდა.

ეს იყო ის ბრძოლა, აუცილებლად ძალ-დატანებითი ბრძოლა, რომელსაც ჩვენ რევოლიუციას ვეძახით, რომლის ხასიათიც განისაზღვრება იმ დაწესებულებათა ხასიათით, რომელთა დასაქცევადაც ის გაეშურება ხოლმე. როდესაც ესა თუ ის დაწესებულება ძალ-დატანებაზედ არ არის დამყარებული, — მაშინ მისი მოსპობა რევოლიუციით, ძალ-დატანებით, არ არის აუცილებელი, წინააღმდეგ შემთხვევაში კი რევოლიუცია აუცილებლად ძალ-დატანებითი უნდა იყოს. ამიტომაც არის აბსურდი სიტყვა — „შვიდობიანი რევოლიუცია“. — იგი ისტორიული აბსურდია, სხვა არა იყოს რა.

ეს საუკუნო მისწრაფება იმგვარ საზოგადოების მოწყობისადმი, სადაც ინდივიდუალურ ძალთა ეკონომია ყოფილიყოს, — ეს საუკუნო მისწრაფება იყო შინაარსი კაცობრიობის ისტორიისა.

ეს მუდმივი იდეალი იმგვარ საზოგადოების შექმნისა, რომელიც ნამდვილი მკველი და განმავითარებელი ყოფილიყოს ინდივიდის ყველა ძალთა, — ეს იდეალი ამოძრავებდა კაცობრიობას და ამოძრავებს ეხლაც. და რადგანაც კომმუნისში და ანარხია საუკეთესო ეკონომიური და პოლიტიკური ფორმებია ამ იდეალური საზოგადოების დამყარებისა, — ამიტომაც ემჩნევა კაცობრიობასა და თანამედროვე მუშათა კლასსაც კომმუნისტური და ანარხიული ტენდენცია.

და რადგანაც აგრეთვე ამ იდეალის განხორციელებას წინ

ელობებოდნენ ძალ-დატანებითი ელემენტები, ამიტომაც ბრძოლა, რევოლუციები ყოველთვის ძალ-დამტანებელი იყო წარსულში, და ეხლაც მუშათა კლასის იძულებულია, ძალ-დატანებით, რევოლუციონურ ბრძოლის მეთოდებს მიმართოს, რადგანაც სახელმწიფო, მისი იდეალის განხორციელების ხელის შემწელო, ძალ-დატანებით დახასიათდება, განამტკიცებს რაკაპიტალიზმს ცეცხლითა და მახვილითა.

ისტორიას წითელი ზოლივით ევლება. როგორც მისწრაფება ხალხისა კომუნისმისაკენ და ანარხისაკენ, ისე ძალ-დატანებითი რევოლუციონური ბრძოლა.

ამგვარი მაგალითებით სავსეა საბერძნეთ-რომის ისტორია, ფეოდალიზმის ისტორია, ისტორია განახლებისა, საფრანგეთის დიდი რევოლუცია და თანამედროვე მუშათა კლასის ისტორია. მთელი თანამედროვე სოციალიზმი ერთი მომენტი ამ დიდი ბრძოლისა, რომელიც უნდა დამთავრდეს დიდი სოციალური რევოლუციით, ღრმა სოციალური ტრანსფორმაციით, და მუშათა კლასის ეხლა, —სწორედ ამ თავისი იდეალისა და თანამედროვე საზოგადოების ხასიათის მიხედვით იმუშავეს თავის ბრძოლის ტაქტიკასაც.

თუ ძველად საბერძნეთისა და რომის მონები იარაღით ხელში ომობდნენ ბატონთა წინააღმდეგ, —ეს იმიტომ, რომ საზოგადოებრივი ევოლუციის შედეგი მაშინ მონობაში გამოიხატა და ეს მონობა ძალ-დატანებით, იარაღით იყო განმტკიცებული.

თუ ფეოდალურ ხანაში გლეხები და მუშები იარაღით ებრძოდნენ მემამულეებსა, მეფეებსა, თავადებსა და ეპისკოპოსებს, —ამის მიზეზიც ის იყო, რომ ფეოდალური სისტემის შექმნაში დიდი როლი ითამაშა ძალ-დატანებამ და ბატონ-ყმობა იარაღით იყო განმტკიცებული.

თუ დღეს თანამედროვე კაპიტალიზმის წინააღმდეგ იარაღით ბრძოლაა საქირო, თუ კაპიტალიზმის მოსპობა შესაძლებელია.

ბელია მხოლოდ ძალდატანებითი რევოლიუციით, — და მარტო ძალდატანებითი რევოლიუციით, — ამისი მიზეზიც ის არის, რომ თანამედროვე კაპიტალიზმთან ერთად განვითარდა თანამედროვე სახელმწიფო. ისინი ორი ერთ-არსება და განუყოფელნი პირნი არიან, შესისხლხორცებულნი ისე, რომ ერთის მოსპობა ყოველად შეუძლებელია, თუ მეორესთან არ მოვიხდა სამკედრო-სასიცოცხლო ბრძოლა. და რადგანაც თანამედროვე სახელმწიფო დახასიათდება ჯარით, პოლიციით და ძალ-დამტანებელი დაწესებულებებით, რომელიც არაფერს არ ზოგავს მოწინააღმდეგე ხალხური ძალის გასანადგურებლად, ამიტომ ხალხმაც იგივე ძალ-დატანება უნდა იხმაროს რევოლიუციის დროს, — თოფი, ზარბაზანი, ყუმბარა და სხვ. — მაგალითები: — ყველა რევოლიუციები თუგინდ მე-XIX საუკუნისა და განსაკუთრებით ჩვენ თვალ-წინ მქუხარე რუსეთის დიდი რევოლიუცია.

თანამედროვე სახელმწიფო კაპიტალიზმთან ერთად მთელი ხუთი საუკუნის განმავლობაში სდგებოდა ძალ-დატანებით, — იარაღით გლეხების ხოცვით, მათი მიწის დასაკუთრებით მმართველ კლასსთა სასარგებლოდ, ქალაქის მუშათა კავშირთა დევნითა და მოსპობით, ჯარისა და პოლიციის გაძლიერებით, მთელ მილიონ ხალხთა ტანჯვითა და წამებით. და ეს სისტემა, ეს ხუთი საუკუნის განმავლობაში მოგროვილი ტალახი, საზიზღარი ძალ-დატანება, ხალხთა დამონება მას რითი უნდა დაინგრეს, თუ არა ძალ-მომკრებით, რომელმაც ხალხის სიღრმიდან უნდა აღმოხეთქოს?

თანამედროვე კაპიტალიზმისა და სახელმწიფოს რევოლიუცია⁴ ისეთი იყო, რომ მასში ძალდატანება თამაშობდა ძლიერ როლს, და ამიტომაც მათ დანგრევაში რევოლიუციონურმა ძალდატანებამ უნდა შეიღოს უმთავრესი მონაწილეობა.

და როდესაც მუშათა კლასსმა უკვე გამოიკვია თავისი იდეალი, — სრული კომუნისმი და სრული თავისუფლება, —

როდესაც მან დაინახა, რომ ეს კომმუნისმი და თავისუფლება არ განხორციელდება, თუ თანამედროვე სახელმწიფო და კაპიტალიზმი არ მოიხსნა, როდესაც მან დაინახა თვალთ, რომ მათი მოსპობა შეუძლებელია ძალა-დაუტანებლად, რადგანაც პატარა გაფიცვის დროსაც არ იბრალეხს ხოლმე მუშებს კაპიტალიზმის დარაჯი სახელმწიფო და ტყვიებით ანადგურებს მათ რაზმებს, — როდესაც მუშათა კლასის დარწმუნდა ამაში მრავალი სისხლის შღვრელი დამარცხებით, — მაშინ შეიმუშავა მან ტაქტიკა, შესაფერი თავისი იდეალისა, დასანგრევ დაწესებულებათა ხასიათისა და მომავალ დაწესებულებათა ხასიათისა აგრეთვე. მან განსაზღვრა სოციალური ტრანსფორმაცია სრულიად რაციონალურად და ლოგიკურად მივიდა ძალ-და-ტანებითი რევოლიუციის საჭიროების დასკვნამდის.

მისი იდეალია — კომმუნისმი და ანარხია. მისი საშუალება — ძალდატანებითი სოციალური რევოლიუცია. ეს სამი ცნება კი შეადგენს „ანარხიზმის“ ნიშანდობლივ ხასიათს.

ამაში ჩვენ სრულიად ვეთანხმებით მუშებს, და ჩვენც ვცდილობთ, კიდევ უფრო განვაფითაროთ იდეა სოციალური ტრანსფორმაციისა და სოციალური რევოლიუციისა.

მაგრამ ჯერ ვიკითხოთ, ეთანხმებიან თუ არა ყოველივე ამას უკვე მოხსენებულ პარტიათა განსაზღვრანი სოციალური ტრანსფორმაციისა და რევოლიუციისა, როგორია მათი ძირითადი შეცდომანი და თვით ლოგიკაც, რომელიც ვითომც ყოველთვის აკავშირებს მათ იდეალსა და მათ მიერ ამორჩეულ ბრძოლის საშუალებათ? მიუგოთ ჯერ მე-6-ე და მე-7-ე კითხვებზე და შემდეგ გადვიდეთ იმ კითხვაზე, თუ რა არის სოციალური რევოლიუცია, რა მომენტებისაგან შესდგება იგი და რას მოასწავებს იგი ადამიანთა ცხოვრების შეცვლის მხრივ?

IV

ჩვენ ნათლად დავინახეთ ზემოხსენებულიდამ, რომ არც ერთი ცნება ჩვენ მიერ განსაზღვრული არა ჰგავს რ. ოპპორტიუნისტების მიერ განსაზღვრულ ცნებათ.

მათთვის სოციალური ტრანსფორმაცია ნელი და მშვიდობიანი გარდაქმნაა საზოგადოებისა, თანდათან ი განვითარება და გაუმჯობესობა არსებულ სახელმწიფო და სხვა დაწესებულებათა, ჩვენთვის კი სოციალური ტრანსფორმაცია მოასწავებს ამ დაწესებულებათა სრულ დანგრევას, სრულ მოსპობას და ახალთა შექმნას.

მათი შეხედულება სოციალურ ტრანსფორმაციაზედ დახასიათდება **შეგუების პრინციპით**, — მათ სურსთ შეეგუონ (s'adapter) თანამედროვე წყობილებას, მისი ფარგლიდამ არ გამოვიდნ და ისე გარდაქმნან საზოგადოება; ჩვენ კი ვიხილავთ თანამედროვე დაწესებულებათ როგორც ისტორიულად შექმნილ ფორმებს, როგორც იმგვარ ხასიათის ძალთა მიერ შექმნილ ფორმებს, რომელთაც ძალ-დატანების სული აქვს გამჟღარ თვით თავის არსებაში. — ამიტომ ჩვენ შეგუების პრინციპი აბსურდად მიგვაჩნია და სოციალური ტრანსფორმაციის ცნებაშიდაც შეგვაქვს აუარებელი ელემენტი, — ძალ-მომრეობა. ძალ-მომრეობითი მოსპობა ამ დაწესებულებათა, ძალ-მომრეობითი **რევოლიუცია**.

ამით განსხვავდება აგრეთვე ჩვენი განსაზღვრა ზემოხსენებულ პარტიების განსაზღვრათაგან.

სოციალური რევოლიუცია მათ წარმოუდგენიათ რალაც მშვიდობიან პროცესად, რომელსაც სისხლის ღვრაც კი არ მოჰყვება, ჩვენ კი იგი წარმოგვიდგენია უმთავრეს პირობად სოციალური ტრანსფორმაციისა, საშინელ ძალ-დატანებით აქტად, რომლითაც იგი დაიწყება და ცოტად თუ ბევრად ხანგრძლივ და სხვა და სხვა ხასიათის პროცესთა შემდეგ დამთავრდება საზოგადოების საფუძვლის სრული გარდაქმნით. აი კიდევ განსხვავება ჩვენ განსაზღვრათა შორის, მაგრამ უპირ-

ველეს ყოვლისა, — თუმცა ისინი როგორცა ვსთქვით, მართალინი არიან თავიანთ თვალთა ხედვით, — თვით ეს თვალთა ხედვა არ ვარგა, შემცდარია. მათი განსაზღვრანი არ ეთანხმებიან კაცობრიობისა, თანამედროვე მუშათა კლასისა, თვით სოციალიზმის იდეალს. კაცობრიობის იდეალი სრული თავისუფლება იყო ყოველთვის, თანამედროვე მუშათა კლასი აგრეთვე იმ იდეალისაკენ მიისწრაფის, თვით სოციალიზმის შინაარსი ეს იდეალია; — ეს იდეალი კი ნიშნავს, განვიმეორებთ კიდევ, თავისუფალ კომუნისმსა და ანარხიას, რომელიც ერთად ერთი წარმოსადგენი ფორპაა თავისუფალი, ხალხური სოციალიზმისა და საზოგადოებრივობის პრინციპის განსახორციელებელი იარაღი. მათი განსაზღვრა სოციალური ტრანსფორმაციისა-კი სრულიად ჰრიცხავს ერთსაც და მეორესაც და ამიტომ ეწინააღმდეგება იგი თვით სოციალისტურ იდეალს. აგრეთვე მათი საშუალებანი ბრძოლისა თუმცა ძლიერ ეთანხმებიან მათ მიერ განსაზღვრულ ცნებას სოციალური ტრანსფორმაციისას, მაგრამ თვით ეს საშუალებანი არიან უვარგისნი, ისინი არ ეთანხმებიან არც ისტორიულ ფაქტთა ლოდიკას, არც იმ დაწესებულებათა ხასიათს, რომელთა დანგრევაც უნდა იყოს მიზანი სოციალიზმისა, რომელთა მოსასპობად ეშურება, მიისწრაფის უკვე ფაქტიურად მუშათა კლასი. ისტორიაში რევოლიუციებით განახლდებოდა ხოლმე დესპოტიზმისა და მონობის მთრევეში ჩაფლული საზოგადოება, ეს რევოლიუციები ბრძოლით, იარაღით იწყებოდნენ და ხშირად იარაღითვე მთავრდებოდნენ ხოლმე, და თუ რაიმე პროგრესი მომხდარა საზოგადოებაში, ამ პროგრესის დასაწყისი ყოველთვის ყოფილა შეიარაღებული გალაშქრება მშრომელთა ძალდამტანებელ და მონურ დაწესებულებათა წინააღმდეგ. თანამედროვე საზოგადოებაში არსებულნი დაწესებულებანი, რომლის მოსპობაც სწადია დღეს მუშათა კლასს, ძალდატანებით

რევოლიუციას მოითხოვენ, იწვევენ აუცილებლად; იმისთვის ემზადება მუშათა კლასი, და სწორედ ამ დაწესებულებათა ძალ-დამტანებელი ხასიათი ჰსაზღვრავს მუშათა მხრივ ძალ-დამტანებელ ბრძოლის საშუალებათა არჩევას.

ყოველივე ეს ისტორიული ფაქტია, ფაქტია აგრეთვე თანამედროვე ბრძოლის საშუალებათა განსაზღვრული ხასიათი, და ოპორტიუნისტთა არჩევანი ბრძოლის საშუალებათა არეთანხმება არათუ სოციალიზმის იდეალს, არამედ თვით ფაქტს, თვით თანამედროვე მოვლენას მუშათა ცხოვრებაში, როკიელიც პირდაპირ დიდი სოციალური აფეთქებისაკენ მიისწრაფვის, თუმცა მათი განსაზღვრანი, კიდევ განვიმეორებთ, მათ თვალთა ხედვას სრულიად ეთანხმებიან.

აი რაშია ძირითადი განსხვავება ჩვენსა და მათ შორის. მაგრამ ეს კიდევ არაფერი. მათ მიერ ამორჩეულ ბრძოლის საშუალებით ისინი თავიანთ საკუთარ იდეალსაც ვერ განახორციელებენ და ამას თავისი ღრმა მიზეზი აქვს. ჩვენ კიდევ უფრო შორს წავალთ და ვიტყვი, — არა თუ თავიანთ საკუთარ იდეალს ვერ განახორციელებენ, არამედ პირობასაც ვერ შექმნიან თავიანთ საზოგადოების დასაარსებლად, — თავიანთ მიერვე განსაზღვრულ სოციალურ ტრანსფორმაციის მოსახდენად. — აი რატომ:

1) კანონმდებლობა, რომლითაც უნდათ გარდაქმნან ზემოხსენებულმა პარტიებმა საზოგადოება, — ფუნქციისა, პირდაპირი შედეგი მთელი განსაზღვრული საზოგადოებრივი სტრუქტურისა; საზოგადოება უნდა შეიცვალოს და მერე შეიძლება შესაფერი კანონმდებლობის შემოღება. კაპიტალისტურ საზოგადოებაში კანონმდებლობა პირდაპირი ფუნქციისა კაპიტალისტური სახელმწიფოსი, და ყოველად შეუძლებელია შეცვლა ამ კანონმდებლობისა, თუ კაპიტალისტური სახელმწიფოც არ შეიცვალა; მით უმეტეს შეუძლებელია შეცვლა ამ კაპიტალისტური სახელმწიფოსი კანონმდებლობით, რომ პირველი

უკანასკნელის ფუნქცია არ არის, არც ყოფილა ისტორიულად. განსაზღვრული საზოგადოება შექმნილია ათასწიანი ძალთა მიერ, ათას შთამომავლობას უმუშავნია ამ საზოგადოებრივ განწყობილებათა შესაქმნელად, კანონმდებლობა კი გამოხატულებათა ამ განწყობილებათა, რომელიც იცვლება განსაზღვრულ ძალთა მიერ, და ამ ცვლის თანახმად იცვლება თვით კანონმდებლობაც. კანონმდებლობა თავის თავად ძალას ვერ წარმოადგენს, იგი მაშინ არის ძალა, როდესაც აღმასრულებელი იარაღი აქვს; ეს იარაღი, ეს ძალა კი თვით საზოგადოება, ან მისი ნაწილი უნდა იყოს. მშვიდობიან რეფორმისტებს კი ჰგონიათ რომ არჩევნების დროს უმეტესობა, მთავრობის უმეტესობა წარმოადგენს ძალასო, მაშინ როდესაც თუ ორგანიზაცია,—სამხედრო და საპოლიციო ორგანიზაცია არ არის კანონმდებლობის საზოგადოებაში ძალით გამყვანი, ისე კანონმდებლობას არავითარი აზრი არა აქვს. უამისოდ საზოგადოებაში იგი ვერავითარ ღრმა რეფორმას ვერ მოახდენს. მოიგონეთ თუ გინდ საფრანგეთში უკანასკნელი კანონი კონგრეგაციების შესახებ,—როგორი ძალა დასჭირდა სახელმწიფოს ამ კანონის განსახორციელებლად,—ისიც ნახევრად რაღა უნდა იყოს მაშინ, როდესაც მთავრობის უმეტესობა მოინდომებს საზოგადოებაში უფრო ღრმა რეფორმის გაყვანას, მაგალითად წარმოების ამა თუ იმ დარგის განსაზოგადოებრივებას,—ერთი სიტყვით როდესაც მას მოუხდება შეტაკება დიდ რომელიმე სოციალურ ძალასთან?—მაშინ ეს შეტაკება რევოლიუციად იქცევა,—რისკენაც ჩვენ მივისწრაფვით, და ამ მხრით ბლანკისტები უფრო მართალნი არიან, როდესაც ისინი ჰქადაგებენ სახელმწიფო ძალის აჯანყებით ხელში ჩაგდებას. ეს უფრო არ არის შეუძლებელი და უტოპიური. მაგრამ რევოლიუციონური გზით სახელმწიფო ძალის ხელში ჩაგდებასაც თავისი ფატალური ლოდიკა აქვს,—იგი აუცილებლად რეაქციისაკენ მიდის, ან და თავის წინააღმდეგ

ახალ რევოლუციას იწვევს, — იმ გვარს, ჩვენ რომ გვსურს, — და ამიტომაც იგი ისეთივე უვარგისია სოციალური ტრანსფორმაციისათვის, როგორც მშვიდობიანი გზით უმეტესობის მოპოვება პარლამენტებში და შემდეგ საზოგადოების გარდაქმნა. — ამაზედ კიდევ ცალკე მოვილაპარაკოთ.

2) ბურჟუაზიასა და სახელმწიფოს ისეთი ორგანიზაცია აქვთ, რომ არჩევნებში ყოველთვის ისინი გამოვლენ გამარჯვებულნი. ფული, მოსყიდვა, სწავლა-განათლება და ჭკვიანი ხერხები ხალხის არჩევნებში მოტყუებისა, შეშინება ხალხისა თავისი ძალითა და სიმდიდრით, ხანდახან მუქარა ულუკმაპუროდ მუშათა დატოვებისა, კავშირი კლერიკალიზმთან, რომელიც დიდ ძალასა და გავლენას წარმოადგენს განსაკუთრებით გლეხობაში, — ყოველივე ეს ხელს უწყობს ბურჟუაზიის გამარჯვებასა და ხანდახან სოციალისტური გამარჯვებაც კი არჩევნების დროს ფიქტიური დგება, ხშირად ბურჟუაზიის სასარგებლოდაც, — ისე მშვენივრად აქვსთ მოწყობილი საქმე ბურჟუებსა და მათ მოკავშირე, მათ დამცველ სახელმწიფოს. საყოველთაო საარჩევნო უფლება მთელს ევროპაში და ამერიკაში ერთს დიდ ფიქციად აღმოჩნდა, რესპუბლიკანურ სახელმწიფოებშიდაც-კი. ჯერ ერთი, — ნახევარი ნაწილი საზოგადოებისა — ქალები — არჩევნებში ევროპაში მონაწილეობას არ იღებენ, რე მათ რაღა საყოველთაო არჩევნებია, თუ საზოგადოების ნახევარ ნაწილს არ აქვს არჩევნების უფლება. მეორე, — კიდევაც რომ მიიღოს მონაწილეობა საყოველთაო არჩევნებში ქალებმა, — მაინც ადვილი შესაძლებელია — ხელსაყრელი-კი არა, არამედ მავნებელიც იყოს ეს უფლება კანონმდებლობის წინმსვლელობისათვის, — თუ ქალთა უმეტესობა კლერიკალების ხელშია და უვიცობითა რეელიგიოზური ფანატიზმით არის შეპყრობილი, როგორც მაგალითად ბელგიაში, საფრანგეთის ძლიერ ბევრს ნაწილებში და სხვაგან. საზოგადოდ, ხალხის გონებრივი დაქვეითება, რომელსაც

ზელს უწყობს სახელმწიფო ორგანიზაცია და კაპიტალიზმი, ხშირად ქვეყნისათვის უბედურებად აქცევს ხოლმე საყოველთაო საარჩევნო უფლებას, განსაკუთრებით მაშინ, როდესაც რეაქციონურ პარტიათა ხრიკები ადვილად პოულობს ნი-
ადაგს ვულ-უბრყვილო ხალხში. მიუმატეთ ამას თვით უმცირესობა-უმეტესობის *) სრული სიბსურდე, რომელზედაც არის დამყარებული მთელი აზრი საყოველთაო საარჩევნო უფლებისა, — და მაშინ ნათლად წარმოვიდგებათ იგი, როგორც უვარგისი იარაღი სოციალური ტრანსფორმაციისა, მშვიდობიანი თუ არა მშვიდობიანი წესით.

მ) შეუძლებელია **ნამდვილ** სოციალისტთა უმრავლესობა პირლამენტში. ამისთვის საჭიროა უმეტესი ხალხისა რწმენით გასოციალისტდეს, ამისათვის აგრეთვე საჭიროა სოციალისტური პარტია გაიზარდოს ისე, რომ ხალხის უმეტესობა შევიდეს ამ პარტიაში. ამისათვის საჭიროა აგრეთვე ყველა სხვა არა-სოციალისტურ პარტიათა ძალის მინიმუმამდის დაყვანა, — ყველა ეს კი შეუძლებელია: ა) რადგანაც ხალხის უმეტესობას არ შეადგენს ის ელემენტები, რომელთათვისაც ხსენებულ პარტიათა აზრით სოციალიზმი საჭიროა და სასურველი: — პროლეტარიატისა და გაპროლეტარებულ გლეხთა რიცხვი დღეს გაცილებით უფრო მცირეა, ვიდრე დანარჩენი ნაწილი განსაზღვრული საზოგადოებისა, და მივიღებთ რა მხედველობაში სახელმწიფოსა და ბურჟუაზიის ორგანიზაციას და ამ ორგანიზაციის მიერ გამოწვეულ მნიშვნელობას არჩევნებში, — ძნელი წარმოსადგენია რომ სოციალისტებმა ამ უმცირესობის უმეტესობაც მიაკედლოს სოციალიზმს, მიუხედავთ მათი ენერგიული პროპაგანდისა და აგიტაციისა. რაც შეეხება ს. დ. — ების თეორიას კაპიტალის კონცენტრაციის შესახებ, — ამისი იმედითი ტყვილია: ერთი იმიტომ, რომ კონცენტრაცია სულ

*) იხ. ჩვენი „კანონი“.

სხვანაირად ხდება;—იგი თუ არის, ტენიკურია, და არა პროლეტართა რიცხვის განმადიდებელი და ბურჟუათა შემამცირებელი. დღეს კაპიტალიზმის ტენდენცია—აგრეთვე ორგანიზიცია კაპიტალისტების, რომელიც უპირდაპირებად შეკავშირებულ პროლეტარიატს,—და არა კაპიტალის გადასვლა რამოდენიმეთა ხელში, (კონკურენციის კანონის ძალით), რომელთა ექსპროპრიაცია ადვილი იქმნება ხალხისთვის. მეორე, —კიდევაც რომ ხდებოდეს ეს კონცენტრაცია და შესაძლებელი იყოს გამოანგარიშება იმ ხარისხისა, რომლითაც სოციალიზმის საზოგადოების ელემენტთა რიცხვი მრავლდება საზოგადოებაში და კაპიტალიზმის იკლებს,— მაშინაც ამ „ბუნებრივი“ ეკონომიური პროცესის დამთავრებას, რომლის პოლიტიკური შედეგიც პარლამენტში სოციალისტთა უმეტესობა იქმნებოდა,—მრავლის უმრავლესი დრო დასჭირდებოდა,—ისე ნელა ხდება ეს პროცესი, თვით მარქსის თეორიის ძალით, სხვა წინააღმდეგ ეკონომიურ მოვლენათა გამო. და ამ ნელი პროცესის დამთავრებას უცდის ხალხი? არა, ეს არ ეტყობა სრულიად თანამედროვე საზოგადოებრივ მოძრაობას. პირიქით, მისი ტენდენცია რევოლუციისაკენაა, ისეთი აუტანელი შეიქმნა დღევანდელი ვითარება. აბსურდია, საზოგადოებრივ მოვლენათა სრული გაუგებრობა და უცოდინარობაა შემოხსენებული ანგარიში კონცენტრაციის პროცესის დამთავრებისა და მასზედ დამყარებული იმედები. ბ).—რადგანაც კლერიკალიზმსა, სახელმწიფოსა და ბურჟუაზიულ პარტიებს ისე აქვთ საქმე დაყენებული რომ, სანამ მათ თავიანთი მძლავრი სახელმწიფოებრივი, რელიგიოზური უმეცრებისა და საფინანსო ორგანიზაცია ექმნებათ, ყოვლად შეუძლებელია მათ წინააღმდეგ ლეგალურ ნიადაგზედ ბრძოლა. გ).—რადგანაც თვით სოციალისტური პარტიები ისე გაივსო ბურჟუაზიული ელემენტებით, რომ დღეს ლეგალური სოციალიზმი აღარავისათვის სა-

შიში აღარ არის, და კიდევაც რომ ერთ დღეს პარლამენტებში აღმოჩნდეს „სოციალისტთა“ უმეტესობა,—ეს უმეტესობა ისე იქმნება სოციალიზმს დაშორებული, როგორც მაგალითად ის მთელი მილიონი წვრილი და მომსხო ბურჟუაზიისა, რომელიც ს. დ—ებს ხმას აძლევს გერმანიაში, დ) რადგანაც ბევრ სხვადასხვა მიზეზთა გამო ბურჟუაზიული პარტიები სოციალისტებთან ბლოკს აკეთებენ ხოლმე და პირველად ვითომც და „სოციალიზმის“ გაძლიერების შემდეგ, თვით ეს ბლოკი ღუპავს სოციალისტურ პარტიებსა და ამცირებს ხალხში მათ ავტორიტეტს,—ბლოკის გაკეთება-კი აუცილებელი საჭირო ხდება ყოველთვის პოლიტიკურ ცხოვრებაში ჩაბმულ პარტიათათვის იმ ქვეყნებში, სადაც პოლიტიკური ცხოვრება ძლიერ განვითარებულია, პოლიტიკური კითხვები ძლიერ მწვავედ დაყენებული, როგორც მაგალითად საფრანგეთში,— და სხვ. და სხვ.

4) კიდევაც რომ შესაძლებელი იყოს სოციალისტთა უმეტესობა პარლამენტში — ამით ბურჟუაზიას არაფერი არ დაუშავდება. საყოველთაო არჩევნები ბურჟუაზიის იარაღია, წარმომადგენლობითი მთავრობა ბურჟუაზიის წეს-წყობილების პოლიტიკური ფორმა, და თუ მითი სარგებლობა შეუძლია ვისმეს,—ეს მხოლოდ იმავე ბურჟუაზიისა და ხანდახან თავზღდ ხელ-აღებულ ავანტიურისტ მონარხსაც. საქმე სახელმწიფო ორგანიზაციაშია,—ჯარში და პოლიციაში,—მხეცურ ძალაში, და ამ მხრივ ვიკრავითარი უმეტესობა ვერ უშველის სოციალიზმს. თუ ნაპოლეონ მესამემ ისარგებლა პლენისციტით, თუ დღეს ბელგიაში ნამდვილი საყოველთაო არჩევნები განურჩევლად სქესთა კლერიკალიზმის ბატონობას გამოიწვევდა,—ეს იმიტომ რომ ნაპოლეონმა პლენისციტი და Coup d'Etat,— ესე იგი ხალხის უბრალო დახოცვა პარიზის ქუჩებზედ,—შეაერთა, ეს იმიტომ რომ ბელგიის კლერიკალიზმი და ბურჟუაზია ჯარზედა და პოლიციაზედ ამყარებ-

ბენ თავიანთ იმედებს. ეს დაწესებულებანი—მუღმივი ჯარი და პოლიცია, რომლის გამხრწნელი სუნით იწამლება საზოგადოება საუკუნეთა განმავლობაში, ყოველთვის მათ დაუჯერებს, ვინც ყოველთვის მათი მბრძანებელი იყო და არის;—მდიდართა და ბატონთა,—ბურჟუაზიას და კლერიკალებს,— და ამ იარაღით რომელსაც გნებავსთ საპარლამენტო უმეტესობას კისრის ტეხით გამოაძევეთ ბურჟუაზია, თუ მოინდობა, როგორც ენლა რუსეთის მთავრობამ სათათბირო ააწიოკა. მართალი იყო ლიბკნეხტი მე-60-ე წლების დასასრულში რომ ამბობდა: რას შიშნავს უმეტესობა სოციალისტებისა პარლამენტში?—არაფერს! კიდევაც რომ მოვიპოვოთ ჩვენ იგი, —შემოვა რამოდენიმე პოლიციელი, მიგვტყუავს, წაგვასხამს პოლიციაში და მერე, როცა განგვათავისუფლებენ, ჩვენვე თითონ შეგვტყუებენ ჩვენი დონკინოტობისაო. სულ სხვაა, თუ სოციალისტებმა ძირი გამოუთხარეს თვით ამ დაწესებულებათ, —ჯარსა და პოლიციას,— მაგრამ მაშინ ჯარის აჯანყება, რევოლიუცია იქმნება სოციალისტების გაბატონების იარაღი, და ეს-კი სულ სხვა მოვლენაა, რომელსაც არავითარი საერთო არა აქვს მშვიდობიან სოციალურ ტრანსფორმაციასთან და საპარლამენტო უმეტესობასთან.

5) კიდევაც რომ შესდგეს სოციალისტთა უმეტესობა, იგი თვით კანონმდებლობაში ევროპის თითქმის ყველა კონსტიტუციათა ძალით იმპოტენტი იქმნება, რადგანაც ყველა ეს კონსტიტუციები „ძირითად კანონებზედ“ არიან აშენებულნი, და ამ ძირითად კანონთა გამოცვლა არავის არ შეუძლია, გარდა ღამფუძვნიელი კრებისა; ამის მოწვევა კი მხოლოდ ახალი, საშინელი სოციალური მოძრაობის შედეგი შეიძლება რომ იყოს, —ამისათვის ახალი რევოლიუციაა საჭირო. რა იქმნება მაგალითად, რომ საფრანგეთის პარლამენტში სოციალისტების უმეტესობა შეეხოს კონსტიტუციის ძირითად კანონს, ან გამოაცხადოს, რომ „დიდი რევოლიუციის“ პრინციპები, გა

მოთქმული „ადამიანისა და მოქალაქის უფლებებში“, რომელთა შემკვიდრედ მიაჩნია დღეს თავი საფრანგეთის ბურჟუაზიას, — მას აღარა სწამს და ახალი დეკლარაცია უნდა გამოცეს, სადაც კერძო საკუთრება აღარ იქმნება უპირველესი უფლება მოქალაქისა? — ამის უფლება არავითარ უმეტესობას არა აქვს პარლამენტში, თვით კონსტიტუციის ძალით; ამის გამოცადება პირდაპირი უარყოფა იქმნება კონსტიტუციისა, ხალხის მოწვევა რევოლიუციისადმი; მხოლოდ შემდეგ, თუ რევოლიუციამ გაიმარჯვა, დამფუძნებელი კრება შეიმუშავებს ახალ კონსტიტუციას. მაგრამ აქ სადღაა აგრეთვე მშვიდობიანი, ლეგალური საზოგადოებრივი ტრანსფორმაცია? აქ მოულოდნელი რევოლიუცია იქმნება აუცილებელი, მთელი თავისი წარსული შეცდომებით, რომელმაც შეიძლება ვერაფერით მიზანს ვერ მიაღწიოს, გარდა სისხლის ღვრისა, — შეიძლება 1848 წლის განმეორება მოხდეს; — არც მეტი და არც ნაკლები. თვით ინგლისის პარლამენტსაც არ შეუძლია ამგვარი აქტი მოახდინოს, თუმცა იგი რამოდენიმედ ყოველი სესიის დროს დამფუძნებელ კრებას წარმოადგენს, — ისე აქვს განმჯდარი თანამედროვე უფლებას ძარღვებში „ძირითადი კანონი“ კერძო საკუთრებისა და ექსპლოატაციისა. კაი ხანი არ არის, რაც ინგლისში უბრალო ქურდობისათვის კაცი სახრჩობელაზედ მიდიოდა...

6) კიდევ წარმოვიდგინოთ რომ პარლამენტებში სოციალისტებმა მოიპოვეს უმეტესობა, იგი არც მთავრობამ დაქსა და დამფუძნებელ კრებად გადაიქცა. როგორი იქმნება მისი კანონმდებლობა? სასაცილო და შეიძლება სამარცხვინოც, როგორც სოციალისტებისათვის, — ბოლოს და ბოლოს კი აუცილებლად საშინელი სოციალური აფეთქების გამომწვეველი. სასაცილო იქმნება იგი იმიტომ რომ, თუ საზოგადოება მზად არ არის ახალი კანონმდებლობის მისაღებად ხანგრძლივი მომზადებითა, იდეააა დიდი ზღვის დატრიალებითა

თვით ხალხში, თვით ახალ დაწესებულებათა შექმნის წინ-
დაწინ განსაზღვრული მიზნითა და წადილით, — მაშინ ყოვე-
ლი ახალი კანონი, რომელიც ძირითადად ეწინააღმდეგება
არსებულ წეს-წყობილებას, უბრალო სიტყვად დარჩება და
მოკვდება, როგორც უაზრო და უნიადაგო, ქვეყნისაგან სა-
საცილოდ აგდებული. მაგრამ ეს არა კმარა, — ეს ჩვენ მიერ
წარმოდგენილ კანონმდებლობაში იშვიათი მოვლენა იქმნება;
საქმე ის არის, რომ ახალი საკანონმდებლო კორპუსი ძალით
გაიყვანს ცხოვრებაში კანონს, და რასაკვირველია ძლიერ
ბევრ საზიზღარსა და სამარცხვინო ზომებს მიიღებს ძლიერ
ბევრ მოქალაქეთა წინააღმდეგ; იგი ამითი როლს გაუცვლის
თანამედროვე საზიზღარ ძალ-მომრეობით დაწესებულებათა,
და ამითი აამხედრებს თავის წინააღმდეგ მოქალაქეთა ერთ-
ნაწილს მეორეზედ, — რაიცა სამოქალაქო ომია, რევოლიუ-
ცია, — ეს-კი სულ სხვა მოვლენაა, განვიმეორებთ კიდევ,
ვიდრე მშვიდობიანი ტრანსფორმაცია საზოგადოებისა. წარ-
მოვიდგინოთ, მავალითად, რომ ახალი სოციალისტური მთავ-
რობა ექსპროპრიაციის საქმეს შეუდგა. ექსპროპრიაცია —
პირველი მუხლია სოციალისტურ პროგრამისა, — იგი თვით
შინაარსია მთელი სოციალისტური მოქმედებისა სოციალის-
ტური ტრანსფორმაციის გარდამავალ ხანაში. ექსპროპრი-
აციის მოწესრიგებას რომ შეუდგება ახალი მთავრობა, სწო-
რედ მაშინ შეხვდება მას საშინელი გაქირვება, რომელიც
აუცილებლად დიდ რევოლიუციონურ ზღვად გადიკცევა და
წაპლექავს მას. წარმოება თანამედროვე ხანაში ისეთი რთუ-
ლია, ისეთნაირად არის გადახლართული ერთმანეთზედ მისი
მრავალ-გვარი დარგები, რომ შეუძლებელია მათი ცალ-ცალ-
კე ექსპროპრიაცია. სინჯეთ და მოახდინეთ ექსპროპრიაცია
სამრეწველო დარგებში და სამიწადმოქმედო დარგი ისე დას-
ტოვეთ: მაშინ გამოიწვევთ მთელი კაპიტალისტური მეხანო-
მის იმგვარ დაშლას, რომ შეუძლებელია ამ დაშლამ დიდი სო-

ციალური აფეთქება არ გამოიწვიოს. ან მოახდინეთ ექსპროპრიაცია მარტო სამიწად-მოქმედო დარგში და მრეწველობა ისევ კაპიტალისტების მადას ჩაუგდეთ ხელში,—მაშინაც იგივე შედეგი მოჰყვება მშვიდობიან სოციალისტურ კანონმდებლობას. ან და კიდევ,—სინჯეთ და თანდათან გადოსყიდეთ მონიდომეთ ეკონომიური ტრანსფორმაცია, როგორც ამბობს კაუცკი, ან და გამოჰხატეთ „სოციალისტური მოწყობა“ წარმოებისა იმაში, რომ მთელი წარმოება სახელმწიფოს ფუნქციად გახადეთ (ეს იყო იდეალი დესპოტ ლუი მე-XIV-ისა),—„გაჰხადეთ ყველა მოქალაქენი სახელმწიფო მოხელეებად“, როგორც ამას ამბობს ბევრი ფრანგი და ბელგიელი სოციალისტი, როგორც მაგალითად ბერტრანი ლევეილი, — და მაშინ ნახავთ, ვის დააკმაყოფილებს ამგვარი „მოწყობა წარმოებისა“, ამგვარი „გამოსყიდვა“, ამგვარი „ეკონომიური განთავისუფლება მუშათა კლასისა“!—თუ განსაზღვრული ტერიტორიის თვითეულ ერთეულზედ არ მოხდა თვით მუშათა მიერ საწარმოო საშუალებათა ექსპროპრიაცია და მათ მიერვე წარმოების მოწყობა, თუ, როგორც უკვე ვსთქვით, ამ აქტს წინ არ უძღვის მთელი ზღვა სოციალისტურ იდეათა, თუ ამ იდეათ არ აქვს მთელი ხალხი გარემოცული, თუ ამ ხალხს, თვითოეულ პროვინციაში, თვითოეულ ქალაქში და სოფელში, თვითეულ ქარხანაში, სახელოსნოში და ყანაშიაკი არ აქვს წინდაწინ შეგნება, სწორი გათვალისწინებული გეგმა ექსპროპრიაციის და მომავალი. ამხანაგური წარმოების წესის დამყარებისა,—ტყვილია კანონმდებლობა,—იგი ან ზერელ შეეხება თანამედროვე სოციალურ შინაარსს და მისს ძარღვს ვერც კი ჩასწვდება,—მაშინ სოციალური ტრანსფორმაცია ხელ ახლავ საოცნებო იქმნება,—ან და, თუ შეეხლა მისს შინაარსს, იგი მხოლოდ საშინელ სოციალურ აფეთქებას გამოიწვევს, საშინელ კატასტროფას, რომელიც ვინ იცის, რითი გათავდება;—იქნებ ეს იყოს მართლაც სოცია-

ლოური რევოლიუციის დასაწყისი, — იქნებ კი საშინელი რეაქციითაც გათავდეს და იმედი სოციალური ტრანსფორმაციისა კიდევ უფრო შორეული მომავლისათვის გადიდვას. სამივე ამ შემთხვევაში კანონმდებლობა უვარგისია, როგორც იარაღი სოციალური ტრანსფორმაციისა: პირველსა და უკანასკნელ შემთხვევაში ცხადია რითაც არის იგი უვარგისი, — მეორეში-კი, რომელიც უფრო ნაკლები მოსალოდნელია ზემოაღნიშნულ მიზეზთა გამო, იგი იწვევს რევოლიუციას სრულიად მოუმზადებელი ხალხისას, რომელიც გამარჯვების შემდეგაც ვერ მოიმკის ნამდვილ გამარჯვებას; ეხლა-კი, ამ მომავალი დამარცხებისათვის, და არა გამარჯვებისათვის, ეუბნება ხალხს კანონმდებლობა, — მე მომიცადე, მე მოგიწყობ საქმეს მომავლისათვის და მომავალში, დანებებ თავი რევოლიუციის მზადებასო! — ამიტომაც კანონმდებლობა აგრეთვე უვარგისია, როგორც ეხლა მიმძინებელი ხალხისა, მომავალში-კი შეიძლება დამარცხებული რევოლიუციის გამომწვეველი.

7) ავიღოთ ეხლა ბლანკისტებისა და სოციალისტ-რევოლიუციონერების*) საშუალება სოციალური ტრანსფორმაციისა — დიქტატურა პროლეტარიატისა, დიქტატურა პროლეტარული კანონმდებლობისა, რომელიც ძალ-დატანებითი რევოლიუციის შედეგი უნდა იყოს. ეს სოციალისტები ამზადებენ ხალხს (რასაკვირველია, — უფრო ჰგონიათ რომ ამზადებენ, ვიდრე ნამდვილად ამზადებენ) დიდი რევოლიუციისათვის, რომ საშინელი მტვრევის შემდეგ ყველა ძველ დაწესებულებათა ხელში ჩაიგდონ სახელმწიფო ძალა, დაამყარონ პროლეტარიატის დიქტატურა და შემდეგ კანონმდებლობით გარდაქმნან საზოგადოება. მათი აზრით მთელი მუშათა ორგანიზაციები, მთელი მათი ძალ-ღონე, მთელი მათი ენერჯია ამ დიქტატურის მოპოვებისაკენ უნდა იყოს მიმართული. მაგრამ ეს საშუალებაც ისეთივე უვარგისია და უტოპიური მისი შე-

*) ამ ტერმინს ჩვენ არა ვხმარობთ, როგორც რუსეთის ერთი განსაზღვრული პარტიის აღმნიშვნელს.

დეგების მხრივ, როგორც მშვიდობიანი კანონმდებლობა-პროლეტარიატის დიქტატურა პირდაპირი აზრით ყოველად შეუძლებელია, რადგანაც დიქტატურის მომხრენი სახელმწიფო-ისტები არიან, და მათი დიქტატორობა მთელი პროლეტარიატის თავისუფალი მოქმედება კი არ იქმნება, არამედ იგივე წარმომადგენლობითი მთავრობის დასმა საზოგადოების თავში, როგორც არსებობს ეხლა, იმ განსხვავებით, რომ უმეტესობა იქმნება ამ მთავრობაში სოციალისტები და პროლეტარიატის წარმომადგენლები. ჯეს კი საქმეს სრულიადაც არა სცვლის. აქ ისევ ის მოხდება, რაიც ჩვენ უკვე განვიხილეთ ზემოხსენებულ პუნქტებში: დიქტატურა მთავრობისა, ან, ადვილი შესაძლებელია, ერთი რომელიმე მძლავრი პიროვნებისაც, დიქტატურის მიერ გამოწვეული აუცილებელი ცენტრალიზაცია ახალი სახელმწიფო ძალისა, მუდმივი უკმაყოფილება ხალხისა ახალ მტარვალობისადმი, — რადგანაც ყოველად შეუძლებელია მთავრობამ დააკმაყოფილოს ხალხი, განსაკუთრებით რევოლიუციის დროს, — მიღებული აუცილებელი რეპრესიები მთავრობის მიერ ხალხის წინააღმდეგ, უკმაყოფილება უმრავლესობისა ან უმცირესობისა საზოგადოებაში და მათი აჯანყება, ინტრიგები, რომელიც აუცილებელია ყოველი დიქტატურის დროს, იგივე შეუძლებელი პრეტენზია მთავრობის მხრივ გადასწყვიტოს ყველა კითხვები რევოლიუციისაგან წამოყენებული, განსაკუთრებით კითხვა ექსპროპრიაციისა, და სხვ. და სხვ., — ყოველივე ეს საშინელი სიმძლავრით იჩენს თავს პროლეტარიატის დიქტატურის დროს, და მით უმეტესი სიმძლავრით, რაც უფრო ღრმაა რევოლიუცია. ასტყდება, როგორც ყველა რევოლიუციათა დროს, საშინელი ბრძოლა ხალხსა და ახალ მთავრობას შორის, ხალხი მეორე რევოლიუციას მოახდენს, თავისი საკუთარი მთავრობის წინააღმდეგ, და ვინ იცის, განვიმეორებთ კიდევ, — იქნებ ეს მეორე აქტი დიდი სოციალური რევოლიუციის დასაწყისიც იყოს, იქნება კიდევ

საშინელი რეაქციისა და ბურჟუაზიული ბატონობის დაბრუნებისა. მართალია, დაქტატურისათვის მოხდენილ რევოლუციისაში ხალხი ძველ საზოგადოებრივ განწყობილებათ ანგრევს, ახალ ძირითად „სოციალისტურ“ კანონთა შესაქმნელად, მაგრამ დიქტატურით, ახალი მთავრობისა და სახელმწიფოს შენებით, იგი ისევ უარჰყოფს თავის რევოლუციის, იგი ისევ აღადგენს დანგრეულსა და უბრუნდება თავის ინიციალ (პირველ დასაწყის) მდგომარეობას. ეს იყო მუდმივი შეცდომა წარსულ რევოლუციათა, ეს შეადგენს დედა-ძარღვს, — ეს შეცდომა, — ბლანკისტების ბრძოლის ფილოსოფიისა, რომელიც მარქსმა და თანამედროვე ეგრედ-წოდებულ რევოლუციონურ ს. დ.—ებმა მთლად გადმოიღეს უკრიტიკოდა და გადუსინჯავად ბლანკისაგან, და სწორედ ეს არის ეხლა დაგმობილი ყველა იმ მუშათა ორგანიზაციებისაგან, რომელთაც განსაზღვრული კომუნისტური იდეალი აქვსთ და ამ იდეალთან შეთანხმებული საშუალებანი ბრძოლისა. მათთვის სახელმწიფოს დანგრევა, ყველა საწარმოო საშუალებათა ექსპროპრიაცია და წარმოების მოწყობა მუშათა თავისუფალ ჯგუფთა მიერ, — აი ერთად ერთი საშუალება სოციალური ტრანსფორმაციისა, და არა ჯერ დიქტატურა და მერე მთავრობის მიერ მოწყობა მთელი საზოგადოების ცხოვრებისა კანონით, როგორც ამბობენ ბლანკისტ-მარქსისტები. ზემოხსენებულ მიზეზთა გამო ეს უკანასკნელი ისეთივე უშინაარსობა, შეფერხება, დაგვიანება და შეიძლება დაღუპვაც იქმნებოდა სოციალური რევოლუციისა, როგორც სხვა ზემოხსენებულნი ზომები.

8) ზემოხსენებულ პარტიათა საშუალებანი ბრძოლისა მათ იდეალსაც არ ეთანხმებიან. როგორც არ უნდა იყოს მათი კოლექტივიზმი, მაინც მათ იდეალში იგი განთავისუფლებაა კაცობრიობისა ეკონომიური ექსპლოატაციისაგან, იგი განთავისუფლებაა ადამიანის პიროვნებისა, იგი აუცილებელი

საფუძველია ადამიანის თავისუფალი განვითარების და მომავალი ძლიერი პროგრესისა;—იგია გარდასვლა, ენგელსის სიტყვით, აუცილებლობის სამფლობელოდამ თავისუფლების სამფლობელოში. ბებელის იდეალი, რომელიც მას აქვს დახატული თავის წიგნში „ქალი და სოციალიზმი“—დიდი იდეალია კაცობრიობისა;—ხანდახან ბებელი ისეთი გატაცებითა ჰხატავს ამ იდეალს, რომ სრულებით ავიწყდება, რომ იგი სოციალდემოკრატია, სახელმწიფოს მომხრე და კოლლექტივისტი. მაგრამ თუ სოციალური ტრანსფორმაცია ისე მოხდა (ჩვენის აზრით ეს შეუძლებელია), როგორც შემოხსენებული პარტიები ამას ესწრაფებიან,—მშვიდობიანი კანონმდებლობით, ან დიქტატურით,—თუ სახელმწიფო დღეს აუცილებელი ბერკეტია სოციალური რევოლუციისა და მომავალშიაც აუცილებელი ფორმა ახალი საზოგადოებრივი ცხოვრებისა, რცგორც ეს მათა ჰგონიათ,—მაშინ, ლოლიკურად რომ გავსინჯოთ ყველა შედეგები საქმის ამგვარი ვითარებისა,—მათ იდეალიც სრულიად ვერ განხორციელდება. თანამედროვე კაპიტალიზმი მხოლოდ ფორმას შეიცვლის: მშვიდობიანი ტრანსფორმაციის შემდეგ თანამედროვე კერძო კაპიტალისტთა ან შემამულოთა მაგივრად აღჩნდება კომმუნა, ქალაქი, ან სახელმწიფო, უფრო კი ეს უკანასკნელი, რომელიც იქმნება კაპიტალისტი, ექსპლუატატორი მუშისა. ამ უკანასკნელს მიეცემა, როგორც თვითონვე ამბობენ კოლლექტივისტები, ფულის მაგიერი ჩეკები, გამომხატველი მისი მწარმოებელი ძალისა და დროისა. იქმნება განსხვავება სხვა დას სხვა კატეგორიის მუშათა შორის ჯილდოს მხრივ, იქმნება ჯარი, პოლიცია და სამსახულო-საპყრობილეები ამგვარი ეკონომიური ორგანიზაციის დასაცველად, რადგანაც მითი არავინ არ დაკმაყოფილდება, აგრეთვე რადგანაც სახელმწიფოები ისევ დარჩებიან, და მაშასადამე განსაზღვრული ტერიტორია და საზღვრებიც. ან და იქნებ ერთი მსოფლიო ეკონომიური, ცენტრალისტური სახე-

ლმწიფოს დაარსება უნდათ კოლექტივისტებს?—ეს ხომ უარესი უტოპია და აბსურდი იქმნებოდა, ან, თუ შესაძლებელი იქმნებოდა, იმგვარი საშინელება, როგორც არ უნახავს კაცობრიობას მთელი თავისი ისტორიის განმავლობაში.—იგივე მოვლენა მოხდებოდა დიქტატურის შემდეგ დამყარებულ სოციალისტურ სახელმწიფოებშიაც. ერთი სიტყვით, მთელი თანამედროვე ეკონომიური და პოლიტიკური მონობა, ყველა თანამედროვე მონღრი დაწესებულებანი დარჩებიან ზემოხსენებულ საშუალებათა მიერ განხორციელებულ საზოგადოებაში, —და არა გვგონია, რომ მართლაც ეს დესპოტიზმი იყოს ყველა თანამედროვე სახელმწიფოისტ-სოციალისტურ პარტიათა იდეალი. თუმცა კაუცკი თავის „ერფურტის პროგრამაში“ და „სოციალური რევოლუციის მეორე დღეს“, გედი თავის „კოლექტივიზმში“, ვანდერველდი თავის ბევრ ნაწერებში, ბერტრანი, რომელიც მთელ კაცობრიობას „გაჩინოენიკებას“ ჰპირდება, დიდს ვერაფერს ჰპირდებიან მომავალ „განახლებულ კაცობრიობას“, მაგრამ იდეალი მარქსისა, ენგელსისა, ბებელისა და ბევრ სოციალისტთა სულ სხვაა, და არაერთარი საერთო არა აქვს მათ არც „რეკვიზიციასთან“, არც „მოთხოვნა-მიწოდების კანონთან“ და არც „ჩინოენიკობასთან“ მომავალ საზოგადოებაში. ზემოხსენებული საშუალებანი და მოქმედება თანამედროვე „პარტიათა“ სწორედ ამ უკანასკნელი ტიპის იდეალს განახორციელებს მხოლოდ, —და ამ მხრით კაუცკი, გედი და ბერტრანი უფრო ათანხმებენ საშუალებათა და იდეალს, —მაგრამ უმეტეს გულწრფელ სოციალისტთა იდეალი, რაც თუ გინდ მშვიდობიანი იყვნენ იგინი, —როგორც მაგალითად ჟორესი, —სულ სხვაა, —უფრო მაღალი და სპეტაკი, —და ამ იდეალს, რაც აუნდ უფრო დაბლა იდგეს იგი ჩვენ, „ანარხისტულ—უტოპისტურ“ იდეალზედ, მიანიც არ ეთანხმება მათი საშუალებანი ბრძოლისა, რომელნიც პირდაპირ, ლოლიკურად მიდიან უუსაშინელს

მონობისაკენ და დესპოტიზმისაკენ. ყოველისთვის თავისი აუცილებელი ლოლიკა აქვს.

ამგვარად, ჩვენის ფიქრით, ჩვენ ვეცადეთ დაგვემტკიცებინა, რომ მშვიდობიან და რევოლიუციონურ პარტიათა სურვილი სახელმწიფოს ხელში ძალის ჩაგდებასა და მერმე საზოგადოების გარდაქმნისა—სრული უტოპიაა, —იგი ვითომც ეთანხმება მათ განსაზღვრას სოციალური ტრანზორმაციისას, მათ იდეალს, —მაგრამ ნამდვილად კი თანხმობაც არა სჩანს თვით მათ განსაზღვრათა და მათ ბრძოლის საშუალებათა შორის, რადგანაც კანონმდებლობა ვერ გარდაქმნის საზოგადოებას, რადგანაც არჩევნებში ყოველად შეუძლებელია პროლეტარიატის გამარჯვება, რადგანაც საყოველთაო საარჩევნო უფლება ფიქციაა და სხვა არაფერი, რადგანაც თვით პრინციპი უმრავლეს-უმცირესობისა აბსურდია და სხვა არაფერი, და მასზედ დამყარებული საზოგადოებრივი ორგანიზაცია—რევოლიუციის იწვევს, რაიცა უარყოფაა სახელმწიფოსი და მშვიდობიანი მოქმედებისა, —ორი დამახასიათებელი მხარისა ზემოხსენებულ პარტიათა, —რადგანაც, კიდევაც რომ შესაძლებელი იყოს სოციალისტთა უმეტესობა პარლამენტში, ბურჟუაზია სახელმწიფოს ძალით განდევნის მას, ან კიდევაც რომ არ განდევნოს, ეს პარლამენტი უფლების მხრივ იმპოტენტი იქმნება, ვიცით რა რომ მხოლოდ „დამფუძნებელ კრებას“ შეუძლია ძირითად კანონთა შეცვლა, —ეს კი რევოლიუციის საქმეა, —ან და კიდევ ამგვარი პარლამენტი უნაყოფო და უშედეგო იქმნება, —რადგანაც, კიდევაც რომ ხელი არ შეუშალონ პარლამენტს, იგი უსათუოდ ან უშედეგო დარჩება აგზითვე, ან და რევოლიუციას გამოიწვევს, რაიცა, განვიმეორებთ, უარყოფაა სახელმწიფოსი და მშვიდობიანობისა; რადგანაც ბლანკისტებისა და რევ. ს. დ.—ების მიერ სახელმწიფო ძალის ხელში ჩაგდება რევოლიუციონური

გზით იმავე შედეგებს იძლევა, როგორც მშვიდობიან სოციალისტთა მოქმედება,—ან არარაობას და ან მეორე რევოლუციას;—რადგანაც თვით იდეალი ყველა ამ სოციალისტთა არ ეთანხმება სრულიად ბრძოლის იმ საშუალებათა, რომელთაც აუცილებლად ან არარაობა მოაქვს, ან შემდეგ რევოლუციას იწვევენ, რომლის შედეგი ან სულ სხვა საზოგადოებრივი ორგანიზაცია იქმნება, ვიდრე მათ მიერ იდეალად დასახული, ან და საშინელი დესპოტიზმი, რომელიც არ არის კოლექტივისტებისა და ავტორიტარული კომმუნისტების იდეალი. მაგრამ განა საქმე ის არის, რომ პარტიები არსებობენ, ამ პარტიებს აქვსთ განსაზღვრული იდეალი და მისი თანახმა საშუალებანი ბრძოლისა? მართალია, ყოველივე პარტიას, როგორც განსაზღვრულ იდეალითა და აზრთა მქონეს, განსაზღვრულ ბრძოლის საშუალებათა მატარებელს, შეაქვს თავისი წვლილი საერთო მოძრაობაში, იგი შედის, როგორც განსაზღვრული ჯგუფი მომქმედ პირობათა, განსაზღვრულ ოდნობად ხალხის მოქმედებაში, მაგრამ მათი ენერჯია, მათი მოქმედება, შედარებით საერთო ენერჯიასთან, რომელსაც მთელი ხალხი შეიცავს და რომლის მუშაობის შედეგიც არის ხოლმე მთელი სოციალური ტრანსფორმაცია, ისეთი მცირეა, რომ მათზე ლაპარაკი მხოლოდ იმდენად შეიძლება, რამდენადაც იგი აფერხებს ან წინა სწევს რომელიმე საზოგადოებრივ პროცესს, და არა როგორც ამ პროცესის გამქარწყლებელ ან სხვა მიმართულებაში გამომხატველ ფაქტორზედ.

ამიტომ მშვიდობიან პარტიათა ესა თუ ის განსაზღვრანი, და მათი ბრძოლის საშუალებანი უფრო ნაკლებად გვიანტერესებენ საერთოდ, ვიდრე თვით ხალხის იდეალი და მისი საშუალებანი ბრძოლისა, მით უმეტეს, რომ ზემოხსენებულ პარტიათა იდეალი და ბრძოლის საშუალებანი ერთმანეთსაც არ ეთანხმებიან, თუმცა პირველი შეხედვით ეს ნამდვილი ეგონება ადამიანს.

მას შემდეგ, რაც კერძო საკუთრებაზე დამყარებული ეკონომიური მონობა გაჩნდა და პოლიტიკურმა მონობამ განამტკიცა ეს ეკონომიური მონობა, ხალხის იდეალი მუდამ იყო ამ მონობიდან თავის დახწევა, — და რადგანაც ხასიათი ამ დაწესებულ მონობისა ძალდატანება იყო, — ხალხის ბრძოლის საშუალებაც ყოველთვის იყო ხოლმე ძალდატანებითი; — ძალდატანებითი რევოლიუციები ახასიათებენ მთელი კულტურული კაცობრიობის ისტორიას, — და თანამედროვე სოციალიზმი, მთელი ბუნებრივი მისწრაფება მისდამი თანამედროვე ხალხთა, მხოლოდ ერთი მომენტია ამ მუდმივი ბრძოლისა. ამით აიხსნება, რომ მშვიდობიან სოციალისტთა თეორიებსა და მოსაზრებებს არასოდეს არა ჰქონიათ ხალხში დიდი გავლენა, ხალხი მუდამ ძალმამრეობას მიმართავდა ხოლმე არსებულ დაწესებულებათა წინააღმდეგ, ამასთანავე მისი იდეალი ყოველთვის იყო სრული მოსპობა ეკონომიურ ბატონობისა და სახელმწიფოსი. ამ მხრით, განსაკუთრებით საფრანგეთში, მწარე გამოცდილების შემდეგ ბლანკიზმმაც მოსჭამა წუთი-სოფელი, და დღეს ნამდვილ მებრძოლ პროლეტარიატს, — საფრანგეთისა, ისპანიისა, იტალიისა, ჰოლანდიისა და ამერიკის პროლეტარიატს, — თვით იდეა პროლეტარიატის დიქტატურისა სრულიად არ მიაჩნიათ სოციალიზმის განსახორციელებელ საშუალებად და თავიანთ თავისუფაან რევოლიუციონურ მოქმედებებში მოვლიან ხსნას.

განვიფორებთ, მიუხედავად მშვიდობიან პარტიათა მშვიდობიანი ქადაგებისა, რევოლიუციონური ტენდენცია არსებობს ხალხში, იგი განისაზღვრება იმ დაწესებულებებით, რომელთა ხასიათიც ძალდატანებაა, და ეს ძალდატანებითი ხასიათი დასანგრევ დაწესებულებათა განსაზღვრავს ბრძოლის ძალდატანებითი ხასიათის აუცილებლობას. ამით აიხსნება ხალხის რევოლიუციონური ტენდენცია, რომელიც ძველი დროიდან მომდინარეობს და ეხლაც აუცილებელი ხდება ხალხისა-

თვის. ამისთვის ემზადება იგი, აწყობს თავის ორგანიზაციებს, სარგებლობს სამხედრო ტექნიკით, რომ „საბოლოო ბრძოლა“ გამოუცხადოს ბურჟუაზიასა და სახელმწიფოს.

წარსულ რევოლიუციებს, დიდ რევოლიუციებს სწორედ ეს ორი რამ ახასიათებდა განსაკუთრებით, — კერძო საკუთრებისა და სახელმწიფოს უარ-ყოფა და ძალ-დატანებითი ბრძოლა არსებულ დაწესებულებათა წინააღმდეგ, — კომმუნისმისა და ანარქიისადმი მისწრაფება, და იარაღით ხელში მოსპობა მონურ დაწესებულებათა. აი ამ ორ ფაქტზედ ვამყარებ ჩვენ ჩვენს იდეალსა და ბრძოლის საშუალებასაც, — იგინი ხალხური არიან, და მით უკეთესი ჩვენ იდეათა გავრცელებისა და მითი ხალხის სულის აღფრთოვანებისათვის!

გარდა ამისა, თვით თანამედროვე საზოგადოება რომ ავიღოთ და ამ არსებულ საზოგადოებრივ განწყობილებათა ფარგალში რომ განვიხილოთ მუშათა კლასთა მოქმედება, მაშინაც ვერ დავეთანხმებით მშვიდობიან სოციალისტებს, ვითომც კანონმდებლობას რაიმე ძალა ჰქონდეს. თვით რეფორმების განხორციელება შეუძლებელი ხდება მშვიდობიანად მთელი მეცხრამეტე საუკუნის განმავლობაში. ინგლისის მუშათა კანონმდებლობის ისტორია ვინც იცის, — მისთვის ეს ცხადია. მთელი ნახევარი საუკუნის ომი დასჭირდათ ინგლისის მუშებს, სანამ უუმცირეს რეფორმებს მოიპოვედნენ. ვებბის ისტორია ტრედ-იუნიონისმისა და მისივე ისტორია მსათის სამუშაო დღისა ნათლად მოგვითხრობენ მომს ინგლისის მუშათა კლასისას. საფრანგეთის მუშათა კლასის ისტორიის ცოტად თუ ბევრად მცოდნეც აგრეთვე მალე დარწმუნდება ამ ქეშმარიტებაში. განსაკუთრებით მას შეეძლება, რაც საერო კრებამ გაიყვანა 1791 წელს შაპელიეს კანონი მუშათა კავშირების წინააღმდეგ, 1884 წლამდის, როდესაც დაკანონდა თითქმის მთელი საუკუნის ომი უუმცირეს რეფორმათა მოსაპოვებლად, — გაფიცვებით აჯანყებით, იარაღით

ხელში, — პარლამენტი მხოლოდ აღსრულებულ ფაქტს აკანონებდა. აიღეთ მაგალითად მშვიდობიანი სოციალისტის პოლ ლუის წიგნი — „მუშა სახელმწიფოს წინაშე“ — *L'Ouvrier devant l'Etat*, — სადაც იგი შედარებით მუშათა კანონმდებლობას იკვლევს, და დაინახავთ, თუ რა უბედურება გამოუვლია განსაკუთრებით საფრანგეთის მუშათა კლასს უბრალო რეფორმათა მოსაპოვებლად. სხვა ქვეყნებში კიდევ უარესი იყო. ისპანიაში და იტალიაში, სადაც მონობა უარესად იყო ფეხსგადგმული, ვიდრე ინგლისში და საფრანგეთში, მუშებს რეფორმათა მოსაპოვებლად მთელი წყებანი დასჭირდათ აჯანყებათა. ამისათვის ბურჟუაზია და სახელმწიფომ კიდევ უარესი სისასტიკე გამოიჩინეს რეფორმათა მოსურნე მუშათა წინააღმდეგ. რუსეთის ბარბაროსობის ამბავი ყველამ ვიცით. აქ არც „დაკანონება“ რეფორმათა, აქ ბრძოლით ნაშოგნი მუდამ თოფით უნდა დაიკვა, რომ იმავე მინუტში უკანვე არ წაგართვან. ასე რომ მშვიდობიან რეფორმებზედ ლაპარაკი, ჟუმცირესიც რომ იყვნენ ეს რეფორმები, ისეთივე ისტორიული შეცდომაა, როგორც მშვიდობიანი რევოლუციის რაც შეეხება პოლიტიკურ რეფორმებს, ამაზე ყველა ისტორიის ზერელად მცოდნეც დაგვეთანხმება, რომ პოლიტიკურ რეფორმათა მოპოვება გაცილებით უფრო ძნელია, ვიდრე ეკონომიურ რეფორმათა. ის რეფორმები კი, რომელნიც გამოვიდნენ ხალხის მიერ რევოლუციის დროს არჩეულთა კანონმდებლობიდან, არასოდეს არა ყოფილან ხალხს დამაკმაყოფილებელი, და უმეტესი ნაწილი არც ხანგრძლივი: — შემდეგ გამაგრებული სახელმწიფო სპობდა ხოლმე საუკეთესო რეფორმებს. მოიგონეთ დიდი რევოლუციის კანონმდებლობა და 48 წელი; — ასე რომ, „რეფორმიზმის“ მხრივაც, არც დიქტატურა და საყოველთაო არჩევნები, არც გამარჯვებული რევოლუციიდან გამოსული არჩევნები აკმაყოფილებდა ხალხს, და მით უმეტეს იგი ვერ მოახდენს ურდრმეს რეფორმას, —

ძირითად შეცვლას თანამედროვე საზოგადოებრივ განწყობილებათა შინაარსისა.

ხალხის აუცილებელ ტენდენციას, მის რევოლიუციონურ ინსტინქტებს ვაქცევთ ანარხისტები უმთავრეს ყურადღებას. ჩვენ ვიცით, რომ სახელმწიფო და ბურჟუაზია თავისი დღეში არაფერს არ დაუთმობენ ხალხს, იგინი თვისი ძალდამტანებელი დაწესებულებებით მუდამ ებრძვიან მის იდეალსაც და რეფორმის მოთხოვნილებათაც,—და ამიტომა ვართ ჩვენ მტერი ყოველივე მშვიდობიანობისა, როგორც ნამდვილი უტოპიისა,—ხალხის დამმონებელ უტოპიისა. ხალხის იდეალი კი, როგორც ჩვენი, სრული მოსპობა ბურჟუაზიისა და სახელმწიფოისა. მათი მოსპობა მხოლოდ ძალდატანებითი რევოლიუციით შეიძლება. ამ რევოლიუციისაკენ აუცილებლად მიისწრაფის დღეს ხალხი, იძენს რა კერძო რეფორმებს თვისი ბრძოლის წინსვლაში. ამ ბრძოლის ხელის შემწყობი ვართ ჩვენ,—ღიადი ბრძოლის, სოციალური რევოლიუციის მომამზადებელი, რადგანაც სოციალური რევოლიუცია უღრმესი და მთელი თანამედროვე წეს-წყობილების განმანადგურებელი უნდა იყოს, რომ ახლის შექმნა იქმნას შესაძლებელი; მან არ უნდა განიმეოროს წარსულ რევოლიუციათა შეცდომანი, რომ ისევე უნაყოფო არ დარჩეს ხალხის ღიადი ბრძოლა, და განხორციელდეს მისი ღიადი იდეალი,—კომმუნისმი და ანარხია. ამიტომ ჩვენ გვგონია, რომ ეხლავე საჭიროა შემუშავება ღიადი იდეალის განმახორციელებელი ღიადი საშუალებისა, — რომ ზარმა სოციალური რევოლიუციისამ რაც შეიძლება მალე დაჰკრას, და ხალხიც ამ ზარის ზრიალს ახალი იდეით, სრული მომზადებული შეხვდეს, სრულიად შეგნებული ახალ საზოგადოებრივ განწყობილებათა შექმნისათვის, რომელიც უნდა იყოს ნაყოფი სოციალური რევოლიუციისა.

ეხლა ამ უკანასკნელზედ ვილაპარაკოთ.

სოციალური რევოლუცია არ არის მარტო ჩვენი სურვილის თანახმა მოვლენა, რომელიც მომავალში უნდა შეიქმნას აუცილებელი წინ მსრბოლი პირობა კაცობრიობის განახლებისა. სოციალური რევოლუცია—აუცილებელი შეიქმნა, და ამ აუცილებლობას გრძნობენ დღეს როგორც მშრომელი კლასები და ბურჟუაზია, ისე სახელმწიფო ყველბ თავისი დაწესებულებებით, —აგრეთვე მრავალფეროვანი გამოხატულებანი საზოგადოებრივობისა.

თვით ხალხის სიღრმიდამ იკრიბება დღეს დიდძალი ენერგია სოციალური რევოლუციის მოსახდენად, და სახელმწიფოსა და ბურჟუაზიის ენერგიაც შესაფერად ემზადება და ნაწილდება სხვა და სხვა დაწესებულებებზედ, რომ ჯეროვანად შეხვდეს მომავალ განმანადგურებელ ქარიშხალს.

დღეს კაცობრიობას აუარბებელი საწარმოო ენერგია აქვს დატრიალებული, აუარბებელ საგანს აწარმოებს ეს ენერგია, აუარბებელი დახარჯული ენერგიის წყაროს შეადგენს ეს ნაწარმოები, და ამ წყაროთა ჯეროვანი განაწილება იხდივიდთა შორის სრულ ჰარმონიას შეჰქმნიდა ადამიანსა და ბუნებას შორის. ადამიანის დახარჯული ენერგია წარმოების პროცესში რომ ივსებოდეს ნაწარმოები ენერგიის წყაროდამ წარმოების პროცესისს გარეშე, —რომ შემდეგ ისევ დაიწყოს ციკლი ადამიანის ენერგიის ტრანსფორმაციისა, მის ბუნების ენერგიასთან განწყობილებისა, —მაშინ იქმნებოდა სრული რაციონალური განწყობილება ადამიანის ენერგიისა ბუნების ენერგიასთან, მაშინ იქმნებოდა დაკმაყოფილებული ადამიანის **მოთხოვნილება** ინტეგრალურად, როგორც ამას ამბობს თანამედროვე სოციალიზმი. დღეს კი მთელი საწარმოო საზოგადოებრივი ენერგია შემდეგნაირად არის განაწილებული: უუდიდესი ნაწილი ეკუთვნის მათ, ვინც ვერ ატრიალებს ამ ენერგიას, ვინც არ ხარ-

ჯავს ამ ენერჯის მოქმედებაში მოსაყვანად თავის საკუთარ, პიროვნულ ენერჯის. მართო შეკრება ამ საწარმოო საზოგადოებრივ ენერჯისა არ არის საკმარისი საზოგადოებრივი წარმოების პროცესისათვის, — აუცილებელია აგრეთვე მიზნიანი ხარჯვა ადამიანის ენერჯისა, რომ ეს აუარებელი საწარმოო ენერჯია მოძრაობაში მოიყვანო და ამუშაეო. მიზანი ამ ენერჯის ტრიალისა კი გამოიხატება იმგვარ წყაროს შექმნაში, — ნაწარმოების შექმნაში, — რომლითაც კმაყოფილდება პირობები ადამიანის მიერ დახარჯული ენერჯის შევსებისა, ანუ პირდაპირ იესება დახარჯული ენერჯია. არა მწარმოებელს კი არა თუ შეგროვილი საწარმოო ენერჯია აქვს მითვისებული, არამედ თავისუფლება ამ ენერჯის დამტრიალებელისა, — მწარმოებელისა, — რომელსაც არა რჩება ნაწარმოებიდან უუმცირესი ნაწილიც კი თავისი ენერჯის შესავსებად; — მას მითვისებული აქვს თითქმის მთელი ნაწარმოები, — მთელი პირობანი, მთელი წყარო დახარჯული ენერჯის შესავსებად. აქ არის ძირი თანამედროვე საზოგადოების უკუღმართობისა და მისი აუცილებელი დანგრევის მიზეზიც. ეს არა-მწარმოებელი კლასები საზოგადოებისა ამგვარად მხოლოდ ენერჯის მზა წყაროს მხარჯავები არიან და ერთ ნატამალსაც არა ჰმატებენ საზოგადო სუჰმას საზოგადოებრივი ენერჯისას, მწარმოებელი კი გაცილებით მეტ პირად ენერჯიასა ჰხარჯავს, ვიდრე იძენს საზოგადოებიდანა და ბუნებრივად, იგი ჰმატებს საზოგადოებრივ ენერჯიას ყოველი წარმოების პროცესის დროს, თვით კი ვერ იწყავს დახარჯულ ინდივიდუალურ ენერჯიას, — და ამიტომ ჩნდება საშინელი მეტ-ნაკლებობა დახარჯულსა და შენაძენ ენერჯიათა შორის მწარმოებელთათვის, ე. ი. საზოგადოების უმეტესი ნაწილისათვის, — მეტ-ნაკლებობა, რომელმაც პირდაპირ დააყენა დილემა: ან სრული დეგრადაცია და მოსპობა მთელი საზოგადოებისა, ან მოსპობა იმგვარი საზოგადოებისა, სადაც ასე ირრაციონალურად არის განაწილებული ენერჯია ინდივიდთა შორის, და იმგვარის შე-

ქმნა, სადაც ინდივიდისა და ბუნების ენერჯიანი საზოგადოებრივი კოორდინაციის შემწეობით რაციონალურ და პარამონიულ ურთი-ერთ განწყობილებაში უნდა იყვნენ.

შექმნა იმგვარი სოციალური წრისა, სადაც ინდივიდი სრულიად, ინტეგრალურად იკმაყოფილებდეს ყველა თავის მოთხოვნილებას, — სოციალურ განვითარების განსაზღვრულ საფეხურზედ, — სადაც ენერჯიის ხარჯვა და შევსება სრულიად რაციონალურად ხდებოდეს, სადაც ყოველ ინდივიდს ჰქონდეს საკმარისი რაოდენობა სოციალური ენერჯიისა ბუნების ენერჯიასთან განწყობილებაში, — აი მუდმივი ტენდენცია კაცობრიობისა, და თანამედროვე სოციალური განვითარების საფეხურზედ ეს ტენდენცია უფრო ნათლად და მკაფიოდ იხატება მწარმოებელთა ცხოვრების ჰორიზონტზედ, მისკენ მისწრაფის დღეს ყველა მწარმოებელი კლასები; — მათ შეიგნეს რომ შეუძლებელია თანამედროვე საზოგადოების არსებობა; ეს შეგნება მრავალ მიზეზთაგან არის გამოწყვეული; ყველაზედ უფრო ღრმა მიზეზი ის არის; რომ მეტ-ნაკლებობამ დახარჯულსა და შევსებულ ენერჯიათა შორის მაქსიმუმამდის მიაღწია და ამგვარი მდგომარეობა ჰკლავს თვით საზოგადოებას. და რადგანაც ადამიანი ამ განადგურებისაკენ ვერ წავა; როგორც განსაზღვრული ცხოველის სახე — იგი აუცილებლად სცვლის ფორმას საზოგადოებისას, რომ უმაღლესი მისი ფორმა შექმნას ინდივიდთა სრულყოფილის განსაკრძობად. საზოგადოების მოძრაობა ამ მხრით ნაკლები დაბრკოლებისაკენ არის; სოციალური ტრანსფორმაცია აუცილებელი ხდება, როგორც ამ ნაკლები დაბრკოლებისაკენ მოძრაობის შედეგი, და თვით ხასიათი ამ ტრანსფორმაციისა განისაზღვრება აგრეთვე აუცილებლად იმ განსაზღვრული პირობებით, რომელშიდაც იმყოფება თანამედროვე საზოგადოება.

სოციალური რევოლიუცია აუცილებლად კომმუნისტური უნდა იყოს, როგორც განსაზღვრული იდეალისაკენ მისწრაფება კაცობრიობისა. მთელი ისტორიის განმავლობაში მომ-

ხდარი დიდი რევოლიუციები კომმუნისტური ხასიათისა იყვნენ, და ამ გავლენას თავისი ღრმა მიზეზი აქვს: იმ საზოგადოებაში, რომელიც თანამედროვე საზოგადოების მსგავსად დაყოფილია ორ დიდ ნაწილად: ენერჯის მხარჯავადა და ენერჯის წყაროს მხოლოდ შემსმელად, მხოლოდ დამქსასველად, — რევოლიუცია აუცილებელია, და ეს რევოლიუცია აუცილებლად კომმუნისტურ ხასიათს იღებს ხოლმე, რადგანაც კომმუნისმიერთად ერთი ტიპია საზოგადოებრივობისა, სადაც სოციალური ენერჯია რაციონალურად არის განაწილებული ინდივიდთა შორის, და სადაც დახარჯული ინდივიდუალური ენერჯია უფრო რაციონალურად ივსება სოციალური ენერჯის წყაროდან. კომმუნისმი ის ფორმაა საზოგადოებრივობისა, რომელიც ყველაზედ უფრო ეთანხმება სახეთა შენახვის კანონს. ამიტომაც ისტორიაში მრავალჯერ ვხედავთ კომმუნისტურ მოძრაობას, კომმუნისტურ რევოლიუციებს, რომელთაგანაც ზოგიერთნი ხშირად დამთავრებულან დამარცხებითა, და მაშასადამე მთელ საუკუნეთა განმავლობაში საზოგადოების ხელახალი ტანჯვითა და განადგურებით, — ხშირად კი გამარჯვებით დაგვირგვინებულან ხოლმე ეს რევოლიუციანი და ეს ყოფილა ხოლმე დასაწყისი სრულიად ახალი ხანისა კაცობრიობის ისტორიაში.

მომავალი სოციალური რევოლიუცია კი უფრო დიადი, მრავალფეროვანი-შედგენიანი კომმუნისტური მოძრაობა უნდა იყოს. თანამედროვე წარმოებას რომ დაუკვირდეთ, — ისეთ დიად სურათს წარმოადგენს იგი, რომ ადამიანს მართლაც ამპარტუნობა აღებეჭდება ხოლმე შუბლზედ ერთი მისი გათვალისწინებით. ჯკანასკნელ რევოლიუციათა შემდეგ ევროპისა და ამერიკის საზოგიდოებამ ისეთი ძლიერი ნაბიჯი წარსდგა წინ, ყოველ დარგში, — სამრეწველოში, სამიწადმოქმედოში, სამეცნიეროში, ასე გასინჯეთ პოლიტიკურშიდაც, რომ დასაბამიდა მე-XIX საუკუნემდე მსგავსი არა მომხდარა

რა. ადამიანის გონებრივმა ენერგიამ ისეთი რაოდენობა დაატრიალა ბუნების ენერჯისა, ისეთი საწარმოო ძალები შექმნა, რომ მათი მოქმედება, მათი მუშაობა გიგანტიური, უმრავალ-ფეროვანესი შეიქმნა. ამ გიგანტიური მთლის ნაწილნი ისეთნაირად არიან ერთმანეთთან შეკავშირებულნი, რომ შეუძლებელია ერთს რომელიმე დიდ ნაწილს ახლო ხელი, რომ იმავე დროს. მეორეს, მესამეს, მეოთხეს არ მოხვდეს პირველის რყევა, რომ ამით მთელი სისტემა არ შეინძრეს ძირიანად. ეს განუზომელი ენერჯია დღეს ენერჯის არა მხარჯველთა პრივილეგია-საკუთრებაა, და ის ნაწილი საზოგადოებისა, რომელიც ერთად-ერთი შემაერთებელია ადამიანის ენერჯისა მთელ მოსოფლიო ენერჯისთან, — შემქმნელი მთელი თანამედროვე სოციალური ენერჯისა, — აუცილებლად მიდის ამ საყოველთაო სოციალური ენერჯის ინდვიდთა შორის. რაციონალური განაწილების პირობათა შექმნისაკენ.

ამის თანახმად მთელი მე-XIX საუკუნის განმავლობაში ისეთი ფართო მდინარენი, ისეთი სიძლიერით მქუხარე ნაკადულები კომმუნისტურ იდეათა მოედვნენ მთელ ევროპისა და ამერიკის მწარმოებელთ, რომ დაახლოვებით დღეს არსებობს ის იდეითური-ხალხური ზღვა, რომელმაც უნდა წალეკოს თანამედროვე საზოგადოება, და ინდივიდმა სოციალური ენერჯის რაციონალური განაწილების წრე უნდა აღმოაჩინოს. დღეს ყველა ეს არსებობს, — ეს უტყუარი ფაქტია, და მთელი საზოგადოება გრძნობს, რომ უბრალო რეფორმებითა და კანონმდებლობის ფორმის შეცვლით არ დამთავრდება მთელი ეს დიდი ტენდენცია, სრული შეცვლა სოციალური ენერჯის ინდივიდთა შორის რაციონალური განაწილების წესისა.

სახელმწიფო მთელი თავისი დაწესებულებებით, ისტორიულად წარმოშობილი თანამედროვე მონობასთან ერთად და მისი განმამტკიცებელი, პირდაპირი მტერია კომმუნისმისა. და შემოხსენებული მიმდინარეობისა თანამედროვე მწარმოებელთა

შორის. სახელმწიფო წარმოადგენს უპირველეს ყოვლისა ენერჯის საშინელი რაოდენობის კონცენტრაციას. ეს ენერგია თვითმომყრილია მის დაწესებულებებში. მიზანი ამ ენერჯის შეგროვებისა ორნაირია: ერთი: განმტკიცება მთელი სოციალური ენერჯისა არა მწარმოებელთა პრივილეგიად. მეორე: ხმარება ტლანქი ენერჯისა მათ წინააღმდეგ, ვისაც სოციალური ენერგია სურსთ გამოჰყონ სახელმწიფოსაგან და კაპიტალიზმისაგან და განასაზოგადოებრივონ იგი, — გაანაწილონ იგი რაციონალურად ინდივიდთა შორის.

შეტაკება ამ სახელმწიფო ენერჯისა მწარმოებელთა რევოლიუციონურ ენერჯიასთან სოციალური რევოლიუციის დროს საშინელი და ხანგრძლივი იქმნება, აგრეთვე გარდამწყვეტი მომავალი საზოგადოებრივი ფორმისა.

აი, — ეს სამი მოვლენა: განდიდება წარმოებისა, მის ნაწილთა რთული ურთი-ერთზედ გადახლართვა და აუცილებლობა ამ აუარებელი სოციალური ენერჯის აუარებელ მწარმოებელთა შორის განაწილებისა, მთელი ზღვა კომუნისტურ იდეათა, რომელშიაც დღეს სკურავს მთელი მწარმოებელთა კლასისი, აუცილებლობა სახელმწიფოს ენერჯის გაბნევისა, რომელიც ხელს უშლის სოციალურ ტრანსფორმაციას, — ეს სამი მოვლენა შედის როგორც დადებითი და უკუთქმითი პირობანი იმ დიად მოქმედების პროცესში, რომელსაც წარმოადგენს მომავალი სოციალური რევოლიუცია.

ამ პირობათა ხასიათით განისაზღვრება ხასიათი სოციალური რევოლიუციისა.

სოციალური ენერჯის ინდივიდთა შორის რაციონალური განაწილება მხოლოდ მაშინ შეიძლება რომ მოხდეს, როდესაც უკვე არსებული ენერგია გადავა მწარმოებელთა ხელში. ამ პროცესს ჰქვია ექსპროპრიაცია საწარმოო საშუალებათა. ეს ექსპროპრიაცია ისე მარტივად და უბრალოდ არ უნდა წარმოიდგინოს კაცმა, როგორც ეს ბევრსა ჰგონია, — უბრალოდ

გამოგლეჯა საწარმოო საშუალებათა ბურჟუაზიის ხელიდან და მისი განსაზოგადოებრივება, — როგორც ამბობენ სოციალისტები. ხელიდან გამოგლეჯა საწარმოო საშუალებათა, განსაზოგადოებრივება, — მაგრამ როგორ? აი რა არის საკითხავი. აქ განვსხვავდებით ჩვენ, ანარხისტები, იმ სოციალისტურ პარტიათაგან, რომელთაც აგრეთვე სწამსთ სოციალური რევოლუცია და საწარმოო საშუალებათა ექსპროპრიაცია, მაგრამ სრულიად სხვაფერად და სხვა წესით. ჩვენის ფიქრით, შეუძლიე-ბელია ამ ექსპროპრიაციამ ნამდვილი პირობა დაამყაროს ინდივიდთა შორის ენერჯის რაციონალური განაწილებისა, თუ სახელმწიფო ფორმა დარჩა საზოგადოებისა, სახელმწიფო ფორმა საზოგადოებისა აუცილებლად იგულისხმებს ათასნაირ დეწესებულებათ, რომელნიც შესდგებიან ენერჯის არა მხარჯველ ელემენტებისაგან წარმოების პროცესში, მაშასადამე რაციონალური განაწილება ენერჯიასა ინდივიდთა შორის შეუძლიე-ბელია, რადგანაც ენერჯის არა მხარჯავი მუქთად უნდა დაეწაფოს სოციალური ენერჯის წყაროს. ყოველივე სახელმწიფო ორგანიზაცია შეიცავს ზემოხსენებულ ელემენტთა აუარებელ რიცხვს, და მაშასადამე ექსპროპრიაციაც თავის მიზანს ასცდება და შემდეგში ისევ ახალი სოციალური რევოლუცია იქმნება საჭირო. მაგალითად კოლექტივისტური სახელმწიფო თანამედროვე ს.-ლისა ანუ ავტორიტარულ-კომმუნისტიური სახელმწიფო ძველი გერმანელი კომმუნისტებისა, — მათ შორის მარქსისა, — ტიპებია იმ საზოგადოებრივი ფორმისა, სადაც ექსპროპრიაცია ვერ დაამკვიდრებს. პირობას ინდივიდთა შორის ენერჯის რაციონალურად განაწილებისა. თანამედროვე წარმოების სიდიდე და სირთულე რომ მივიღოთ მხედველობაში, სახელმწიფო წარმოებითი ორგანიზაცია ისეთი რთული და ბიუროკრატიული რამ იქმნება, რომ რაოდენობა სახელმწიფოს მანქანის ნაწილთა ბევრით აღემატება თანამედროვე სახელმწიფოს მანქანის ნაწილ-

თა რაოდენობასაც, და ყველამ იცის, თუ როგორი გავლენა აქვს ამ უკანასკნელს თანამედროვე საზოგადოებაში ენერჯის არა-რაციონალურ განაწილებაზედ ინდივიდთა შორის. წინააღმდეგ, მომავალმა სოციალურმა რევოლიუციამ არა-მწარმოებელი ელემენტი მინიმუმამდე უნდა დაიყვანოს, და ექსპროპრიაციაც ამის თანახმად უნდა მოხდეს. თვითოეულმა ქალაქმა, სოფელმა, ქარხანამ და სახელოსნომ უნდა მოახდინოს ექსპროპრიაცია და თანაც შრომის ორგანიზაციით უნდა განაპტიკოს ეს ექსპროპრიაცია, რომ რთული სახელმწიფო. მანქანა აღარ იყოს საჭირო თავისი ათასნაირი დაწესებულებებით, რომელიც შეუძლებელ ჰყოფს არა-მწარმოებელ კლასსთა მოსობას, მაშასადამე ენერჯის რაციონალურ განაწილებას ინდივიდთა შორის. ამასთანავე პრინციპი: თვითეულისაგან მისი ძალ-ღონის მიხედვითა და თვითოეულს მის მოთხოვნილებათა მიხედვით, — ეს პრინციპი ენერჯის ეკონომიისა, ანუ, რაიცა იგივეა, ენერჯის ხარჯვისა და წყაროს მართლაც და რაციონალური განაწილებისა, — კომმუნიზმი, — ნამდვილი საფუძველი უნდა იყოს მომავალი საზოგადოების წარმოებისა და ნაწარმოებთა მოხზარების წესისა. ამას თავისი ღრმა მიზეზი აქვს: ინდივიდთა ფიზიკური და გონებრივი მეტ-ნაკლებობა ყოველთვის იყო და იქმნება. ეს აუცილებელი რამ არის, ეს ფაქტია; სრულიად თვალ-საჩინო. სრულიად ერთი და იგივე ინდივიდი არც ყოფილა და არც იქმნება არც ერთ სოციალურ პირობებში. იდენტიური ინდივიდები შეუძლებელი რამ არის, ეს ცნება პირდაპირ უარმყოფელრა თვით ცნება „ინდივიდისა“, და ეს უკანასკნელი რომ არსებობს, ამის უარ-ყოფა აბსურდი და შეუძლებელია. მაშასადამე ყოველი ინდივიდი წარმოადგენს ენერჯის განსაზღვრულ რაოდენობას, და ეს რაოდენობა მეტია ან ნაკლები იმ ენერჯის რაოდენობაზედ, რომელსაც სხვა ინდივიდები წარმოადგენენ. ამისდა მიხედვით საწარმოო ენერჯის ხარჯვა ინდივიდ-

თა მიერ სხვადასხვა რაოდენობისაა, მაშინ როდესაც შესავსებ-
ბი ენერჯის რაოდენობა, რომელიც აგრეთვე სხვადასხვა ხა-
რისხისაა სხვადასხვა ინდივიდთა შორის, შეიძლება სრულია-
დაც არ ესაბამებოდეს დახარჯული ენერჯის რაოდენობას.
დახარჯული ენერჯია წარმოებისათვის პირდაპირი პროპორ-
ციონალური არ არის შესავსებ ენერჯიასთან, — ეს არ უნდა
დაავიწყდესთ კოლექტივისტებს, რომელთა პრინციპიც არის:
თვითოეულისაგან მისი ძალ-ღონის მიხედვით, თვითოეულს მი-
სი შრომის მიხედვითო. ადვილი შესაძლებელია წარმოებაში
ძლიერ ცოტა ენერჯის ხარჯვა შეეძლოს ინდივიდს, შესავ-
სები ენერჯის რაოდენობა კი ძლიერ დიდი იყოს, — ადვი-
ლი შესაძლებელია წინააღმდეგი. ასე რომ, აბსოლიუტურ კა-
ნონად რომ დავსდვათ მომავალი ექსპროპრიაციისა და შრო-
მის ორგანიზაციის შემდეგ: თვითოეულს თავისი შრომის თა-
ნახმადო, — გარდა იმისა რომ სახელმწიფო დაგვიკირდებოდა და
ამითი მოვსაზრებით პირობას რაციონალურად ენერჯის განა-
წილებისას ინდივიდთა შორის, ამით თვით ძირიანად მოვსაზრ-
დით ამ პირობის განხორციელებას, რადგანაც მაშინ უნდა ჭე-
შმარიტად აღგვეარებინა ის ყალბი ფაქტი, ვითომც საწარმო-
ოდ დახარჯული ენერჯია პროპორციონალურია შესავსებ ენერ-
ჯის რაოდენობისა. ყველა ეს კი სწორედ ეწინააღმდეგება იმ
ტენდენციას, რომელიც აქვს თვით უმაღლეს საზოგადოებრივო-
ბას, რომელიც ინდივიდთა ენერჯიების კოორდინაციაა და სა-
ურთიერთო ენერჯიით ყველა მოთხოვნილებათა დაკმაყოფი-
ლება, მინიმუმი ინდივიდუალური ენერჯის ხარჯვისა, და მა-
ქსიმუმი მისი შევსებისა. კომმუნისმი, ე. ი. წარმოება შეძლე-
ბისა დაგვარად და სარგებლობა ნაწარმოებითა მოთხოვნილე-
ბათა დაგვარად, სრულიად ეთანხმება თვით შინაარსს უმაღლე-
სი საზოგადოებრივობისას, და ამიტომაც მომავალი ექსპრო-
პრიაციის შემდეგ ამ საფუძველზედ უნდა დამყარდეს შრომის
ორგანიზაცია, ინდივიდის ყოველმხრივი განვითარებისათვის.

უკვე თანამედროვე საზოგადოებაში ჩასახულია ის შთანაჩენი, რომელიც ზემოხსენებულ პრინციპზედ ააგებს მომავალ საზოგადოებას. თანამედროვე მუშათა კლასის დღეს ნელ-ნელა კავშირდება და არდგენს იმ ძალას, რომელიც სრულიად გარეშე სდგას ბურჟუაზიისა და სახელმწიფოს დაწესებულებათა. საფრანგეთისა, ისპანიისა, იტალიისა, ამერიკისა და სხვა ქვეყანათა სინდიკალიზმი დღეს პირდაპირ წარმოადგენს თავისი გარკვეული ორგანიზაციითა და იდეალით ერთ დიდ ძალას, რომელიც შეასრულებს მომავალი ექსპროპრიაციისა და შრომის ორგანიზაციის როლს კომუნისმის საფუძველზედ. ეს თავისუფალი და მჭიდროდ შეკავშირებული ორგანიზაციები სცდილობენ *გაითვალისწინონ მთელი თანამედროვე სიდიადე და სირთულე წარმოებისა, ამ ორგანიზაციებს გლახებშიც მრავლის-უმრავლესი ემხრობა, ბოლოს და ბოლოს მთელი კლასის მწარმოებელთა წარმოადგენს თითქმის ყველა დარგთა მწარმოებლების ერთ კავშირს, და ამ უკანასკნელს, რომელმაც იცის, და მხოლოდ მას შეუძლია იცოდეს ყოველი წვრილმანი წარმოებისა, მხოლოდ შესწევს ძალ-ღონე წარმოების მოწყობისა. ეს უნდა იყოს მისი როლი, მისი დიადი როლი ექსპროპრიაციის შემდეგ. წარმოების მოწყობა ზევიდან ქვევით, როგორც ეს მიაჩნათ შესაძლებლად ბევრ პოლიტიკურ პარტიათ, სახელმწიფოს მომხრეთ, არც არასოდეს მომხდარა და მით უმეტეს მომავალშია შეუძლებელი. მთელი თანამედროვე წარმოების მოგვარება, ყველა მის დარგთა რაციონალური კომბინაცია, შრომის განაწილება ისე, რომ ინდივიდი თავისუფლად იღებდეს მონაწილეობას წარმოების პროცესში, სრული დაკმაყოფილება ინდივიდთა წარმოების პროცესისი გარეშე არ შეუძლია არავითარ მთავრობას, არავითარ სპეციალისტთაგან შემდგარ სახელმწიფო მოხელეებსაც. კაუტცის ეს ნათლად აქვს წარმოდგენილი, და ამიტომაც ამბობს—მომავალი სახელმწიფოც ვერ განთავისუფლდება ბიუროკრატიისაგანაო,

მაგრამ ეს კითხვის გადაწყვეტა კი არა, სასოწარკვეთილებია მომავალი საზოგადოების თავისუფალ პრინციპზედ დამყარების შესახებ, რადგანაც კაუტსკიმ უნდა იცოდეს, რომ დღევანდელზედ ათასჯერ უფრო ძლიერი და საშინელი ბიუროკრატია დასჭირდება კოლლექტივისტურ სახელმწიფოს, ისეთი რთული რაშ იქმნება მამავალი კოლლექტივისტური სახელმწიფო, ანუ უკეთ ვსთქვათ სახელმწიფო კაპიტალიზმი.

სულ სხვაა, როდესაც თვითოეულ ქალაქში, თვითოეულ სოფელში, ქარხანაში და ყანაში, აგრეთვე თვითოეულ რაიონში, პროვინციაში მოხდება თვით დამოუკიდებელ მუშათა ორგანიზაციების მიერ ექსპროპრიაცია და შრომის ორგანიზაცია ქვეყნიდან ზევით. ერთ ხელობაში, ერთ ადგილზედ, წარმოების განსაზღვრულ დარგში შეჩვეული მუშები, თავისუფლად, მაგრამ სოლიდარობით შეკავშირებულნი დაისაკუთრებენ განსაზღვრული ტერიტორიის თვითოეულ ერთეულზედ ყველა საწარმოო საშუალებათა და შეუღდებიან თავისუფალი შრომის ორგანიზაციას. მაგალითად, პარიზის მრავალ-გვარი ხელობის მუშები ყველანი თავ-თავიანთ ქარხნებს მოაწყობენ და როდესაც ეს შემოქმედებითი მუშაობა თვითეული გრუპისა დასრულებულ იქმნება, მერე შეიკვრიან ყველა ეს ჯგუფები ერთი განუყოფელი, მაგრამ თავისუფალი კავშირით. ეს იქმნება „პარიზის კომუნა“. პარიზის ახლო-მახლო სოფლებიც იმავე გვარის თავისუფალ მიწად-მოქმედთა ორგანიზაციას შეჰქმნიან და შეეკვრიან სოლიდარობის კავშირით თვით პარიზს. აგრეთვე ლიონის ქალაქი ლიონის ახლო-მახლო სოფლებს, მარსელი თავის მიდამოებს და ამგვარად მოკლე პერიოდში, მაგალითად მთელი საფრანგეთი დაიფარება ამგვარ თავისუფალ მშრომელთა ასსოციაციებით. შემდეგ სხვა ქვეყნებსაც მოედება ამგვარი ასსოციაციები იმავე პროცესის შემდეგ, და ამგვარად განხორციელდება ის პირობა რომელიც აუცილებელია ინტერნაციონალური

ნალური სოციალიზმისათვისა და სოლიდარობისათვის. შრომის ბირჟები დიდ სამსახურს გაუწევენ ამ შემოქმედებით მუშაობას, როგორც საფუძვლიანად იმედოვნებენ დღეს საფრანგეთისა და სხვა ქვეყანათა სინდიკალისტები.

ჩვენ აქ არ გამოვუდგებით დაწვრილებით აღწერას, თუ როგორ იმოქმედებს მომავალი საზოგადოება, როგორც ერთი მთელი. ეს უკვე სხვა საგანს შეადგენს, უფრო ძნელს; ჩვენ მხოლოდ სოციალურ რევოლუციას ვაქვეს მსჯელობა. ჩვენ კითხვა დავსვით, — როგორ უნდა მოხდეს სოციალური ტრანსფორმაცია, — და ამ კითხვებზედ ვუვებო პასუხს. ვიტყვი მხოლოდ, რომ ამგვარი ექსპროპრიაციის შემდეგ, ზემოხსენებული შრომის ორგანიზაციით არის მხოლოდ შესაძლებელი განახორციელოს კაცობრიობამ თავისი მულმივი მისწრაფება: ენერჯის რაციონალური განაწილება ინდივიდთა შორის. კომუნა და მისი წევრები არ იქმნებიან ნაწილნი დიდი სახელმწიფო მანქანასი, არამედ ინიციატორნი წარმოებისა. კომუნაში მონაწილეობის მიღება, ასოციაციაში შესვლა და გამოსვლა თავისუფალი იქმნება, დამოკიდებული ყველა იმ ბუნებრივი პირობებიდან, რომელშიდაც არის ჩაყენებული ინდივიდი განსაზღვრულ წრეში. ეს იმიტომ, რომ თვით ექსპროპრიაციის ინიციატორი, შრომის ორგანიზაციის შემოქმედი და მწარმოებელი თვით ინდივიდებია, მათი თავისუფალი ორგანიზაცია, იქილამ გამოდის მიმართულება და წესი ენერჯის ხარჯვისა. ეს უდევს საფუძვლად თვით საზოგადოებრივობას, აგრეთვე დაკმაყოფილება ინდივიდის ყველა მოთხოვნილებათა, — კომუნის მთელი ფორმულა, — აუცილებლად უნდა განხორციელდეს სოციალური რევოლუციიდან გამოსულ საზოგადოებაში: თვითოველმა კომუნამ რომ შექმნას პატარა კოლექტივისტური სახელმწიფო, — ე. ი. შრომის დავარად ქირა აძლიოს მწარმოებელს, — კომუნა ვერაფერს მოიგებს, რადგანაც ამისათვის მას დასჭირდება, როგორც დიდ

სახელმწიფოს, მთელი ხრო მუქთა ხორათა თავის დაწესებულებებში, რომელთა ენერჯის შევსება, მათ მიერ წარმოებითი ენერჯის დაუხარჯავად, აუარებელ ზარალს მოუტანს კომმუნ-ას. გარდა ამისა, — ყოვლად შეუძლებელია ნამდვილი ანგარიში დახარჯული წარმოებითი ენერჯისა და მისი შეფარდება სახმარ საგანთა ღირებულებასთან, რადგანაც ერთი საგანი წარმოებაში ათასნაირ ენერჯიათა ტრიალის ნაყოფია, ათას ინდივიდთა ნაწარმოებს შეადგენს. შემდეგ, — ადვილი შესაძლებელია, მუშაობის დროით რომ ვიანგარიშოთ მწარმოებლის ჯილდო, საუკეთესო მუშაბაც ვერ დაიკმაყოფილოს თავისი მოთხოვნილებანი, რადგანაც მაშინ შრომის სხვადასხვაობის დაგვარად უნდა იყოს ჯილდო დანიშნული, და აგრეთვე რადგანაც წარმოებითი ენერჯის ხარჯვა სრულიადაც არ არის პროპორციონალური შესავსები ენერჯისა. ყოველივე ეს კი პირდაპირ წინააღმდეგია შრომის ორგანიზაციის მისწრაფებისა. ამას დაუმატეთ თავისუფალი, ოჯახის მსგავსი სოლიდარობა კომმუნის წევრთა შორის, და მოთხოვნილებათა თავისუფალი დაკმაყოფილება აღარ იქმნება რაღაც აბსურდი და წარმოუდგენელი, როგორც ესა ჰგონიათ კოლლექტივისტებს, არამედ რაციონალური და ერთად-ერთი შესაძლებელი ნამდვილ თავისუფალ საზოგადოებაში, მით უმეტეს რომ სწორედ ამ მიზნით უნდა იყოს შემდგარი ყოველივე საწარმოო ორგანიზაცია, — სხვა მიზანი მას არ აქვს.

მაშასადამე ექსპროპრიაცია თანამედროვე წარმოების ხასიათის მიხედვით, ექსპროპრიაცია აგრეთვე ყოველმხრივი და ფართო; შრომის ორგანიზაცია კომმუნისტიური და დაკმაყოფილება მწარმოებელთა ყველა მოთხოვნილებათა განსაზღვრულ პირობებში, და არა შრომის ჯილდო, — აი რა უნდა იყოს უმთავრესი პირობა მომავალი კომმუნისტიური და თავისუფალი — სოციალისტიური საზოგადოების დამყარებისა. თუ სოციალისტიური რევოლიუციის უმთავრესი მუშაობა ამაში არ გამოდ

ხატა, ისე ეს სოციალური რევოლუცია ვერ იქმნება უმთავრესი და ერთად ერთი საშუალებაც ძირითადი სოციალური ტრანსფორმაციისა.

ზემოხსენებული მიზნის მისაღწევადაც არის სწორედ საჭირო სრულიად განსაზღვრული, სრულიად ნათლად გარკვეული იდეალი, — საჭიროა აუცილებელი წინამორბედი იდეა სოციალური ტრანსფორმაციისა, რომ სოციალური რევოლუციის დროს მწარმოებელსა ჰქონდეს შეგნება თავისი საკუთარი შემოქმედებისა; — საჭიროა, როგორც უკვე ვსთქვით, მთელი ზღვა კომმუნისტურ იდეათა, რომელნიც ღრმად და ფართოდ უნდა იყვნენ გავრცელებულნი მწარმოებელთა უმცირეს წრეებშიდაც.

საკმარისი არ არის — იდეალად დაისახოს ამა თუ იმ პარტიამ „კომმუნისმი ან კოლექტივიზმი“, როგორც ამას ამბობენ ხოლმე ძლიერ ხშირად ს. დ. — ებისა და სხვა პარტიათა იდეოლოგიები. ჯერ ერთი, როგორც ეკონომიური სისტემანი, კოლექტივიზმი და კომმუნისმი სრულიად განირჩევიან ერთმანეთისაგან. მეორე, — არის კომუნისმიცა და კომუნისმიც, მარტო კომმუნისმი, მარტო ეკონომიური შენობა მომავალი საზოგადოებისა, კიდევ არ შეიცავს ამ მომავალი საზოგადოების ინდივიდთა შორის განწყობილებათა ყველა ჯგუფებს. იგი მარტო ეკონომიურ განწყობილებათ გამოაჩნატავს და კომმუნისტიური ეკონომიური განწყობილებანი შესაძლებელია გამოხატულ იქმნან სახელმწიფო მონურ მონასტრულ ფორმაშიდაც — შეიძლება კიდევ თავისუფალ შეთანხმებაში, ანარქიულ ფორმაში. სხვა სიტყვით რომ ვსთქვათ: — არის კომმუნისმი ავტორიტარული, სახელმწიფოებრივი და კომმუნისმი ანარქიული. და ყოველ კომუნისტს წინ და წინვე გარკვეული უნდა ჰქონდეს, — რომელ კომმუნისმს ეტრფის იგი, რომელი კომმუნისმის იდეის გავრცელება საჭირო ეხლავე მწარმოებელთა შორის, რომ მის თანახმად გამოაჩნატონ ამ უკანასკნელთა თა-

ვიანთი შემოქმედებითი მუშაობა სოციალური რევოლუციის დროს.

კოლლექტივიზმი, — ეს სახელმწიფო კაპიტალიზმია, და გულ-წრფელი კოლლექტივისტები კიდევაც ავრცელებენ ამ თავიანთ იდეალს მწარმოებელთა შორის, ამ იდეალის შესაფერ ტაქტიკასაც ხმარობენ (პარლამენტარიზმს) და ეს ადვილი გასაგებიც არის. მაგრამ როდესაც სოციალისტი გაიძახის — „კოლლექტივიზმი ან კომმუნისმი“, ან ისახავს იდეალად კომმუნისმს და არა საზღვრავს ამ უკანასკნელის ხასიათს, — ეს ჩვენთვის სრულიად გაუგებარი ჰხდება; — ჩვენთვის იმიტომ, რომ არ გვესმის გაურკვეველი იდეალით მოქმედება; ხალხისათვის კი მით უმეტეს ბუნდოვანი ჰხდებათ ეს გაურკვეველი ცნებანი, რადგანაც მას ვერ გაუთვალისწინებია — რისთვის იბრძვის, რა უნდა ანგრიოს და რა უნდა ააშენოს დანგრეული საზოგადოების და ნაცვლად. მაგრამ თუ ჩაუკვირდებით, საქმე სრულიად ადვილად აიხსნება, — თურმე ამ უიდეალო ხალხს, სრულიადაც არ აინტერესებს მოძრავალი ფორმა საზოგადოებისა. მათთვის მოძრაობა ყოველისფერია, მიზანი არაფერი, ეს „რეალური პოლიტიკის“, ოპორტიუნისმის ფორმულა ყოფილა, ე. ი. სრულიად არა-სოციალისტური, და რა შუაშია აქ ან წმინდა კოლლექტივიზმი, ან წმინდა კომმუნისმი.

კომმუნისმის იდეალი კი კარგა ხანია რაც თან და თან მუშავდება. ყოველი დიდი მოძრაობის დროს თვით ხალხი, და მით უმეტეს მისი იდეური მეთაურები აყენებდნენ ხოლმე წინ გარკვეულ კომმუნისტიურ იდეალს, და დროის შესაფერი თავისუფლების ელემენტიც ბევრი ერია ხოლმე მათ შიერ წამოყენებულ კომმუნისტიურ პროგრამაში.

ევროპის რევოლუციათა დასაბამიდან ჩვენ დრომდე თავისუფალი კომმუნისმის იდეის განვითარება საერთო იდეურ პროგრესის ერთ ნაწილს შეადგენს. მე-XIX საუკუნეში გაჩნდა ფანამედროვე სოციალიზმი, და მისი პირველი ადლორძინები-

დან დაწყებული ჩვენ დრომდე აგრეთვე თავისუფალი კომმუნისმის იდეა თან და თან ვითარდება; დღეს იგი ერთ მშვენიერ ზოლს წარმოადგენს თანამედროვე საზოგადოებრივ-ფილოსოფიურსა და სოციოლოგიურ მიმდინარეობაში. ინტერნაციონალიდამ მოკიდებული განსაკუთრებით მუშათა კლასი და მისი საუკეთესო იდეოლოგიები იმუშავენ თავისუფალი კომმუნისმის იდეალსა და სცდილობენ მისცენ მას მეცნიერული და ფილოსოფიური საფუძველი. მთელი სხვა-და სხვაობანი სოციალისტურ იდეათა მე-XIX საუკუნეში ამ თავისუფალი კომმუნისმისაკენ ესწრაფებიან რაღაც მიმზიდველობითი ძალით, და თუ დღეს არსებობენ „დიქტატურისა“ და „სახელმწიფოს“ სოციალიზმი, „კოლექტივიზმი“ და ნახევარ-სოციალისტური და ნახევარ-ბურჟუაზიული ოპორტიუნიზმი, რომლებითაც მართალია ძლიერ დიდი ნაწილია გატაცებული მუშა-ხალხისა ზოგიერთ ქვეყანაში,—ეს ჩვენის ფიქრით მხოლოდ ცოტად თუ ბევრად განდგომილება იმ წმინდა სოციალიზმისაგან, რომელიც არის თავისუფალი კომმუნისმი; და ამ განდგომილებამ ან სრულიად უნდა გარდაქმნას არა-კომმუნისტური პარტიები ბურჟუაზიულ პარტიებად, ან თვით განქრეს, და ისევ თავისუფალ კომმუნისმისაკენ მიემართონ ეს პარტიები. დღეს ერთსაცა და მეორე მოვლენასაც ვხედავთ სოციალიზმის თანამედროვე ისტორიაში.

მართლაც და დაუკვირდით ინტერნაციონალიდამ მოკიდებული დღევანდელ მომენტამდე საერთაშორისო კონგრესსებს, მაგალითად. ყოველი კონგრესსი დიდი ნაბიჯი იყო, წინ წადგმული თვით მუშათა კლასის მიერ, წმინდა, თავისუფალი კომმუნისმის იდეალის შემუშავებისაკენ. თან და თან მთელი საერთაშორისო სოციალიზმი ანარქიზმის ფორმებით უდგებოდა მთელი ევროპის ბურჟუაზიას თვალის წინ. განსაკუთრებით ყურადღება იმაზედ იყო მიქცეული მუშათა კლასის მიერ,—თუ როგორ უნდა მოეხდინათ ბურჟუაზიის ექსპროპრიაცია, რო-

გორ უნდა მოეწყოთ შრომა, მთელი მომავალი საზოგადოება. მოხსენებანი ბაკუნინისა, კეზარ-დე-პეპისა და სხვათა, — საუკეთესო დამმტკიცებელი საბუთებია, თუ საითკენ მიისწრაფოდა მაშინდელი პროლეტარული აზრი. ამისი ეშინოდა ბურჟუაზიას, ამიტომ აფრქვევდა იგი ცეცხლს ინტერნაციონალის წინააღმდეგ, ამიტომ ცახცახებდა იგი სოციალური რევოლიუციის წითელი აჩრდილის წინაშე. ასე იყო პარიზის კომუნამდე, სადაც მართლაც შეუდგნენ პარიზის მუშები ინტერნაციონალის დიდი იდეის განხორციელებას, და ამიტომაც ჩაახრჩო ეს კომუნა სისხლში გამარჯვებულმა ბურჟუაზიამ. ინტერნაციონალის იდეალი იყო: ძალით დათრგუნვა ყველა არსებულ დაწესებულებათა, — ბურჟუაზიულთა და სახელმწიფოებრივთა — და დამყარება ახალთა, — კომმუნისტურთა და თავისუფალთა; ამ იდეის ირგვლივ იყო შეკავშირებული საერთაშორისო პროლეტარიატი, მიტომ წარმოადგენდა იგი დიდ ძალას, — გარკვეული იდეალით და ამ იდეალის თანახმა ტაქტიკით. ინტერნაციონალი — სოციალური რევოლიუციის ნამდვილი პარტია იყო, და ჩვენ, ანარხისტებს, მიტომ მიგვაჩნია ხოლმე საჭიროდ ყოველივე ამ მართლაც და გიგანტიური და ნამდვილი სოციალისტური დაწესებულებების მაგალითის მოყვანა. ინტერნაციონალის დაცემის შემდეგ კი რა მოხდა? ისევ გამოვიდა სცენაზედ, სოციალიზმის სახელით, ძველი, მე-XVIII საუკუნის დემოკრატიზმი და იაკობინიზმი, სახელმწიფო სოციალიზმი იდეალად დაისახეს, პარლამენტარიზმი ერთად-ერთ ბრძოლის საშუალებად, და ამგვარად მთლად ერთიანად შეირყვნა მთელი ცნება სოციალიზმისა და სოციალური რევოლიუციისა. მას შემდეგ მთელი ევროპის მუშა ხალხს არწმუნებდნენ, რომ უსახელმწიფოდ ცხოვრება შეუძლებელია სოციალიზმის დროსაც, — რომ ძალდატანებითი რევოლიუცია, — ბურჟუაზიულია, და ეხლა კანონიერი, პარლამენტარული ბრძოლაა ერთად-ერთი საშუალება, — რომ ექსპრო-

პრიაცია კი არა, ასე გასინჯეთ; საწარმოო საშუალებათა გამოყენებით დაიწყება პირველი მომენტი სოციალური ტრანსფორმაციისა, და სხვა. მთელი ნახევარი საუკუნის განმავლობაში ავრცელებდა, განსაკუთრებით მარქსისტთა ნაწილი ინტერნაციონალისა, თანამედროვე ს. დ.-ის წინამორბედი, ამგვარ „სოციალიზმს“ და ბევრ ქვეყანაში იხდებოდა საყოველთაო რეაქციისაგან მადუნებული მოძრაობა სრულიად განაშორეს ნამდვილ თავისუფალ კომუნისმს. ეს იყო განდგომილება ანარქიული კომუნისმისაგან, მაგრამ ინტერნაციონალის დედალი, მისი ნამდვილი შინაარსი და იდეა არ დაკარგულა. იგი მისმა მეორე ჯგუფმა, — ანარქისტების ნაწილმა, შეითვისა, და დღეს ვხედავთ ამ განგრძობილი მოძრაობის შედეგს: წმინდა კომუნისმის იდეალი, სოციალიზმისა და სოციალური რევოლუციის იდეა კიდევ სკოტლობენ მუშათა შორის, იგინი საშინელი სისწრაფით ვრცელდებიან ყველა ქვეყნებში, და ინტერნაციონალიც ისევ გამოდის საერთაშორისო ბრძოლის სცენაზედ უფრო ძლიერი, განახლებული და გამარჯვებული განდგომილებასთან ბრძოლაში.

ინტერნაციონალის დაცემის შემდეგ, თუ მისმა მარჯვენა ნაწილმა ზემოხსენებული მიმართულება მიიღო, მარცხენა ნაწილმა, ბაკუნისტებმა აშკარა ანარქიზმს ჩაუყარეს საფუძველი. მაშინ როდესაც მარქსისტები თავიანთ კონგრესებზედ არჩევნების შესახებ მსჯელობდნენ და დემოკრატიზმით შემოფარგლეს თავიანთი ტაქტიკა, — ანარქისტები ძველი ტრადიციით საზოგადოების თვით ძირს ეხებოდნენ: ისინი თან და თან იმუშავებდნენ ექსპროპრიაციის პლანსა და ძალ-დატანებითი რევოლუციის სულს ავრცელებდნენ მუშათა ორგანიზაციებში. მაშინ როდესაც მარქსისტები სახელმწიფოს ფარგალში კანონიერად მოქმედების გეგმებს ადგენდნენ და მომავალშიდაც უახარპულ სახელმწიფო-სოციალიზმის იდეალს უნერგავდნენ გულში მუშებს, ანარქისტები სკდილობდნენ გამოყვით მუშე-

ბი სახელმწიფოსაგან და ბურჟუაზიისაგან, წმინდა კომმუნისმი იდეალი აღებეჭდათ მათ გულში, მოემზადებინათ იგინი სახელმწიფო და ბურჟუაზიულ დაწესებულებათა სრულ დასამხობად.

შედგვი დღეს ცხადად არის ჩვენი თვალის წინ აღბეჭდილი. და ამ შედეგის მიხედვითაც ვხვედმძღვანელობთ ჩვენ, ანარხისტები, ჩვენს მოქმედებაში და იდეალისა და პრაქტიკის შეთანხმებაში. დღეს ერთად ერთი პარტია სოციალური რევოლიუციისა, გარკვეული თავისუფალი კომმუნისმი იდეალით, ძალ-დატანებითი რევოლიუციონური ტაქტიკით, ექსპროპრიაციისა და მომავალი შრომის ორგანიზაციის პლანით, რომელიც, დამყარებულ უნდა იყოს ნამდვილ კომმუნისტიურ და თავისუფლების პრინციპზედ,—დღეს ერთად ერთი ელემენტი სოციალური ტრანსფორმაციისა, რომელიც არის შეცვლა ყველა თანამედროვე დაწესებულებათა და ახალ საზოგადოებრივ განწყობილებათა დამყარება, და არა სხვა რამ, —(ამას ყოველთვის მოვავგონებთ მკითხველს)—დღეს ამგვარი ელემენტი სახელმწიფოს უარ-მყოფელი ანარხიზმია, თავისი განსაკუთრებული ორგანიზაციითა და მოქმედებით. მაგალითები ამისი არა ერთხელ გვიჩვენებია: მთელ ქვეყანაზედ მოფენილი მუშათა ორგანიზაციები, გამოყოფილნი სახელმწიფოსაგან და ბურჟუაზიისაგან, გარკვეული კომმუნისტიური იდეალით და რევოლიუციონური ბრძოლის მეთოდით.

კომმუნისტიური იდეალი, წინმსწობლი სოციალური რევოლიუციისა და უმთავრესი მამოძრავებელი ძალა, თვით რევოლიუციის პროცესში აუცილებელი პირობაა მომავალი შემოქმედებითი ბრძოლისათვის. უამისოდ მუშათა კლასი ვერ შეჭქმნის ვერავითარ ხანგრძლივს საზოგადოებრივ ორგანიზაციას, რომელიც მართლაც რომ აკმაყოფილებდეს ადამიანის სრული განვითარების ყველა პირობათა.

მესამე პირობა სოციალური რევოლიუციის აღსრულებილსა, როგორც უკვე ვსთქვით, სახელმწიფოს მოსპობაა. თანამედროვე სახელმწიფო—კრებულთა იმ ძალ დამტანებელ დაწე-

სებულებათა, სადაც შეგროვილია დიდ-ძალი ენერგია, რომელიც მუშაობს არა-მწარმოებელთა პრივილეგიების განსამტკიცებლად და მთელი მწარმოებელი კლასის წინააღმდეგ საბრძოლველად. ჯარი, პოლიცია, სამსაჯულო, მთავრობა, მათი ათასნაირი განყოფილებანი,—აი ის დაწესებულებანი, სადაც ეს ენერგიაა შეგროვილი. დაწესებულება არ უნდა გვესმოდეს, როგორც განყენებული რამ. აქ უფრო სინამდვილის ანალიზია საჭირო, რომ ნათლად დავინახოთ თვით ძირი სახელმწიფოს ხასიათისა. ყოველი დაწესებულება გამოპხატავს ადამიანთა შორის ერთგვარ განწყობილებას. რა არის მაგალითად მუდმივი ჯარი თავისი შინაარსით? ეს უბრალო განწყობილებაა საზოგადოებაში არსებულ ადამიანთა სხვა და კატეგორიათა შორის, რომელიც იმაში გამოიხატება, რომ ადამიანთა ერთი კატეგორიის ბრძანებით, რომელსაც „ძირითადი კანონი“ ეწოდება, აუარებელი ხალხი უნდა წავიდეს ყაზარმაში იარაღის ხმარებისა და ადამიანის კვლის სასწავლებლად. რათ მიდის ხალხი ამგვარი ცუდი საქმისათვის? რატომ არა აქვს მას შეგნება? აქ სხვა დაწესებულებანი, სხვა განწყობილებანი არიან ამისი მიზეზნი: სილატაკე ხალხისა და მასზედ აშენებული უმეტრება, რაიცა აგრეთვე შედეგია კაპიტალისტისა და მემამულის მშრომელთან განწყობილებისა, აგრეთვე სამღვდლოების სახელმწიფოსთან და ხალხთან განწყობილებისა, და ასე ამგვარად, დაუსრულებლივ,—ერთი გრუპპა ადამიანთა მეორესთან არის განსაზღვრულ განწყობილებაში, და თვითეული განსაკუთრებული გრუპპის მეორესთან განსაზღვრულ განწყობილებათა კრებულს ჰქვია დაწესებულება. ამასთანავე ეს დაწესებულებანი ერთი-მეორეზედ არიან გადახლართულნი, და თანამედროვე საზოგადოებაში ორ დიდ კრებულს ვხედავთ განწყობილებათა: კაპიტალისტურსა და სახელმწიფოებრივს,—რომელნიც აგრეთვე მჭიდროდ არიან შეკავშირებულნი ისტორიულადაც და ლოგიკურადაც, და რომელთაგანაც

პირველის დამცველი მეორეა. — უადამიანოდ დაწესებულება შეუძლებელია. ყოველი დაწესებულება შესდგება ადამიანთა განსაზღვრული რაოდენობისაგან.

და მსგავსად იმისა, როგორც კაპიტალისტური დაწესებულებანი წარმოადგენენ ადამიანთა კრებულებს, რომელთაც მთელი სოციალური ენერჯიაა ქვეს მითვისებული, სახელმწიფო დაწესებულებანიც აგრეთვე წარმოადგენენ ენერჯიის ზემოხსენებული ხასიათის საშინელ კონცენტრაციას. გაითვალისწინეთ — რამდენი გონებრივი ენერჯიაა მთელ ბიუროკრატიულ დაწესებულებებში ხალხის საძარცვავად, მოსატყუებლად და გასასულელებლად; რამდენი ენერჯიაა სამსჯავროებში იმ ადამიანთა დასასჯელად და საწამებლად, რომელნიც მსხვერპლნი არიან მთელი თანამედროვე საზოგადოების უკუღმართობისა; რამდენი ტლანქი ენერჯიაა ჯარში და სხვა დაწესებულებებში ხალხთა გასაწყვეტად და აგრეთვე „აჯანყებულთა დასამშვიდებლად“, რომელთაც უნდათ მოსპონ სწორედ ეს ანტი-სოციალური დაწესებულებანი; რამდენი ენერჯია სჭირდება მწარმოებლისა მათ შენახვას, მათ მდიდრულად ცხოვრებას, მათი დარბაზების აშენებას, მათ სასწავლებლებში გაწვრთნას, მათ ქეიფსა და აუარებელი სიმდიდრის ფლანგვას; — იანგარიშეთ და არ გაგიკვირდებათ თანამედროვე საზოგადოების გამათახსირებელი სილატაკე და წამება ხალხისა, როცა დაინახავთ, რომ მთელი წყარო სოციალური ენერჯიისა, რომელიც უნდა მრდიოდეს საწარმოოდ დახარჯულ ენერჯიის შესავსებად, — ზემოხსენებულ ადამიანთა მადას აკმაყოფილებს მხოლოდ, და მხოლოდ იმისთვის, რომ მუდამ გრძელდებოდეს ამგვარი აბსურდული განაწილება სოციალური ენერჯიისა ინდივიდთა შორის. თუ დღეს ფაქტიურად არსებობენ ამგვარი, სახელმწიფო დაწესებულებანი, — ეს კიდევ იმიტომ, რომ სულ მცირე ნაწილს სოციალური ენერჯიისას ანაწილებენ იგინი ნახევარ-რაციონალურად ინდივიდთა შორის (მაგალითად სკოლების გაკეთება და სხვა საზოგადო სასარგებლო დაწესებულებანი), ისე როგორც

კაპიტალისტი აძლევს მუშას უმცირეს სამუშაო ქირას, რომ სრულიად არ დაიშრიტოს მისი ენერჯის სახარჯავი წყარო. მაგრამ ამგვარი სისტემის არსებობა დიდხანს და მუდმივ შეუძლებელია, და ამიტომაც აქვს დღეს მწარმოებელ კლასსებს დაყენებული კითხვა: გაბნევა ამ სახელმწიფოში თავმოყრილი ენერჯისა, რაიცა აუცილებელია სოციალური გარდაქმნის დაწყებისათვის! და რადგანაც ეს ენერჯია უმეტეს ნაწილად ტლანქად, მექანიკურად მუშაობს,—ამიტომ შეიარაღება და იარაღით ხელში, აგრეთვე ტლანქი, ფიზიკური ძალით მოსპობა ყველა იმ დაწესებულებათა, რომელთაც ძალ-დატანების ბეჭედი აზის!—უამისოდ ყოველად შეუძლებელია ახალ დაწესებულებათა შექმნა,—იმგვარ დაწესებულებათა, რომელნიც მართლაც წარმოადგენენ ენერჯის აუარებელ წყაროს, მაგრამ სულ სხვა წყაროს,—წყაროს, რომელსაც თავისუფლად, შეუზღუდავად და თანასწორი უფლებით დაეწაფება ყოველი მწარმოებელი, მხარჯავი ენერჯისა მთელი საზოგადოებისათვის და შემქმნელი ამ დაუშრეტელი წყაროსი. აქ ს. დ.-ები და სხვა სახელმწიფო პარტიები უეჭველად წამოიყვირებენ: ჩვენც მაგნირი საზოგადოება გვსურსო; მხოლოდ ჩვენ მაგასაც სახელმწიფოს ვუწოდებთო; დღეს არის სახელმწიფო იმ ხასიათის, როგორც თქვენ ამბობთ, თორემ მომავალი სახელმწიფო მხოლოდ საწარმოო ორგანიზაცია იქნებაო... მაშასადამე რას ემტერებით საზოგადოდ სახელმწიფოს, რად ემტერებით თანამედროვე სახელმწიფოსაც, რომლის სრული გარდაქმნა შეიძლება მუშათა სასარგებლოდ, და რა საჭიროა მისი დანგრევაო... მაშასადამე გაუმარჯოს პარლამენტარიზმსო და სხვა.

ჩვენ ამ „მაშასადამეებამდის“ მზადა ვართ მიულოცოთ მათ განაზრხისტება, მხოლოდ კი მოვავანოთ, რომ საწარმოო ორგანიზაციას სრულიადაც არა ჰქვია სახელმწიფო, და ჰირვეულობა,—მაინცა და მაინც სახელმწიფო უნდა ერქვასო,—ან ტერმინოლოგიის არცოდნაა, ან და უბრალო ჟინი. რომელიც ჩვენ-

თვის მაინც და მაინც საინტერესო არ არის. მაგრამ საქმე ასე უბრალო რაშეში არ არის. საქმე მათ „მავსადამეებშია“: ჩვენ სახელმწიფოს სწორედ მიტომ ვემტერებით, რომ იგი მხოლოდ შემოხსენებულად განისაზღვრების, — როგორც კრებულის ძალდამტანებელ დაწესებულებათა, როგორც კონცენტრაცია ანტიოციალური ენერჯისა. ჩვენ ეს კრებული დამწესებულებათა გვინტერესებს, და მიტომ უარ-ყოფთ მას, როგორც აწმყოში, ისე მომავალში, და რა სახელს უწოდებენ ს. დ — ები მას, — ჩვენთვის ეს დიდ მეცნიერულ ინტერესს არ წარმოადგენს. გარდა ამისა, სად არის ლოდიკა ამ „მავსადამეებში“? თუ დღევანდელი სახელმწიფო ძირითადად განირჩევა მომავლისაგან, თუ დღევანდელი სახელმწიფო ძალ-დატანება და ტლანქი ძალა, განა შეიძლება მითი სარგებლობა, ან მისი გაუმჯობესება, რომ მომავალში მხოლოდ „საწარმოო ორგანიზაცია“ გახდეს. ეს განმანადგურებელი მოვლენა თანამედროვე კაცობრიობის ცხოვრებაში, — „საწარმოო ორგანიზაცია“; — ესე იგი ჩვენი ტერმინოლოგიით — ანარხიული კომმუნისმი? — არა, აქ ნამდვილად არც ტერმინის საქმეა, არც ულოდიკობის, აქ სახელმწიფოს პრინციპიალური აღიარებაა, მთელი თავისი შინაარსითა და ხასიათით, — მხოლოდ მისი აუცილებლობის დამტკიცების შეუძლებლობა აყვირებს შემოხსენებულ სოციალისტებს „საწარმოო ორგანიზაციაზედ“. მაგრამ როდესაც მათ დაუმტკიცებენ, რომ სწორედ ეს „საწარმოო ორგანიზაცია“ ანარხია, სახელმწიფოს უარ-ყოფა, — მაშინვე უკან დაიხვეწენ ხოლმე და დაიძახებენ: მაშ ვინღა იქმნება ხელმძღვანელი, განსაკუთრებით ექსპროპრიაციის დროს და სხვ.? — ჩვენ ვეთყვით, — ისევ ადამიანები, მწარმოებლები, მცოდნე ხალხი, იდეთ განმსჭვალული კომმუნისტები, — თუ გნებავთ ისევ „დაწესებულებანი“, მაგრამ არა პოლიციური და ბიუროკრატიული, რაიცა აუცილებლად ახასიათებს სახელმწიფოს, არამედ დაწესებულებანი. თავისუფალი ქარხნის მუშათა, სახელოსნოთა, სოფელთა და

ქალაქთა მწარმოებელთაგან შემდგარნი, — არა ხალხის ქლევით-სათვის, არამედ წარმოების ორგანიზაციისათვის. დაამტკიცეთ რომ ჟანდარმი აუცილებელია წარმოებისათვის, რაიცა ვერა ჰქნა ვერც ერთმა იურისტმა, ს. დ. — ებზედ უფრო მკოდნემ სახელმწიფოს ხასიათისა, და მერმე დაიწყეთ მომავალი კოლექტივისტური სახელმწიფოს პლანების შენება! თანამედროვე მუშათა კლასს კი მომავალი სულ სხვანაირად ესმის: მოსპობა თანამედროვე ძალ-დატანებით და მყვლეფელ დაწესებულებათა (სახელმწიფო და კაპიტალიზმი), და შექმნა კომმუნისტური და ანარხიული შრომის ორგანიზაციისა. ეს ორი დიადი საქმე უნდა შეასრულოს სოციალურმა რევოლიუციამ, რომ ნამდვილი სოციალური ტრანსფორმაცია შესაძლებელი შეიქმნას.

თანამედროვე მუშათა კლასს სამ ნაირი ენერგია აქვს: საწარმოო ენერგია, რომლითაც იგი მთელ სიმდიდრესა ჰქმნის, სოციალური ენერგიის წყაროს; გონებრივი, შემოქმედებითი ენერგია, — კომმუნისტური იდეალი, — რომლითაც მან უნდა შექმნას მომავალი ანარხიულ-კომმუნისტური საზოგადოება; დამთვურნველი ენერგია, რომლითაც უნდა განაბნოს სახელმწიფო დაწესებულებებში დაგროვილი ანტი-სოციალური ენერგია, მოახდინოს ბურჟუაზიის ექსპროპრიაცია და გზა გაუწმინდოს თავისი შემოქმედებითი ენერგიის მუშაობას.

პირველი ენერგია მას საკმაოდ შესწევს, — თანამედროვე წარმოების განსაკვიფრებელი სიდიადე ამისი უტყუარი საბუთია, მეორეც ძლიერია, თუმცა მეტია საჭირო, და ამ ენერგიის შევსებისათვის ყოველი წელიწადი წინ-წადგმული ნაბიჯია ევროპისა და ამერიკის მუშათა კლასისათვის, მესამე კი ძლიერ ცოტაა, და ამაზედ უნდა იყოს მიქცეული უმთავრესი ყურადღება მუშათა ორგანიზაციათა და სოციალური რევოლიუციის ნამდვილ მოტრფიალეთა. ამ უკანასკნელის შესავსებათაც ემზადება მუშათა კლასისი თავისი ორგანიზაციებით, იარაღის

შეძენით, თანამედროვე ტექნიკური ცოდნის პრაქტიკულად გამოყენებითა და სხვ. და როდესაც თვით მუშათა კლასისი იგრძნობს, რომ საკმარისი ენერგია შეიძინა ძველის დასანგრევად და ახლის შესაქმნელად, მაშინ დაიწყება ის სანატრელი სოციალური რევოლიუცია, რომელმაც უნდა განაახლოს კაცობრიობა.

უდიდესი მუშაობა ხდება დღეს მუშათა შორის. დიქტატურისა და დებუტატობის მაგივრად, დღეს მუშები იმაზედა მსჯელობენ განსაკუთრებით, — თუ როგორ უნდა გამოაცალონ ბურჟუაზიას თავისი საწარმოო ენერგია, — ეს არის საყოველთაო გაფიცვის კითხვა, რომელმაც მთელი ქვეყნის პროლეტარიატი დაინტერესა და მრავალი ცდის შემდეგ მიიყვანა იმ დასკვნამდის, რომ ეს საშუალება საუკეთესოა ბურჟუაზიის მოსპობისათვის და საწარმოო საშუალებათა ექსპროპრიაციისათვის; ისინი მსჯელობენ, თუ როგორ უნდა მოაწყონ წარმოება ექსპროპრიაციის შემდეგ, ე. ი. როგორ შეაერთონ თავიანთი შემოქმედებითი ენერგია თავიანთ აუარებელ საწარმოო ენერგიასთან და შეგროვილ საწარმო ენერგიასთან, რომ განახორციელონ ბოლოს და ბოლოს თავიანთი იდეალი; ისინი მსჯელობენ აგრეთვე პირდაპირი ომის შესაძლებლობაზე და საშუალებებზე, რომ საუკუნოდ, დაუბრუნებლად განაბნიონ სახელმწიფო ენერგია და ახალ პირობებში მის აღმოცენებას ადგილი აღარა ჰქონდეს. სოციალური რევოლიუციისა და სოციალური ტრანსფორმაციის ელემენტები მაშასადამე მზად არის, და ჩვენ მხოლოდ ის დაგვრჩენია, რომ დავაჩქაროდ ეს სანატრელი დრო.

როგორი იქმნება ეს საყოველთაო გაფიცვა, რევოლიუციის დაწყები, რახანს გასტანს ექსპროპრიაცია და მწარმოებელთა შემოქმედებითი მუშაობა, როგორი იქმნება შეტაკება ახალი ალოღრძინებული ძალისა სახელმწიფო ენერგიასთან, — ყველა ეს კითხვები ძლიერ საინტერესო და

ძნელი გადასაწყვეტია. მათი ნამდვილი გადაწყვეტა შომაგლისაა, მაგრამ აწმყოში მათზედ მსჯელობა ყოველთვის სასარგებლოა, და თუ ამ წიგნში ვერ მოვახერხეთ, სხვა ცალკე წიგნებში ვეცდებით მივსცეთ მათი შეძლებისა დაგვარად გარკვეული პასუხი, რამდენადაც შესაძლებელია მომავალზედ წინასწარ-მეტყველება ზემოხსენებულ კითხვათა სირთულისა და სიძნელის გამო.

დ ა მ ა ტ ე ბ ა .

ეს წიგნი უკვე გათავებული იყო, როდესაც გაზეთში წა-
ვიკითხე საფრანგეთის სინდიკალისტების უკანასკნელი კონ-
გრესის შესახებ, რომელიც ამიენში შესდგა. ბაკუნინის იდეამ
გაიმარჯვა საფრანგეთის პროლეტარიატის შორისო, ამბობდა
გაზეთ „Товарищъ“-ის კორესპონდენტი,—და ეს სრულიად
არ არის საკვირველი. დღეს საფრანგეთი წარმოადგენს მხო-
ლოდ იმ ქვეყანას, სადაც ყოველივე მთავრობის ფორმა ნა-
ცადია, ხალხი მრავალ რევოლიუციისაგან გამოცდილი, „პო-
ლიტიკურად აღზრდილი“,—როგორც ამბობენ ხოლმე,—და
საფრანგეთის პროლეტარიატის გატაცება ძველი დემოკრატი-
ზმისაკენ და მის მიერ შემოდება ძველ, დემოკრატიულ—კა-
ნონიერ ბრძოლის წესთა, ყოველად შეუძლებელია, თუმცა
ბევრს ეცადენ მარქსისტები ისევ ეგრედ წოდებულ „პოლიტი-
კისაკენ“ მიებრუნებიან საფრანგეთის სინდიკალიზმი, რო-
მელმაც გამოჰყო მუშათა კლასი როგორც ბურჟუაზიასა და
სახელმწიფოს, საზოგადოდ, ისე დემოკრატიასა და ს. დ.—იას
კერძოდ, და შეადგინა ნამდვილი მუშათა პარტია, პარტია
მუშათა ერთობისა, „შრომის პარტია“,—როგორც თვით ამ-
ბობენ,—პარტია ნამდვილი სოციალური რევოლიუციისა,—
დაუშმატებთ ჩვენ. დღეს სინდიკალიზმის გამარჯვება პარლა-
მენტარიზმის საუკუნოდ დამარცხებას მოასწავებს, გამარჯვებას
ორი დიდი იდეისას,—პირდაპირი მოქმედებისას და
საყოველთაო გაფიცვისას,—რომელნიც პირდაპირ გამო-
მდინარეობენ სოციალიზმისა და რევოლიუციის ნამდვილ
განსაზღვრათაგან. —გარდა ამისა ამ იდეალთ თავისი ისტორი-

ული ძირი აქვს ინტერნაციონალში, თავისი ბრწყინვალე და სისხლით შეღებილი ისტორია, — და ამიტომაც ვსცანით საჭიროდ ამ დამატებაში ცოტა რამ გველაპარაკნა როგორც ამ პირდაპირ მოქმედებაზე და საყოველთაო გაფიცვაზე, ისე განსაკუთრებით საფრანგეთის სინდიკალიზმზე.

ინტერნაციონალმა აღიარა, რომ მუშათა განთავისუფლება თვით მუშათა მიერ უნდა მოხდესო. ამ პრინციპით იყვნენ გამსჭვალულნი ყველა მუშები, ვინც შედიოდნენ იმ დროს დიდ საერთაშორისო მუშათა კავშირში. ინტერნაციონალი თვით არ წარმოადგენდა სახელმწიფოს მსგავსს ორგანიზაციას, არამედ ორგანიზაციას „ძირიდან ზევით“. ყოველ ქვეყანაში, ყოველ პატარა პროვინციაში, ყოველ ქალაქში არსებობდნენ ავტონომიური ორგანიზაციები, ერთმანეთთან ფედერატიულად შეკავშირებულები. ყოველი ქალაქის ან პროვინციის ერთი რომელიმე ხელობის მუშები შეკავშირებულები იყვნენ, ამ კავშირში ისინი იცავდნენ თავიანთ პროფესიონალურ ინტერესებსა და ეწეოდნენ ყოველ დღიურ ბრძოლას; ამ კავშირითა ფედერაციები რომელიმე ქალაქში ან პროვინციაში შეადგენდნენ სექციას, სადაც ირჩეოდა როგორც ყოველი კითხვა მუშათა ცხოვრებასთან კავშირის მქონე, ისე მთელი სექციის ინტერესთა კითხვები. სექციაც აგრეთვე ავტონომიური იყო თავის შინაგან საქმეებში. სექციითა ფედერაცია რომელიმე ქვეყანაში ჰქმნიდა ერთ ნაციონალურ ფედერაციას, რომელიც არჩევდა აგრეთვე საერთოდ სოციალიზმისა და კერძოდ ნაციონალურ მუშათა ინტერესთა კითხვებს და ამ ნაციონალურ ფედერაციითა კავშირი კი წარმოადგენდა ერთ დიდ საერთაშორისო მუშათა კავშირს, რომელსაც თავში ჰყავდა ეგრედ წოდებული საზოგადო საბჭო (ლონდონში). მაგრამ ამ საბჭოს სრულიადაც არა ჰქონია მთავრობის უფლება, იგი იყო მხოლოდ ცნობათა ბიურო, რომ ერთი ქვეყნის მუშებს სცოდნოდათ, რა ხდებო-
მეორე ქვეყანაში, გაფიცულ ამხანაგთათვის დახმარება გაე-

წიათ და სხვა. აგრეთვე არც ერთი კონგრესი არ მომხდარა დიდი ინტერნაციონალისა ისე, რომ სოციალიზმის კითხვები წინდაწინ, ერთი წლით არ ყოფილიყვენ განხილულნი თვით მუშათა მიერ, ყოველ პატარა ჯგუფში და ორგანიზაციაშიაც კი. როდესაც მუშები მოვიდოდენ ხოლმე კონგრესზედ, მათ იცოდენ უკვე თვით მუშათა აზრი ამა თუ იმ კითხვის შესახებ. ამიტომაც იყო, რომ პირველი კონგრესები ინტერნაციონალისა, ჟენევის კონგრესი 1866 წლ., ლოზანის 1867 წლ., ბრიუსელის 1868 წლ. და ბაზელის 1869 წლისა, დიდს ინტერესს წარმოადგენდენ. 1864 წლიდან, როდესაც დაარსდა ინტერნაციონალი, თვითოეული წელი, ე. ი. თვითოეული კონგრესი, როგორც ესტკვით, დიადი ნაბიჯი იყო სოციალიზმისაკენ, ორგანიზაციათა გაძლიერებისაკენ, მუშათა მართლაც და კლასიურ შეგნებისაკენ, და ამითი აიხსნება ის წივილ-კვილი, რომელიც მორთო ბურჟუაზიამ მთელს ევროპაში,—არიქა ინტერნაციონალი იზრდება და არ გავა დიდი ხანი და ბურჟუაზიას ბოლო მოედებაო. (იხილე მაგალითად Oscar Testut: L'Internationale, L'Internationale et le jacobinisme au ban de l'Europe და სხვ.). ამ კონგრესებზედ ბოლოს და ბოლოს იმას ირკვევდენ უკვე, თუ როგორი უნდა იყოს სოციალური რევოლიუცია, როგორი უნდა იყოს მომავალი საზოგადოება, როგორი უნდა იყვნენ მუშათა ორგანიზაციები, რომ მალე მიაღწიონ მიზანს და სხვა,—ერთი სიტყვით თვით მუშები არჩევდენ იმ კითხვებს, რომელიც პირდაპირ შეეხებოდა მათ და მათ მიერ მოსახდენ სოციალურ რევოლიუციას. მუშები განურჩევლად პარტიისა, არჩევდენ ამ კითხვებს და იმუშაებდენ საერთო გეგმებსა და საერთო იდეალს, რადგანაც ამ დროს და დღესაც საზოგადოებაში იმდენი მიმდინარეობაა, სოციალიზმშიაც იმდენი მიმართულებაა, რომ ყოვლიად შეუძლებელია მთელი მუშათა კლასის ერთ დიდ პარტიაში შეგროვება. მორგონეთ მაგალითად ცეზარ-დენ-პაპის

მოხსენებანი, ბაკუნინისა, მარქსისა და მრავალ სხვათა;—ეს მოხსენებანი განირჩეოდენ ერთმანეთისაგან, მაგრამ ამითი კიდევ უფრო წინ მიდიოდა სოციალიზმის საქმე, უფრო ირკვევოდა კითხვა. ამასთანავე არსებობდა მაშინდელ ყველა ეროვნებათა მუშათა შორის ისეთი მჭიდრო კავშირი, რომ მსგავსი რამ ეხლაც სანატრელია ჩვენთვის,—და მხოლოდ იმიტომ, რომ არც ერთ პარტიას არა ჰქონდა პრეტენზია რომ მთელ მუშათა კლასს იგი შეჰკრეფდა, ერთ ყალიბში ჩამოასხამდა ყველა მიმდინარეობას მთელი ქვეყნის მუშათა კლასში. ინტერნაციონალისათვის ჯერ თვით მუშათა კლასი იყო, მისი თვით-მოქმედება და თავისუფალი მოძრაობა, მერე კი პარტია რომელიმე მიმდინარეობის გამომხატველი—შემდეგ კი კავშირი და საერთო მოქმედება ყველა პარტიათა და მუშათა-ორგანიზაციებისა. დღეს კი ბევრს ჰგონია, რომ ჯერ პარტია უნდა იყოს, და მერე შიგ გამომწყვდეული მუშები. ცხადია დიდი განსხვავებაა ამ ორ პრინციპთა შორის.

ამგვარად მე 60-ცე წლებში მზადდებოდა უდიდესი ძალა-მუშათა, რომელმაც უარ-ჰყო სახელმწიფო თავისი საზღვრებითა და ეროვნული შოვინიზმით, უარ-ჰყო ბურჟუაზია და სკდილობდა მის ექსპროპრიაციას დიდი სოციალური რევოლიუციით. ამგვარად იზრდებოდა სრულიად ახალი საზოგადოება გარეშე სახელმწიფოსა და ბურჟუაზიისა, რომელსაც უნდა დაემხო ძველი თავისივე--თვით მოქმედებით და ამავე თვით მოქმედებით უნდა აეშენებინა ახალი საზოგადოება შრომისა და თავისუფლებისა ბურჟუაზიისა და სახელმწიფოს ნანგრევებზედ. თვით მომავალ საზოგადოების ორგანიზაციას ეთანხმებოდა ორგანიზაცია ინტერნაციონალისა, თვით-მოქმედი გრუპპები და ფედერაციები მუშადა, მათი საერთაშორისო კონფედერაცია გარეშე სახელმწიფოსა და ეროვნებისა; თვით მომავლის შთანაჩენი იყო ინტერნაციონალი და ამითი ჰქონდა მას ძალა, იმისი ეშინოდა ბურჟუაზიას.

მაგრამ პარიზის საუკეთესო პროლეტარიატის დახმავებელ კომმუნის დროს 1871 წელში, ერთის მხრივ, და მეორეს მხრივ სახელმწიფო ელემენტის გამოჩენამ თვით ინტერნაციონალში დაჰლუპა ინტერნაციონალი. პარიზის პროლეტარიატი სულის ჩამდგმელი იყო ინტერნაციონალისა. ტყვილა კი არ ამბობდენ ხოლმე ამ დროს: ინტერნაციონალი დაიბადა პარიზის ქაჩხ-წებში და ლონდონში ნაპოლენონ მესამის შიშით საძიძაოდ გააბარესო. პარიზის პროლეტარიატის ამოკლევით ინტერნაციონალს ნახევარი სიცოცხლე მოაკლდა.— ამასობაში მარქსისტებმა მოიწადინეს თვით პრინციპის გამოცვლა ინტერნაციონალისა. ინტერნაციონალს ესმოდა პოლიტიკური ბრძოლა, როგორც ბრძოლა სახელმწიფო დაწესებულებათა წინააღმდეგ, და მარქსისტებმა კი გადაასხვაფერეს ეს პრინციპი და დაიწყეს ამ აზრის გატარება: რადგანაც ყოველივე ეკონომიური ბრძოლა პოლიტიკური ბრძოლაა არის, მაშასადამე გაუმარჯოს კანონიერ ბრძოლას, კანონმდებლობაში მონაწილეობის მიღებას, ლეგალიზმსაო, და 1872 წლის ჰააგის კონგრესსზედ კიდევაც გაიყვანეს ეს აზრი, — რა ზომებით კი, ეს თვით სინიდისიერ მარქსისტთა ვკითხოთ!.. აქედამ იწყება ინტერნაციონალის დაშლა. ძველი პრინციპის მიმდევრებმა რასაკვირველია არ დაუჯერეს ჰააგის კონგრესსის გადაწყვეტილებას, და „გამორიცხულმა“ ბაკუნინმა, რომელმაც თავისი მხრივ მარქსისტები „გამორიცხა“, მთელი თავისი ყურადღება ცნობილ „იურის ფედერაციას“ მიაპყრო, სადაც იმ დროს იკრიბებოდენ საუკეთესო სოციალისტური ძალები მთელი საფრანგეთ-შვეიცარიისა-იტალიისა. გარდა ამისა საზოგადო საბჭომ მოინდომა მთავრობად გადაქცეულიყო, ცენტრალურ კომიტეტად, — ცნობის ბიუროს მაგივრად. ამან გამოიწვია საშინელი პროტესტი მუშათა მხრივ. დაიშალა ინტერნაციონალი, საზოგადო საბჭო ნიუ-იორკში გადაიტანეს „ინტერნაციონალის“ მოსაკლავად, როგორც ამბობდენ მაშინდელი მუშები, და შემდეგ, დაინახეს-რა, რომ

ამ გადატან-გადმოტანით არაფერი გამოდის, ფილადელფიის კონგრესსზედ 1876 წელს, მარქსისტებმა გამოაცხადეს ინტერნაციონალის დაშლა ოფიციალურად.

მას შემდეგ შესდგენ და იზრდებიან ს.-დემოკრატიების პარტია და ანარქიზმი, ორი შვილი დიდი ინტერნაციონალისა. — პირველი კანონიერებით, მეორე ინტერნაციონალის დიდი პრინციპით: — მუშათა განთავისუფლება უნდა მოხდეს თვით მუშათა მიერ, მისი თვითმოქმედებით, გარეშე სახელმწიფოისა და კანონიერებისა. მასუკან სულ სხვა და სხვა გზით მიდის ეს ორი მიმართულება. პირველი ნამდვილ პოლიტიკურ კანონიერ პარტიად გადიქცა, მათი ორგანიზაციებიც არას წარმოადგენენ გარდა „წესიერების“ და „არჩვენების პარტიისა“, მეორე ამზადებს მუშებს დიდი სოციალური რევოლუციონისათვის და ორგანიზაციებსაცა ჰქმნის ინტერნაციონალის ტრადიციების მიხედვით. ისპანიის მუშებს თავის ჯღეში არ უღალატნიათ ინტერნაციონალის პრინციპისათვის. ამითი აიხსნება იქ მუშათა ორგანიზაციების სიძლიერე და შედარებითი გაუმჯობესება მათი ხვედრისა მუდმივი რევოლუციონური ბრძოლითა და კანონიერების უარ-ყოფით. იტალიაში უმეტესი ნაწილი მუშათა ორგანიზაციებისა თვით-მოქმედ სინდიკატებს ეკუთვნის. ჰოლლანდიაში კიდევ უფრო ძლიერია სინდიკალიზმი, რომელიც პირდაპირაა აგებული ინტერნაციონალის გეგმაზედ. საფრანგეთში მუშათა მოძრაობა ეხლა ნამდვილი უარ ყოფაა პოლიტიკანიზმისა და დაბრუნება ინტერნაციონალისაკენ. ამერიკაში, ჩრდილოეთშიდაც და სამხრეთისაშიდაც, თავისუფალი სინდიკალიზმია ერთად. ერთი მოძრავი ელემენტი მუშათა კლასში. ინგლისში ინტერნაციონალის დანგრევის შემდეგ ვერც სოციალ-დემოკრატიულმა ლეგალიზმმა მოიკიდა ფეხი და ვერც ანარქიზმმა, მაგრამ ამისი მიზეზები ბევრი იყვნენ, რომელთა ჩამოათვლას აქ ვერ შევუდგები. ვიტყვიტ მხოლოდ, რომ თვითმოქმედებას მიჩვეული ინ-

გლისის მუშათა კლასი უფრო მეორეს მიემხრობა, ვიდრე პირველს, რადგანაც ის ენტუზიაზმი, რომლითაც ინგლისის მუშები მიეგებენ საერთო გაფიცვის იდეას, ბევრს კარგს არას მოასწავებს საპოლიტიკო ლეგალიზმისათვის. გერმანიაშიდაც კი შეირყა ამ ბოლო დროს ს. დ.—თა ლეგალიზმის პრინციპი. დრ. ფრიდებერგმა მრავალი მუშა მიიმხრო ბერლინში და შეადგინა ანარხო-სოციალისტთა პარტია. საზოგადოდ—ვამჩნევთ, რომ ლეგალიზმს სრულიად დაეკარგა კრედიტი ამ ბოლო დროს. ჯერ ერთი იმიტომ რომ პრაქტიკულად სრულიად გამოუდგარი ყოფილა, — რეფორმებს ვერ ახორციელებს და წვრილ რეფორმათა მოსაპოვებლადაც მუშებს თვითმოქმედება და ქუჩის ბრძოლა სჭირდებათ, მეორე—თვით ახალ ორგანიზაციათა შექმნამ დაარწმუნა მუშები, რომ მართალი ყოფილა ძველი ინტერნაციონალის პრინციპი მუშათა თვით მოქმედების შესახებ; შეამუშავებინა ახალი თეორია საყოველთაო გაფიცვისა, და აღადგინა ძველი ინტერნაციონალი. საყოველთაო ამომრჩევლობითმა უფლებამ კრედიტი დაჰკარგა, იგი მუშებს ვეღარ აკმაყოფილებს; ეს პრინციპი, როგორც სხვა დემოკრატიული პრინციპი, მოსცილდა სოციალიზმს, სოციალიზმში გამოეყო დემოკრატიზმს, გამოეყო სახელმწიფოს, და ეს-ლა როგორც მე-19 წლებში, ევროპის მუშათა კლასის იცვ ერთდება, ისევ გამოდის ცალკე, როგორც მწარმოებელთა დიდი რევოლუციონური ძალა, თვითმოქმედი და შეკავშირებული გარეშე სახელმწიფოსა და ბურჟუაზიისა; იგი დამხობით ემუქრება ერთსაც და მეორესაც. ეს მოძრაობა ყველა ქვეყნებში მკვდრეთით აღდგენა ინტერნაციონალისა.

ინტერნაციონალის დაშლის შემდეგ, როგორც მრავალჯერა ვსთქვით, მარქსისტებმა მიმართეს ძველ ტაქტიკას—კანონიერ მოქმედებას. ანარხისტებმა ახალი ტაქტიკის შემუშავებას მიჰყვეს ხელი. ძველი ინტერნაციონალის კონგრესის ანგარიშებშიდაც ნახავს კაცი საერთო გაფიცვის იდეას. საქმე ის არის

რომ ნამდვილი შინაარსიანი კონგრესები ინტერნაციონალს ჰქონდა 1866—1869-მდის, და რომ დასკოლდა, ვინ იცის რამდენი დიადი პრინციპის შემუშავება შეიძლებოდა მთელი ქვეყნის მუშათა კუუს საერთო ამოძრავებით; ინტერნაციონალმა ვერ მოასწრო საერთო გაფიცვის თეორიის შექმნა. ამერიკის ანარხისტ მუშებმა შექმნეს იგი და შეიმუშავეს. 1885 წელს პიტსბურგში შეიკრიბნენ ამერიკის მუშების წარმომადგენლები ამ კონგრესზედ უმთავრეს როლს თამაშობდა ეგრედ წოდებული International Working men's Association, რომელიც თითქმის ანარხისტული ორგანიზაცია იყო. აქ იყო გადაწყვეტილი, რომ რადგანაც შეერთებულ შტატებში არ იყო საათის სამუშაო დღე, — გამოეცხადებიათ შეერთებული შტატების მუშებს საერთო გაფიცვა 1 მაისს 1886 წელს; რომ თავისივე ბრძოლით მოეპოვებიათ ეს უმთავრესი ეკონომიური რეფორმა. მოვიდა 1886 წელიც. დადგაპირველი მაისი. მთელი შეერთებული შტატების მუშები ფეხზედ იყვნენ 8 საათის სამუშაო დღის მოსაპოვებლად. ნიუიორკში, ბოსტონში, ნიუ-ორლეანში, სანფრანცისკოში და სხვაგან უმეტეს ნაწილად მოიპოვეს მუშებმა 8 ს. სამუშაო დღე. ბევრგან სისხლისღვრაც მოხდა. ჩიკაგოში კი ყველაზედ უფრო გაჯიუტდა ბურჟუაზია. პოლიციამ საშინელი მძვინვარება დაიწყო, შეკრებასაც აღარ ანებებდა მუშებს. 3 მაისს 1886 წელს ჰეიმარკეტზედ მუშებს კრება ჰქონდათ, იყვნენ იქ ანარხისტები, მუშათა მოძრაობის სულის ჩამდგმელნი ჩიკაგოში: შპისი, ენგელი, ლინგი, ფილდენი, შვაბი, ნეებე და ფიშერი. ლაპარაკის დროს პოლიციელთა რაზმი დაეცა მიტინგს, მაგრამ ისროლეს ამ დროს ბომბი და მოჰკლეს ერთი პოლიციელი, დასჭრეს მრავალი და გაფანტეს დანარჩენი, მაგრამ მალე მოვიდა პოლიციელთა მეორე ჯგუფი, დაერია ხალხს და ცემა-ტყეპით გარეკა. მთავრობასაც ეს უნდოდა: დაიჭირეს ანარხისტები, და მათი ამხანაგი ალბერტ პარსონსი, რომელიც თვითონ არც კი იყო ამ დროს

ჩიკაგოში, არამედ შემდეგ მოვიდა და შეუერთდა თავის მოძმეებს,—იულებს ჩააბარა თავისი თავი ნებით. ბოშბარც ერთმა თვანს არ უსვრია, ეს სასამართლოში გამოირკვა, მაგრამ ვერაგმა მთავრობამ მინც დაახრჩო შპიზი, პარსონსი, ენგელი და ფიშერი. ლინგი რომ მიჰყავდათ სახრჩობელაზედ, სიგარა ანთო, რომელშიდაც დინამიტრი იყო და თვითაიფეთქა თავი. ფილდენს, შვებსა და ნეებს კატორგა გადაუწყვიტეს, და მხოლოდ შემდეგ გაანთავისუფლეს, როდესაც გუბერნატორმა ოლტგელდმა დაამტკიცა მათი უდანაშაულობა და მთავრობის სიყალბე და დანაშაული. შესწირეს გმირებმა თავი, მაგრამ ამოდ არა: ჩიკაგოშიდაც ბევრ ქარხნებში მიიღეს მსათის საშუაო დღე. ამით ვათავდა ეს პირველი დიდი საყოველთაო გაფიცვა, რომელიც ანარხისტების სისხლით არის მონათლული. მასუკან გადმოვიდა ეს მუშათა იდეა, მუშათა თვითმოქმედების იდეა ამერიკიდან ევროპაში 1 მაისის დღესასწაულთან ერთად.

გასაკვირველი არ არის, რომ ევროპის მუშა ხალხი ამას დიდის ენტუზიაზმით შეხვდა. ესპანიაში მყისვე მიიღეს ეს აზრი და დაიწყეს საყოველთაო გაფიცვის ხმარება, როგორც საუკეთესო საბრძოლველი იარაღისა. მალე მან წაყოფიც გამოიღო და შემდეგ კი მართლაც საუკეთესოდ დააჯილდოვა ისპანიის პროლეტარიატი. საფრანგეთში ს. დ.—ებმა დიდის ექვის თვლით შეჰხედეს ამას, რადგანიც ხალხის მიერ შემუშავებული აზრი საერთო გაფიცვისა რაღაც ძლიერ ეწინააღმდეგებოდა პარლამენტარიზმს, კანონიერ მოქმედებას; სადაც კი იყვნენ გედისტები მუშათა ორგანიზაციებში, უარ-ჰყვეს საყოველთაო გაფიცვა, ამით მოიმდურეს მუშები და 1888 წლიდან, როდესაც ბორდოს კონგრესზედ არისტიდ ბრიანმა პირველად წარადგინა საერთო გაფიცვის პროექტი, სოციალდემოკრატებმა იწყეს გამოსვლა მუშათა ორგანიზაციებიდან და ბოლოს და ბოლოს სულ გარეშე დარჩენ. თვით ბრიანი კი თუმცა გატაცებული იყო,—როგორც ის, ისე თვით ჟორესი

და ბევრი ჟორესისტი, საყოველთაო გაფიცვით, მაგრამ იგი იყო მშვიდობიან საერთო გაფიცვის მომხრე. დღეს კი მინისტრად ბრძანდება.

მუშები კი 1888 წლიდან 1905 წლამდე, როდესაც სდგე-ბოდა საფრანგეთის „შრომის საერთო კონფედერაცია“, თან და თან იმუშავებდნენ რევოლუციონერ საერთო გაფიცვის თეორიას; ერთ-ერთ ამ საერთო გაფიცვის დროს **ზურჟუაზის ექსპროპრიაცია უნდა მომხდარიყო**, და რასაკვირველია ჟორესისტებმა მალე დაინახეს ამგვარი იდეის სრული წინააღმდეგობა პარლამენტარიზმთან და მალე თავი დაანებეს მან „პარლამენტის უმეტესობა“ — აი რა არის ერთად ერთი საშუალება, გაიძახის ეხლა ჟორესი, როგორც უკვე ვსთქვით. „კონფედერაციამ“ კი მთელი თეორია შეჰქმნა საყოველთაო გაფიცვის და მასზედ დაამყარა მთელი თავისი მოქმედება. იგივე მოხდა სხვა ქვეყნებშიდაც. სოციალ-დემოკრატია ყველგან წინა-აღმდეგა ამ იდეას. და სხვანაირად არც კი იქმნებოდა. პარტია, რომელიც ინტერნაციონალში და შემდეგ, განსაკუთრებით ციურინის 1893 წლისა და ლონდონის 1896 წლ. კონგრესსებზედ სცდილობდა რაღაც სოციალისტური დიქტატურა, სოციალისტური შთაფრობა შეექმნა მთელი ევროპის მუშათა კლასის კანონიერ გზაზედ დასაყენებლად, ვერ მიიღებდა საყოველთაო გაფიცვას, რომელიც ბოლოს და ბოლოს სრულიად განდევნიდა ლეგალიზმს მუშათა მოქმედებიდან. ს.-დ.— იამ მუშების ჩამოშორება არჩია საერთო გაფიცვას. ასე მოხდა საფრანგეთში, ამერიკაში, ჰოლლანდიაში, ისპანიაში, იტალიისა და ბელგიის ძლიერ ბევრ ორგანიზაციებში. გერმანიაზედ ხომ ლაპარაკიც მეტია: კონგრესსი არ ყოფილა ისე გერმანიაში, რომ საერთო გაფიცვის ანათემა არ წარმოეთქვას. პარტიას. უკანასკნელ ს. დ. საერთაშორისო კონგრესსზედაც დაჰმეს „ანარხისტული“ საყოველთაო გაფიცვა ამსტერდამში, ამავე წლის საფრანგეთის ს.-დ. კონგრესსზედ ლილ-

ში იგი დაჰგმეს აგრეთვე. მაგრამ როცა დაინახეს, რომ მუშე-
ბი ძლიერ გაიტაცა საყოველთაო გაფიცვამ, როცა დაინახეს
რომ საყოველთაო გაფიცვას ნაყოფი მოაქვს, როცა დაინახეს,
რომ ს.-დ.—ის ჩამოშორებით მუშებს არა დაჰკლებიათ—რა, მა-
შინ ორი შესანიშნავი მოვლენა მოხდა.ს.-დ. ბანაკში. 1) საუკე-
თესო ს.-დ.—ები სინდიკალიზმს მიემხრენ, თუმცა ბევრი ძლიერ
პატიოსანი მიზნით კი არა: საფრანგეთში ლაგარდელი, ბერ-
ტი და მათი მასწავლებელი სორელი, იტალიაში არტურო
ლაბრიოლა, გერმანიაში ფრიდებერგი პირდაპირ გაანარხისტ-
და, რუსეთშიდაც პოსსემ უღალატა მართლმადიდებლობას და
მარცხნივ გადიწია; ფრანგი ბერტი კი რაღაც მარქსისტულ ანარ-
ქიზმზედაც ლაპარაკობდა ასე გასინჯეთ!.. 2) ს.-დ.—ებმა ბო-
ლოს და ბოლოს მიიღეს „პოლიტიკური საყოველთაო გა-
ფიცვა“. მაგრამ ვნახოთ რა არის ეს ს.-დ.—იული „პოლიტი-
კური გაფიცვა“? ანარხისტების საყოველთაო გაფიცვა, ამბო-
ბენ ს.-დ.—ები, უტოპიურია, რადგანაც მათ უნდათ ყველა
მუშები გაიფიცონ გამოუკლისად,—ეს კი შეუძლებელია, რა-
დგანაც მუშათა კლასის მხოლოდ უმცირესი ნაწილია შეკავ-
შირებულთა, და თუ კი მოსახერხებელია ეს საყოველთაო გა-
ფიცვა, მაშინ საყოველთაო გაფიცვა რაღა შეუშია, — სოციალურ
რევოლიუციად გადიქცევა მოძრაობაო. პოლიტიკური გაფიც-
ვა კი, როდესაც მუშებს უნდათ დაიცვან თავის პოლიტიკური
უფლებანი, ან განათართოვონ იგინი,—ეს სულ სხვაა, ესა-
გვრწამსო. მაგრამ ეს არგუმენტი კი არა, პირდაპირი უაზრო-
ბაა,—მაპატიეთ ეს სიტყვა. არც ერთი ანარხისტი და სინდი-
კალისტი არ ამბობს—საყოველთაო გაფიცვა ყველა მუშებისა
და ყველა ქარხნების გაფიცვააო. ეს მგონი უფრო კაუცკისა
და პლენანოვის მოგონილი ქორია, ვიდრე ანარხისტთა და
სინდიკალისტთა „უტოპია“. ის დიდი გაფიცვა, ანარხისტებს
რომ უნდათ; სოციალური რევოლიუცია იქმნება, და არა
გაფიცვაო! დიახ, ამაშიდაც არის საქმე. იმდენად უნდა ივარ-

ჯიშოს მუშათა კლასსა, ისეთი ძლიერი ორგანიზაციები უნდა შექმნას, იმდენად უნდა იყოს მუშათა კლასის სწორედ საერთო გაფიცვებით გაჩვეული თვითმოქმედებას, რომ ერთ დროს დიდი საყოველთაო გაფიცვით უნდა დაიწყოს სოციალური რევოლიუცია, რომელიც დახასიათდება არსებულ დაწესებულებათა ძალით განადგურებითა და ბურჟუაზიას ექსპროპრიაციით, თორემ სოციალური რევოლიუცია პირში არ ჩაუვარდება პროლეტარიატს არც კანონიერი მოქმედებითა და არც გერმანული პოლიტიკური ქვიეტიზმით. დღეს კი სავარჯიშოდ მუშებს სწორედ საყოველთაო გაფიცვა აქვს. ეს არის ვარჯიშობა თვითმოქმედებისა, რომელსაც მუშათა კლასს თავის დღეში ვერ მისცემს პარლამენტარიზმი. დიახ, სოციალური რევოლიუცია დაიწყება დიდი საყოველთაო გაფიცვით, და ამ დასაწყისს წინ უნდა უძღოდეს მუშათა თვითმოქმედება მრავალ საყოველთაო გაფიცვებითა და არა პარლამენტარული კანონმდებლობით, — აი რას ვამბობთ ჩვენ. ამგვარ საყოველთაო გაფიცვას ს.-დ-ები უარ-ჰყოფენ. უარ-ჰყოფენ აგრეთვე წვრილ რეფორმათა მოპოვებას საყოველთაო გაფიცვით, მაგრამ ამის წინააღმდეგ თვით ფაქტებია, და ამ ბოლოს დროს, სადაც კი გაუუმჯობესებიათ მუშებს თავისი ეკონომიური მდგომარეობა — სწორედ საყოველთაო გაფიცვით. ს.-დ-ებს სწამსთ „პოლიტიკური საყოველთაო გაფიცვა“, ეკონომიურ საყოველთაო გაფიცვას კი ჰგმობენ. მაგრამ განა პოლიტიკური საყოველთაო გაფიცვა პოლიტიკურ რეფორმათა მოპოვების სურვილს არ მოასწავებს? მაშინ ს.-დ-ები ძლიერ ლალატობენ ლოლიკას, რადგანაც პოლიტიკური რეფორმის მოპოვება ყოველთვის უფრო ძნელია, ვიდრე ეკონომიური წვრილი რეფორმისა, მაშასადამე თუ ეკონომიური საყოველთაო გაფიცვა ძნელია, ათასჯერ უფრო ძნელია პოლიტიკური, და ს.-დ-ებიც სიძნელის მიზეზით ვერ უარ-ჰყოფენ ეკონომიურ საყოველთაო გაფიცვას. მეორე, — ისევ უნდა განვიმეოროთ, რომ

საყოველთაო გაფიცვისათვის, ეკონომიურია იგი პოლიტიკური, საქირაა მუდმივი რევოლუციონური ვარჯიში კერძო საყოველთაო გაფიცვებით, და ეს ვარჯიშობა სწორედ უარყოფილია. ს.დ—იული პარლამენტარიზმის ნაცვლად. მესამე—ანარხისტები სრულიადაც არა ჰყოფენ უარს პოლიტიკურ უფლებათა მოპოვებას საერთო გაფიცვის საშუალებით; მხოლოდ კი ეს უფლების მოპოვება უნდა იყოს ძველი შეზღუდვის მოსპობა და თანაც თვით მოძრაობის არა შეჩერება ახალი მონობით, არამედ მისი განვითარება. მაგალითად 1902 წელს ბელგიაში დიდი საყოველთაო გაფიცვის დროს, სწორედ სოციალ-დემოკრატებმა უღალატეს გაფიცვას, რადგანაც გაფიცვის შედეგი საყოველთაო ამომრჩევლობითი უფლება უნდა ყოფილიყო მათი ანგარიშით, ანარხისტები კი ქუჩაში იბრძოდნენ რევოლუციის განსაფართოვებლად, და სხვა რაც თუ გინდ არა სთქვან, ს.დ—ების მხრივ „პოლიტიკური საყოველთაო გაფიცვის“ მიღებაც დიდი დათმობაა და მასთანაც კრიტიკას ვერ უძლებს; გარდა ამისა ამან ცუდ მდგომარეობაში ჩააყენა ს.დ—ები, რადგანაც საყოველთაო გაფიცვა საზოგადოდ და ს.დემოკრატიული პარლამენტარიზმი სრული წინააღმდეგია ერთიმეორის: ერთია ხალხის თვითმოქმედება, მეორე მთავრობის მოქმედება, და როგორ უნდა აღიარო ერთი, რომ მეორე არ უარ-ჰყო? ამითი აიხსნება ზემოხსენებულ არგუმენტების სისუსტე საერთო გაფიცვის წინააღმდეგ ს.დ—თა მხრივ და მაფი „პოლიტიკური გაფიცვა“. ეს კარგად იცოდნენ ლაბრიოლამ, ლაგარლელმა, ფრიდბერგმა, პოსსემ, და ზოგიც გულწრფელად, ზოგიც ვინ იცის რამიზნით, პირდაპირ შეუერთდნენ საყოველთაო გაფიცვის მომხრეთ და უარ-ჰყვეს „პარლამენტარული კრეტინიზმი“, მიუხედავად იმისა, რომ ისინი უფრო მარქსისტები იყვნენ, ვიდრე ანარხისტები.

ანარხიული საყოველთაო გაფიცვა მართლაც და საშიშა

რი არაფერია. აი მოკლედ თეორია საყოველთაო გაფიცვისა, რომელიც შეიმუშავეს განსაკუთრებით საფრანგეთის სინდიკატისტებმა: თანამედროვე წარმოების მრავალნაირი დარგნი, ამბობენ ისინი, ისე არიან ერთმანეთზედ უდახლართულნი, აგრეთვე მრეწველობასა და მეურნეობას ისეთი მჭიდრო კავშირი აქვს ერთმანეთში, რომ შეუძლებელია ერთი რომელიმე დიდი წარმოების დარგის დეზორგანიზაცია, რომ ამან არ გამოიწვიოს სხვა მრავალ დარგთა დეზორგანიზაცია: გაფიცვა, მაგალითად, უმთავრეს სამრეწველო და სამეურნეო დარგთა მუშებისა: რკინის გზებისა, გემზედ მოსამსახურეთა, სანოვაგის მშაღებელ მუშათა, სოფლიდან ჭირნახულის შემომტანთა, სოფლის პროლეტარიატისა, ქვა-ნახშირის მემადნეებისა და სხვ. — გამოიწვევს თითქმის მთელი ნაციონალური წარმოების დეზორგანიზაციასო. ამიტომაც არის საჭირო, რომ ამ წარმოების დარგთა მუშები მჭიდროდ იყვნენ შეკავშირებულინი და, როდესაც საჭირო იქნება, გამოაცხადონ საყოველთაო გაფიცვა კაპიტალიზმის დეზორგანიზაციისათვის და რეფორმების ჩამოგლეჯისათვის. მაგრამ რადგანაც შეკავშირებული პროლეტარიატის რიცხვი რაც მეტი იქნება ისა სჯობია საერთო ბრძოლის გასაწევად, ამიტომ ყოველ სოფელში და ქალაქშია საჭირო შექმნა ცალკე ორგანიზაციებისა, რომლებიც უმთავრეს წარმოების დარგთა მუშებს შეუერთდებან. მათი საყოველთაო გაფიცვა კი სრულიად შეაჩერებს კაპიტალიზმის მხანჩობას. მეორეს მხრით — სახელმწიფო რადგანაც დამცველია კაპიტალიზმისა და ჯარი და პოლიცია ყოველთვის კაპიტალისტების მხარეზედ იქნება, საჭიროა მუშათა შეიარაღება და ტექნიკური მომზადება, რომ ყოველ შემთხვევაში ჯარსა და პოლიციას წინააღმდეგობა გაუწიონ. თუ კი განსახლებული ტერიტორიის ყოველ კუთხეში მოხდება გაფიცვა და აჯანყება, მაშინ მთავრობა იძულებული იქნება ჯარიდანაწილოს და პროლეტარიატს ადვილად შეუძლია მისი და-

მარცხება. თუ მთავრობა სათადარიგო ჯარს შეიარაღებს, მაშინ წააგებს, რადგანაც ესენი ყველა მუშებია თითქმის, ისინი თვითონ იქმნებიან გაფიცულთა რიცხვში და მაშასადამე ამითი მთავრობა თავის დასაკლავ დანას გამოაჩხრეკს.—იქ სადაც ჯარი შეგროვილია და მათი იმედი არ არის,—დინამიტი და ბომბი პირველი წამალია მათ წინააღმდეგ, რადგანაც მეცნიერება მთავრობის მონოპოლია არ არის. გარდა ამისა ანარხისტებმა დააარსეს შარშან-წინ ანტიმილიტარისტული ინტერნაციონალი. მთელი ევროპა მოიფინა სექციებით, რომელთა საქმეც იქმნება ანტიმილიტარისტული პროპაგანდა ჯარის კაცებში და ახალგაზრდა მუშებში, რომ ბოლოს და ბოლოს სალდათებშიც გაფიცვებისა და რევოლიუციის დროს პროლეტარიატს საიმედო მეგობრები ჰყავდეს. როდესაც პროლეტარიატის ორგანიზაციები ძლიერი იქმნება,—და ამისათვის დიდი და მუდმივი მზადებაა საჭირო,—როდესაც უმთავრესი წარმოების დარგები მაინც იქმნება მჭიდრო ორგანიზაციებად შეკრული, მაშინ შეიძლება რომელიმე ქვეყანაში გამოცხადდეს საყოველთაო გაფიცვა, რომელსაც შეიძლება მოჰყვეს სოციალური რევოლიუცია, ე. ი. შეიძლება **საყოველთაო გაფიცვით დაიწყოს სოციალური რევოლიუცია**. არავინ არ იცის, როდის დაჰკრავს სოციალური რევოლიუციის ზარი, **მაგრამ მისთვის იდეური და ტექნიკური მუდმივი მზადება კი საჭიროა პროლეტარიატისათვის**. აი ეს მზადება, ეს ვარჯიშობაც გამოიხატება ყოველდღიურ ბრძოლაში და რომელიმე ერთი ან რამოდენიმე წარმოების დარგის მუშათა საყოველთაო გაფიცვით. საყოველთაო გაფიცვები ისპანიაში, იტალიაში და ამერიკაში, სადაც ბევრი რეფორმები მოიპოვეს ბრძოლით, მაგალითია ამგვარი მომზადებისა; „საჭიროა კანტორების“ მოსპობა საფრანგეთშიც საყოველთაო გაფიცვის საშუალებით საუკეთესო მაგალითია მისი, რომ ანარხისტები „კანონის მოსასპობადაც“ იბრძვიან, ე. ი. **პოლიტიკურ** გაფი-

ცვას აცხადებენ. 8 საათის სამუშაო დღე, პოლიტიკური რეფორმის შემოღება და სხვ. მისაღწევია აგრეთვე საყოველთაო გაფიცვით, რამდენადაც კი შეიძლება ამა თუ იმ დროს გაფიცვა საყოველთაო იყოს. ბოლოს კი დიდი საყოველთაო გაფიცვა, რომლისთვისაც პატარა საყოველთაო გაფიცვებით **ემზადებიან**, იქმნება დასაწყისი სოციალური რევოლუციისა, რომლის დროსაც მოსპობენ სახელმწიფოს, დაისაკუთრებენ მუშები საწარმოო საშუალებათა და მოაწყობენ წარმოებას. ასე რომ, საყოველთაო გაფიცვა ბევრნაირია: საყოველთაო გაფიცვა წარმოების ერთი დარგისა, რომელიმე მცირე ეკონომიური გაუმჯობესების მოპოვებისათვის, საყოველთაო გაფიცვა რამოდენიმე დარგთა რომელიმე საერთო ეკონომიურ ან პოლიტიკურ რეფორმისათვის, დიდი საყოველთაო გაფიცვა, რომლითაც დაიწყება სოციალური რევოლუცია. არავინ არ ამბობს საყოველთაო გაფიცვა ნიშნავს ყველა მუშათა გაფიცვას, ან ყველა წარმოების დარგთა გაფიცვასო; სიტყვა „საყოველთაო“ ნახმარებია ჩვეულებრივად, — გამონაკლისები იგულისხმება. მაგალითად, რუსეთშიდაც იყო საყოველთაო გაფიცვები, და ეს იმას ნიშნავს, ყველა მუშები ყველა წარმოების დარგთა გაიფიცნენ, ან ყველა მუშები ორგანიზაციებში ოყო მოთავსებული? სრულიადაც არა, — და რაღას იძახიან მაშ ბ-ნ ს-დები „ანარხიულ უტოპიაზედ,“ როდესაც ძლიერ კარგად უნდა იცოდნენ, თუ რა არის ეს „ანარხიული უტოპია“? მიზეზი უკვე მოგახსენეთ: საერთო გაფიცვისა და პარლამენტარიზმის შეუთანხმებლობა, — ხან და ხან კი უვიცობა ჩვენი ლიტერატურისა! ამასაც მართლ-მადიდებლობა უკრძალავთ! რჯულის საქმეა, -სინდიკალის თავისუფლება! ასე ესმისთ დღეს საყოველთაო გაფიცვა სინდიკალისტებს, ასე ემზადებიან ისინი დიდი სოციალური რევოლუციისათვის, — მუდმივ ბრძოლაში ვარჯიშობით, — რომ რევოლუციამ მოუშაადებელთ არ მოუსწროსთ და უწინდებურათ აღარ მოსტყუდნენ. ორგანიზაცია

სოფელთა და ქალაქთა მუშებისა, ორგანიზაცია ცალ-ცალკე ხელობათა, შეერთება ამ ორგვარ ორგანიზაციებისა, კონგრესები და მუღმევი ბჭობა ექსპროპრიაციის შესახებ თვით მუშათა მიერ, კერძო ან საყოველთაო გაფიცვები, როგორც საყოველთაო რეფორმათა მოსაპოვებლად და გასაუმჯობესებლად მუშის და გლეხის ხვედრისა, ისე დიდი საყოველთაო გაფიცვის მოსამზადებლად, სოციალური რევოლიუციის დასაწყებად, როდესაც მუშები სამინისტროებში და ქალაქის საბჭოებში კი აღარ გაიქცევიან ადგილების დასაკავებლად და ახალი პოლიციის და ჯარის ხალხის წინაღმდეგ გასაყვანად, არამედ შიგ ქარხანაში, შიგ სოფელში და ქალაქში დარჩებიან, როგორც წარმოების მკოდნენი მოაწყობენ წარმოებას, როგორც შეგნებული სოციალისტები და რევოლიუციონერები სოციალისტურ საფუძველზე დაამყარებენ ახალ წარმოების წესს,—აი რა არის დღეს სინდიკალიზმის შინაარსი, თვითოეულ ქალაქში და სოფელში მოწყობილი წარმოებიდამ გამოვა მწარმოებელი კომუნა, და მათი ფედერაცია შექმნის განახლებულ კაცობრიობას. ეს არის იდეალი თანამედროვე თვითმომქმედ მუშათა უმეტესი ნაწილისა მთელს ევროპაში, გარდა გერმანიისა, სადაც მუშა სწორედ ს-დ.-ების კანონიერების წყალობითა და მუშათა უმოქმედობის მიზეზით 10—11 საათს მუშაობს დღეში, და სადაც ნახევარი აბსოლიუტიზმია გამეფებული მიუხედავად მრავალ ს-დ. დეპუტატისა რეისტაგში და 3,000,000 ამრჩევლისა!

თანამედროვე პრინციპი მუშათა ბრძოლისა და ორგანიზაციისა ინტერნაციონალის დიდი პრინციპია. ის ბრძოლა რომელიც იყო ინტერნაციონალში სახელმწიფო კოლლექტივიზმისა (მაშინ სახელები ასე იყო: თავისუფალი კოლლექტივიზმი (ბაკუნისი) და სახელმწიფო კომუნისიზმი (მარქსისი), და თავისუფალი კომუნისიზმის შორის, რევოლიუ-

ციისა და პარლამენტარიზმის შორის, დღევანდლამდის მოვიდა. კომმუნისმმა და რევოლუციამ სძლია სახელმწიფო კოლექტივიზმს და ძველ დემოკრატიზმს. ერთი ნაბიჯი კიდევ და ინტერნაციონალი აღსდგება მკვდრეთით მთელი თავისი სიდიადით, გაბრწყინებული და განსპეტაკებული. მაშინ დაეცემა უარესი ზარი პარიზელთა სისხლითა და გერმანელ ს-დ.-თა კანონიერებით დროებით დამშვიდებულ ბურჟუაზიას ლეგალიზმით. საფრანგეთის ბურჟუაზია. უკვე იჩენს მოუთმენლობას და შიშსა გრძნობს. რას მოასწავებდა მაშ მისი გალაშქრება პარიზის შრომის ბიჩვის წინააღმდეგ ბ.ბ. ლეზინისა და ექსანარხისტ-სოციალისტ-პოსსიბილისტ ბრუსის მეთაურობით? აშინებდა მას „კონფედერაციის“ მიერ გადაწყვეტილი (ბურჟის კონგრესსზედ უკანასკნელად) საერთო გაფიცვა. I მაისს¹⁾ 1906 წელს 8 საათის სამუშაო დღის მოსაპოვებლად?—მეტი განსაცდელიც უნდა მოელოდეს საფრანგეთის ბურჟუაზიას და მთელი ევროპის ბურჟუაზიასაც. ნუ დაივიწყებენ დიად რუსეთის რევოლუციას!..

საფრანგეთის სინდიკალიზმი საუკეთესო გამომხატველია ზემოხსენებული თავისუფალი მიმართულებისა მუშათა მოძრაობაში. დღეს მისი ორგანიზაციის პრინციპი—თავისუფალი ფედერაციაა სხვა და სხვა ხელობათა სინდიკატებისა და სხვა-

¹⁾ უნდა შევნიშნათ, რომ I მაისის „უქმე“, რომელიც ამერიკაში სისხლით შეიღება 1886 წელს, ევროპაში მართლაც „უქმედ“ გადიქა ს-დემოკრატების წყალობით. საფრანგეთში და იტალიაში პეტიციები დაიწყეს I მაისს, შემდეგ უბრალო სეირნობა და სიტყვები. გერმანიაში კი მხოლოდ სეირნობა და სიტყვები, თუმცა საფრანგეთშიაც და იტალიაშიაც ბურჟუაზიამ პირველად სისხლით შეჰღება ევროპინალის დღეები. I მაისი საერთო გაფიცვის დღეა, მასზედ ს-დ-ებს არავითარი უფლება არა აქვთ, რადგანაც ეს უტოლია მათი აზრით. საფრანგეთის სინდიკატებმა კი მოახდინეს ამ დიადი დღის რეაბილიტაცია თავისი გადაწყვეტილებით, ოცის წლის შემდეგ.

დასხვა ქალაქთა და სოფელთა შრომის ბირჟებისა, ორგანიზაცია—გარეშე სახელმწიფოსი, ბურჟუაზიისა და „პოლიტიკურ პარტიათა“; მათი მეთოდი ბრძოლისა, —პირდაპირი მოქმედება, საკუთარი ძალ-ღონით, —განსაკუთრებით საყოველთაო გაფიცვებით, და არა კანონიერებითა და პარლამენტარიზმით; მათი როლი, —შექმნა ნამდვილი, თვითმომქმედი შრომის პარტიისა, რომელმაც სოციალური რევოლუციით უნდა გარდაქმნას თანამედროვე საზოგადოება; მათი იდეალი, —უსახელმწიფო კომუნუნიზმი, —ანუ იგივე —ანარქიზ. ამნაირი ხასიათის არის დღეს საფრანგეთის სინდიკალიზმი, და ამიტომაც წარმოიდგენს იგი ისეთ დიდსა და უძლიერეს ზნეობრივსა, გონებრივსა და ფიზიკურ ძალასაც, რომლისაც დღეს საფრანგეთის ბურჟუაზიისა და სახელმწიფოს ეშინიათ და ეკრძაღვისთ. თანამედროვე სინდიკალიზმის ისტორიული განვითარება შემდეგ ნაირად მოხდა საფრანგეთში. ჩვენ არ შევუდგებით აქ მისი წარმოშობისა და განვითარების ისტორიას: ყველა იმ პირობათა მიხედვით, რომელთაც გამოიწვიეს მისი შექმნა; ეს ერთი ცალკე, ვრცელი გამოკვლევის საგანს შეადგენს, —ჩვენ მხოლოდ მოკლე ისტორიული მოთხრობით დაკმაყოფილებით ჯერ-ჯერობით.

დღეს სინდიკალისტების საერთო ორგანიზაციას ეწოდება „შრომის საყოველთაო კონფედერაცია“ (Confédération générale du Travail). იგი დაარსებულ იყო მონპელიეს კონგრესსზედ 1902 წელს. კონფედერაციის დაარსება მოხდა ორი დიდი მუშათა ორგანიზაციის შეერთებით; ერთი იყო ფედერაცია შრომის ბირჟებისა, რომელიც წარმოადგენდა მუშათა გეოგრაფიულ კავშირთა ფედერაციას, —მაგალითად იყო შრომის ბირჟა პარიზის, ლიონის, ტულუზის, ამიენის და სხვა. ამ ბირჟათა კავშირს ეწოდებოდა „ფედერაცია შრომის ბირჟათა“ (Fédération des bourses du Travail); მეორე იყო ფედერაცია სინდიკატებისა, ანუ ძველი კონფედერაცია შრო-

მისა, რომელიც წარმოადგენდა ხელობათა ორგანიზაციების კავშირს; იყო მაგალითად სინდიკატი მეჩქმეებისა, ასოთ-ამწყობთა, მექანიკოსთა და სხვ. ამ სინდიკატთა კავშირს ეწოდებოდა — კონფედერაცია. შრომისა მონპელიეს კონგრესსზედ ეს ორი ტიპის ფედერაცია შეერთდა აგრეთვე ფედერატიულად და გამოვიდა ამ საერთო ორგანიზაციისაგან დღევანდელი „საკოველთაო კონფედერაცია შრომისა“ — *Confédération générale du Travail*. დღეს მთელი საფრანგეთის სოციალისტური მოძრაობა ამ კონფედერაციაშია მოთავსებული. იგი შეიცავს 700,000 მეტ მუშას, რომელთა შორის უმცირესობა, განსაკუთრებით ასოთ-ამწყობები, უბრალო რეფორმისტებია კეიფერის თაოსნობით, დიდი უმეტესობა კი რევოლიუციონერები ანარხისტების თაოსნობით. ამ უკანასკნლებმა გააბატონეს დღეს „ბაკუნინის სოციალიზმი“ მთელი საფრანგეთის პროლეტარიატის შორის.

განვიხილოთ ცალ-ცალკე, მოკლედ, ისტორია ორივე ორგანიზაციისა, — შრომის ბირჟათა ფედერაციისა და შრომის კონფედერაციისა მათ შეერთებამდის ერთ დიდ კონფედერაციად.

შრომის ბირჟები თავდაპირველად წარმოადგენდენ უბრალო ადგილობრივ სინდიკატთა კავშირს. წევრები შედიოდენ ამ კავშირებში განურჩევლად პარტიულ რწმენათა და ეს იყო მიზეზი მათი განსაცვიფრებელი ზრდისა. გელისტების ორგანიზაციიდან აგრეთვე ამ ბირჟებში გადადიოდენ მუშები, რადგანაც იქ უფრო იყო დამოუკიდებელი თვითმოქმედების ასპარეზი, და ამან კიდევ უფრო გაზარდა შრომის ბირჟები. მთავრობას ამ შემთხვევაში ორი ტაქტიკა აქვს. ან მოსპობს ხოლმე მძლავრ ორგანიზაციებს, ან დააკანონებს და დახმარებას გაუწევს მათ, რომ თავის სასარგებლოდ გამოიყენოს; დაამშვიდოს „მღელვარე ელემენტები“. ასე იყო ისტორიის ქაბთა სრბოლაში და ეხლაც იმავე გზას დაადგა მთავრობა:

მან ამ ორგანიზაციებს მისცა სახლები, სუბსიდია და სხვა დახმარებანი. ამასთანავე მოინდომა ეს ორგანიზაციები სავაჭრო ბირჟებს დაემსავსებინა და ამიტომ უწოდა მას „შრომის ბირჟები“. თითქოს ბირჟებს სხვა ფუნქცია არ უნდა ჰქონოდათ, გარდა მუშა ხელის მოთხოვნისა და მიწოდების მოწყობისა. მაგრამ ამ ბირჟებს ბედმა სულ სხვანაირი ბრწყინვალე მომავალი მოუმზადა. ორგანიზაციები საესე იყო წმინდა სოციალისტური ელემენტებით, და ვიწრო პროფესიონალურ კავშირთა ფარგალში დარჩენა მათ არ შეეძლოთ. სენტ-ეტიენის კონგრესსზედ 1892 წელს ეს ბირჟები შეერთდნენ და შეადგინეს „შრომის ბირჟათა ფედერაცია“. ამავე კონგრესსზედ დაადგინეს მათ: 1) გამოყოფა მუშათა ორგანიზაციებისა სახელმწიფოსაგან, ბურჟუაზიისაგან და პოლიტიკურ პარტიათაგან, მუშათა შეერთება ეკონომიურ ნიადაგზედ, 2) სოციალისტური და რევოლიუციონური ბრძოლა სოციალიზმის იდეალის განსახორციელებლად. „შრომის ბირჟათა ფედერაციებს“ ჰქონდათ შემდეგი კონგრესები 1895 წლამდე: ტულუზაში 1893 წ., ლიონში 1894 წ., ნისში 1895 წელს და ყველგან იგივე იდეა გაატარეს.

ამგვარად „შრომის ბირჟათა ფედერაცია“ სულ სხვა გზას დაადგა, ვიდრე „სინდიკატთა ფედერაცია“, რომელიც გედისტებით იყო სავსე. ასტყდა საშინელი ბრძოლა ამ ორი განიზაციის შორის. მაგრამ ერთმა ამბავმა პირველად დააახლოვა იგინი. დახურა მთავრობამ პარიზის ბირჟა. მუშებმა საერთო მუშათა კონგრესი მოიწვიეს პარიზში, 1893 წ. ბევრი რამ გამოიკვა ამ კონგრესსზედ. სხვათა შორის საყოველთაო გაფიცვის კითხვა, რომელიც წამოაყენეს ბირჟებმა, ძლიერ მოეწონათ მუშებს; გედისტებმა იგი უარ-უყვეს, მაგრამ შემდეგ კონგრესსზედ ნანტში 1894 წელს, მუშათა უმეტესობამ მიიღო იგი, და „სინდიკატების ფედერაციამ“ დასტოვა კონგრესის დარბაზი. შემდეგ ეს უკანასკნელი ნელის

სიკვდილით მოკვდა, რადგანაც იგი ს. დ.-ების ხელში იყო, რომელთაც ვერ გაიგეს მუშათა კლასის ახალი მოთხოვნები.

შრომის ბირჟები ყველა თავის კონგრესებზედ მსჯელობდნენ იმ კითხვებზედ, რომელიც შირდაპირ ანტიერესებდა მუშათა კლასს, როგორც აწმყოში, ისე მომავალში. შრომის ბირჟების კონგრესები იმართებოდა ხოლმე იმავე წელს და იმავე ადგილს, როგორც სინდიკატების კონფედერაციისა, (ეს კონფედერაცია სხვა იყო, ვიდრე გელისტების „სინდიკატების ფედერაცია“). — ეს იმ მიზნით, რომ კონფედერაციაც ბირჟების გზაზედ დამდგარიყო. ტულუზის კონგრესზედ 1897 წ. ბირჟებმა აიძულეს კონფედერაცია მიეღო შემდეგი: უნდა ყოფილიყო ერთი საერთო კონფედერაცია, რომელშიდაც შევიდოდნენ: 1) ბირჟათა ფედერაცია, 2) ცალკე სინდიკატთა ფედერაციები, მაგრამ თვითოეულ მათგანს ექმნებოდა სრული ავტონომია: უნდა ყოფილიყო აგრეთვე საერთო კონფედერატიული კომიტეტი. მაგრამ შემდეგ წელს 1898, რენნის კონგრესსზედ საერთო კონფედერაცია ისევ ორ ნაწილად გაიყო და კონფედერაციის ევუბრალე სინდიკატების შემაერთებელ ცენტრად გადიქცა. ტურის კონგრესსზედ 1896 წელს შრომის ბირჟებმა განიხილეს თავიანთი როლი მომავალ საზოგადოებაში. ამითი მათ დიდი ნაბიჯი წარსდგეს მომავალი შემოქმედებითი გეგმის შემუშავებაში. ტულუზის კონგრესსზედ 1897 წელს, განიხილეს კითხვა მუშათა ერთი ქალაქიდან მეორეში გადასვლის დროს დახმარების შესახებ. შემდეგ კონგრესსზედ რენნში 1898 წელს ვრცელი გამოკვლევა შეადგინეს სხვადასხვა წარმოების დარგთა მდგომარეობისა სხვადასხვა ადგილას და პროექტი კი აღსრულებაში მოიყვანეს 1900 წელს, პარიზის კონგრესსზედ, როდესაც დაარსეს ცნობათა და სტატისტიკის „ნაციონალური ბიურო“. ამავე კონგრესსზედ შეიმუშავეს კითხვა პროფესიო-

ნაღორი აღზრდის შესახებ, შესახებ „შრომის მუზეუმის“ დაარსებისა, და განსაკუთრებით დაჰმეს პოლიტიკანობა, მილიერანის რეფორმიზმი და უფრო განამტკიცეს თავიანთი რევოლიუციონური სული და სოციალისტური მისწრაფებანი. ამჟვე კონგრესსზედ გადასწყვიტეს, მთლად გამოჰყოფოდენ სახელმწიფოსა და ბურჟუაზიას, უარ-ეყათ სუბსიდიები მთავრობისა, და უკვე 1902 წელს, აღვირის კონგრესსზედ, საბოლოოდ გადასწყვიტეს, —დაევალოს ფედერატიულ კომიტეტს შრომის ბირჟებისათვის სიკუთარი წყაროს გამონახვა, რომ სრულიად დამოუკიდებელი გახდენ სახელმწიფოსაგან და ბურჟუაზიისაგან. საზოგადოდ შრომის ბირჟების კონგრესსებზედ შემდეგი კითხვები ირჩეოდა ხოლმე: 1.) საურთი-ერთო დახმარება; 2.) განმანათლებელი დაწესებულებანი — ბიბლიოთეკები, მუზეუმები, სკოლები და სხვ. 3.) პროპაგანდა. 4.) „წინააღმდეგობის“ ორგანიზაცია, 5.) საყოველთაო გაფიცვა და სოციალური რევოლიუცია, 6.) მომავალი საზოგადოება და შრომის ბირჟები, და სხვ. ეს იყო შეერთება სოციალისტური პრაქტიკისა და და თეორიისა.

„მუშათა სინდიკატების ნაციონალური ფედერაცია“, რომელიც გედმა დააარსა 1887 წელს, და რომელიც ეკუთვნოდა „საფრანგეთის მუშათა პარტიას“ (Parti ouvrier Français), მალე მცკვდა, რადგანაც მხოლოდ სახელმწიფო ძალის ხელში ჩაგდება სურდა ამ პარტიას და სინდიკატები კი უბრალო ამომრჩეველთა რაზმებად უნდოდა გადაექცია. ამ ფედერაციას ჰქონდა კონგრესები მონპელიეში 1887 წელს, ბორდოში 1888 წელს, კალეში 1890 წელს, მარსელში 1892 წელს, ნანტში 1894 წელს, და ტრუაში 1895 წელს. ის მუშები, ვინც ეკუთვნოდენ არა გედისტურ ფრაქციებს, მალე წავიდნენ, განსაკუთრებით საყოველთაო გაფიცვის კითხვის გამო, და ფედერაციამაც მალე სული დალია.

ეს არის მოკლე ისტორია ამ ორი ფედერაციისა.

ორივე ესენი დიდი მტრები იყვნენ ძველი „შრომის კონფედერაციისა“, რომელიც დაარსებულ იყო ბლანკისტების მიერ 1891 წელში, და რომელშიდაც შეეძლოთ შესვლა ყველა მუშათა ორგანიზაციებს განურჩევლად პარტიულ რწმუნათა.

სინდიკატთა ნაციონალურ ფედერაციის“ სიკვდილის შემდეგ კონფედერაციას ერთი ძლიერი მტერი დარჩა, — შრომის ბირჟები. მაგრამ ეს უკანასკნელები სტდილობდნენ კონფედერაცია თავის გზაზედ დაეყენებინათ. როგორცა ვსთქვით, სწორედ ამ მიზნით ჰმართავდნენ ისინი ერთსა და იმავე ადგილს და ერთსა და იმავე დროს კონგრესებს, როგორც კონფედერაცია. ეს უკანასკნელი არაფერს არ წარმოადგენდა 1895 წლამდე, რადგანაც მისი წევრები უფრო ბლანკიზმის სიმბატეებით იყვნენ განმსჭვალულნი; მაგრამ როდესაც ლიმოჯის კონგრესსზედ მან მოინდომა ყველა ორგანიზაციების შეკრება, და თანაც სწორედ იგივე რევოლიუციონურ-ანარხიული პროგრამა მიიღო, როგორცა ჰქონდათ შრომის ბირჟებს, მაშინ იგი გაიზარდა მუშათა თვალში და მისი გავლენაც თან და თან იზრდებოდა. მან მიიღო სახელწოდება „შრომის საყოველთაო კონფედერაციისა“, და მოინდომა შრომის ბირჟების მიმხრობაც, მაგრამ შრომის ბირჟებმა არ ისურვეს ეს კავშირი, და კონფედერაციაც მხოლოდ უბრალო სინდიკატთა ცენტრალური ორგანოს როლით დაკმაყოფილდა, როგორც უკვე ვსთქვით. ტულუზის კონგრესსის ცდამაც 1897 წლ. ამ ორი ორგანიზაციის შეერთებისამ უქმად ჩაიარა. მას შემდეგ კონფედერაციამ მოჰკიდა შრომის ხელი, და დაადგა რა 1895 წლიდამ თვითმოქმედების გზას, დიდი უნარი გამოიჩინა მუშათა შეერთებაში. პარიზის კონგრესსმა 1900 წლისა ეს ნათლად დაამტკიცა და დაანახვა მთელი საფრანგეთის პროლეტარიატს, რომ მას შეუძლია მართლაც მთელი საფრანგეთის პროფესიონალური კავშირების ერთ დიდ კავშირად შეკვრა.

ლიონის კონგრესსმა 1901 წელს კიდევ უფრო განამტკიცა კონფედერაციის ძალა. მან უკუ-აგდო ყოველივე დახმარება მთავრობისა, უკუ-აგდო მილიერანის პროექტი მუშათა პენსიისა, დაჰგმო რეფორმიზმი და აშკარად გამოვიდა რევოლუციონურ გზაზედ. ამ დროს ნისში იყო კონგრესის შრომის ბირჟათა. კონფედერაციამ აღიარა ერთხელ კიდევ, რომ მუშათა განთავისუფლება თვით მუშათა მიერ უნდა მოხდესო. შრომის ბირჟებს ეს კაი ხანია გამჯდარი ჰქონდათ ძვალსა და რბილში. და ამ ორმა ორგანიზაციამ ეხლა კი გადასწყვიტეს შეერთება. გეგმა ბირჟებმა შეიმუშავეს. გადასწყვიტეს 1902 წ. მონპელიეში მოეხდინათ საგანგებო კრება შეერთებისათვის. როგორც მკითხველმა უკვე იცის, ამ კონგრესსზედ დაარსდა ეხლანდელი „საყოველთაო კონფედერაცია შრომისა“. ახალი კონფედერაცია დაემყარა შემდეგ სტატეიბზედ: 1) ორგანიზაციის მიზნად აქვს შეაკავშიროს ყველა დაქირავებული მუშები 2) მიზნად აქვს სოციალური რევოლუცია, — ე. ი. მოსპობა კლასთა — მყვლეფელთა და გაყვლეფილთა. 3) ბრძოლა, რომელსაც გასწევს კონფედერაცია, უნდა ხდებოდეს გარეშე ყოველივე პოლიტიკურ სკოლათა. — ორგანიზაციაში შეუძლიათ შევიდნენ: 1) ნაციონალური ფედერაცია მრეწველობათა და ხელობათა (ე. ი. ძველი კონფედერაცია). 2) შრომის ბირჟათა ფედერაცია. 3) ცალკე სინდიკატები, რომელთაც ჯერ ფედერაციები არა აქვსთ, ან რომელთა ფედერაციები ჯერ არ შესულან დიდ საერთო ორგანიზაციაში. „საყოველთაო შრომის ფედერაცია“ იყოფა ორ სექციად, — რომელნიც სრული ავტონომიით სარგებლობენ: 1) სექცია სხვა და სხვა პროფესიონალურ, სამრეწველო და სხვა სინდიკატთა. 2) სექცია შრომის ბირჟათა ფედერაციისა. შრომის ბირჟებს ისევ დარჩათ სრული ავტონომია და თავიანთ საკუთარ საქმეებზედ მოსალაპარაკებლად ცალკე კონგრესთა გამართვის უფლებაც.

პირველი სექციის მოვალეობა არის საზოგადოდ სოციალ-
ლიზმის პროპაგანდა, ორგანიზაცია საერთო მუშათა პარტიად
მთელი პროლეტარიატისა, მეორეს კი ძველი ფუნქციები შერ-
ჩა. კონფედერაცია არ ერევა სექციათა შინაგან საქმეებში.
სექციებს შეუძლიათ სრულიადაც არ მიიღონ კონფედერაციის
წინადადებანი. ყველა ეს ძლიერა ჰგავს ინტერნაციონალის ორ-
განიზაციას, სადაც აგრეთვე თვითოეული სექცია სრული და-
მოუკიდებელი იყო.

1904 წელს ბურჟში პირველად მოხდა შეერთებული
პროლეტარიატის კონგრესი. სწორედ ამ წელსავე იყო ამს-
ტერდამში საერთაშორისო კონგრესის სოციალისტთა, — პოლი-
ტიკან-სოციალისტთა ვიტყვით ჩვენ. საინტერესოა შინაარსი
ამ ორი კონგრესისა. განსხვავება ამ ორ შინაარსის შორის პი-
რდაპირ გვიჩვენებს საერთაშორისო სოციალიზმის ორ მოწი-
ნააღმდეგე მიმართულებას. მაშინ როდესაც ამსტერდამის კონ-
გრესსზედ ერთი კითხვაც არ იყო დაყენებული სოციალიზმთან
კავშირის მქონე; მაშინ როდესაც ამ კონგრესსზედ საყოველ-
თაო გაფიცვის შესახებ ყოველად უაზრო და სასაცილო რეზო-
ლიუცია გამოიტანეს, მთელმა კონგრესმა კი ჟორესიზმისა და
მართლმადიდებლობის ბრძოლაში გაიარა, ბურჟის კონგრესმა
ნამდვილი სოციალისტური კითხვები წამოაყენა, განმეორებით
აღიარა თავისი იდეალი, დაამარცხა რეფორმიზმი, განამტკიცა
საყოველთაო გაფიცვის ტაქტიკა და მოიწადინა მისი პრაქტი-
კულად გამოყენება 8 საათის სამუშაო დღის მოსაპოვებ-
ლად. კონგრესმა გადასწყვიტა 1906 წელს, 1 მაისს დაეწყო
საყოველთაო გაფიცვა და ამ საშუალებით 8 საათის სამუ-
შაო დღის მოპოება. მართლაც შიმის ზარი დაეცა ბურ-
ჟუაზიას 1 მაისს 1906 წელს: უკანასკნელი 288,000 კაცი
გავიდა პარიზიდან შიმით, პრეტენის სანოვავის მალაზიებმა
4,000,000 კონსერვის კოლოფი გაჰყიდეს. მაგრამ გაფიცვამ
ვერაფერი მოახდინა დიდი. მთელი ჯარი ფეხზედ დადგა,

დაიჭირეს მრავალი კაცი. თუმცა მთელ საფრანგეთს მოედვა გაფიცვა, მაგრამ მუშებმა მიზანს ვერ მიაღწიეს: არ დამტკიცდა საფრანგეთში 8 საათის სამუშაო დღე საზოგადოდ. მაგრამ მიუხედავად ამისა პროლეტარიატმა ისეთი სოლიდარობა გამოიჩინა, ისეთი ძალა ორგანიზაციისა, რომ ცოტა კიდევ, — და იგი მართლაც საშინელ სოციალურ ძალას წარმოადგენს, რომელიც წაპლეკავს თანამედროვე საზოგადოებრივ ორგანიზაციას და შეჭქმნის ახალს: კონფედერაცია ჯერ კიდევ ახალგაზრდაა, მას ზრდა უნდა, და იგი იზრდება თანდათან. იგი იმგვარ გზაზეა დამდგარი, რომ არ შეუძლია არ იზარდოს, მას იმნაირი შინაარსი აქვს, რომ არ შეიძლება მიზანს არ მიაღწიოს. მხოლოდ დრო და მუშაობაა საჭირო. 1906 წლის გაფიცვის დამარცხება გულ-გასატეხი არ არის, იგი აგრეთვე უბრალო ვარჯიშობა იყო, და ბურჟუაზიისათვის ამგვარი გამარჯვება მხოლოდ პირრის გამარჯვებაა და სხვა არაფერი. და რომ სინდიკატებს მართლაც არ გასტეხიათ გული, სწორედ ამას ამტკიცებს უკანასკნელი მათი კონგრესი. აქ მათ კიდევ უფრო განამტკიცეს თავიანთი იდეალი და ბრძოლის ტაქტიკა. ბაკუნინის იდეებმა გაიმარჯვეს საფრანგეთშიო, ამბობენ, და ეს სრული ჭეშმარიტებაა.

საყურადღებო ის არის, რომ როდესაც ისედაც პატარა პარტიებმა, — გედისტებმა, ჟორესისტებმა, ალემანისტებმა, და ბლანკისტებმა დაინახეს, რომ მუშები მათ ჩამოშორდნენ და სინდიკატებში შევიდნენ, — მონდომეს თვით კონფედერაციის დაღუპვა და პოლიტიკისაკენ ხელ-მეორედ მობრუნება. ჯერ იყვირეს რომ პროფესიონალური კავშირები ბურჟუაზიული ორგანიზაციებიანო, მაგრამ არც ისე სულელი იყო ვინმე რომ მოეტყუებიათ: სინდიკატები ინტერნაციონალის პროგრამას დაუბრუნდნენ, ნამდვილს რევოლიუციონურსა და სოციალისტურს, თვით ამ ვაჟბატონებმა კი დემოკრატიზმი, — „არჩევნები“ მონათლეს სოციალიზმად; და აბა ვინ დაუგდებდა ყურს

მათ უძღურ წკნაიელს. შემდეგ, როცა დაინახეს რომ სინდიკალიზმი იმისთანა ძალად გახდა საფრანგეთში, რომ მთელი სოციალიზმის მატარებლად შექმნა და ყურადღებასაც აღარ აქცევს მათ ყვირილს, მოინდომეს შიგნიდან ციხის გატეხა, მაგრამ სასტიკად დამარცხდნენ ამიენში წლეულს. მგონი აწი საუკუნოდ დაჩუმდებიან, ან და გულწრფელად აღიარებენ თავიანთ შეცდომას და ორში ერთს იზამენ: ან ბურჟუაზიას მიეკედლებიან, ან სინდიკალიზმს. როგორც შარშანწინ ბურჟუმი რეფორმიზმი დამარცხდა თვით მუშათა მიერ, ისე წლეულს პარლამენტარიზმს მიარტყეს საბოლოოდ სამარცხვინო ჭიტლაყი თვით მუშებმა აგრეთვე, — და ჩვენის ფიქრით 1906 წელი უნდა ჩაითვალოს საფრანგეთში ნამდვილი სოციალური რევოლუციის პარტიის გამოსვლის დასაწყისად: ტრამბანში ნუ ჩამოვვართმევენ, და ანარხისტების საქმე იყო უმეტეს ნაწილად ამ პარტიის შექმნა და ორგანიზაცია. ინტერნაციონალის იდეა ჩვენ შევინახეთ. შრომის ბირჟებში ჩვენ ემოქმედობდით და გამოვვლიჯეთ ხელიდან ბურჟუაზიას. ანარხისტი პელუტიე იყო სულის ჩამდგმელი 1892 სენტ-ეტიენის კონგრესსისა, რომელზედაც შეერთდნენ შრომის ბირჟები ანარხიული პროგრამით. ჩვენ ემუშაობდით სინდიკატებში და ძველ კონფედერაციაში. ლიმოჟის კონგრესსზედ 1895 წელს ჩვენი რეზოლიუციები გადიოდა. ანარხისტი პუჟე იყო აგრეთვე სულის ჩამდგმელი მონპელიეს კონგრესსისა 1902 წელს და დღეს იგივეა სხვა ჩვენ ამხანაგებთან ერთად მთელი კონფედერაციის სული და დიდი იდეური ძალა: ჩვენი პროგრამა მიიღო დღეს მთელმა კონფედერაციამ, და ამიტომაც მოვვაგონებს იგი ბაკუნინის ინტერნაციონალს, ამიტომ გვგონია ჩვენ, რომ სინდიკალიზმი ყველგან, და განსაკუთრებით საფრანგეთში ნამდვილი მკვდრეთით აღდგომაა ინტერნაციონალისა, განგრძობაა ამ დიდებული ასსოციაციისა.

უვიცი კაცი დღესაც განცვიფრდება ხოლმე: როგორ! სად

„პროფესიონალური კავშირი“ და სად სოციალიზმიო! მათი მაშინვე მოაგონდებათ ხოლმე ინგლისის ტრედ-იუნიონები და გერმანიის უსიკოცხლო პროფესიონალური კავშირები; მათსაფრანგეთისა და სხვა ლათინთა ქვეყნების სინდიკალიზმი და ტრედ-იუნონიზმი ერთი და იგივე ჰგონიათ, მაგრამ ამით ერთისა და მეორის უვიცობას ამტკიცებენ. ლაგარდელის სიტყვით*), სინდიკალისტთა მიზანია დღეს ჩამოართვან სახელმწიფოს ყველა ფუნქციები, რომელიც მუშათა კლასს ეხება, და გადასცენ იგინი სინდიკატებს, რომელიც მუშათა მოძრაობის ორგანოა. და განა მარტო ეს არის მათი მიზანი? მათი მიზანია სრულიად მოსპობა კლასთა და ყველა სახელმწიფო-ძალ-დატანებით ფუნქციათა, მათი მიზანია თავისუფალი კომმუნისმის საფუძველზედ მოწყობა მომავალი წარმოებისა. მათი საშუალებებია სოციალური რევოლუცია, ძალ-დატანებითი რევოლუცია, და იარაღი, მეთოდი ბრძოლისა—დიდი საყოველთაო გაფიცვა, რომელიც აშკარა სამოქალაქო ომად უნდა გადაიქცეს.

შესწყდა ყოველივე კავშირი მტერთან, მუშათა შეგნებამ, ორგანიზაციამ და თვითმოქმედებამ ნამდვილად ჩაუყარეს საფუძველი მომავალ საზოგადოებას. როგორც უწინ ინტერნაციონალის ორგანიზაცია, ისე თანამედროვე სინდიკალური ორგანიზაცია ეთანხმება თვით მომავალი საზოგადოებრივი ორგანიზაციის იდეალს. მუშათა კლასი დღეს, საფრანგეთში განსაკუთრებით, ნამდვილი განთავისუფლების გზაზეა დამდგარი, იგი ჯერ მეტ ძალას იკრებს, და საკმარისია საბოლოო ბრძოლა, *la lutte finale*, როგორც ფრანგები ამბობენ, რომ მართლაც ინტერნაციონალური გახდეს კაცობრიობის ცხოვრება.

*) ამ მოკლე ისტორიულ მოთხრობაში ჩვენ სხვათა შორის ესარგებლობდით ლაგარდელის სტატიებით, რომელიც დაიბეჭდა *Mouvement Socialiste*-ში, სინდიკალიზმზედ.

მოისპოს საზღვრები, რომელნიც პირდაპირ დაახასიათებენ სა-
ხელმწიფოს. მწარმოებელს, ასოციაციას, ერს—ყველას ჰქონ-
დეს თავისი საკუთარი თავისუფლება და კომუნისტური წარ-
მოებით იკმაყოფილებდეს ყველა თავის მოთხოვნილებათა, ვი-
თარდებოდეს ინტეგრალურად.—დაწვრილებითი ისტორია სინ-
დიკალიზმისა—შემდეგისათვის.

3.3



